

11920/B

BAIER, J... J...

Red Mary.

51450

Chick
8/10/12



Digitized by the Internet Archive
in 2018 with funding from
Wellcome Library

<https://archive.org/details/b30538622>



* * *

IN FRONTEM LIBRI.

NOrica dum gremio tellus conchyliis fundit
Saxea, quæ quondam testa fuere maris:
Dum glebas inter medicas, marmorq; metallumque
Et lapidum formas monstra marina jacent:
His stupuit visis pelago Neptunus in alto;
Sic, ait, & tellus cœrula regna tenet?
Tellus, quam dudum prudens Deus abscidit undis
Et sibi res proprias jussit habere suas?
Tum venit in mentem merse semel orbis imago,
Quum gravis Oceano mista nataret humus.
Tunc, ubi placatum terris mare funera liquit,
Multa simul tumulis obruta concha fuit.
Quî vero, o Numen! (pergit) tot secula durant?
Sedula quæ rursum colligit ista manus?
Disce homo nosse Deum summum, qui talia prestat,
Et Collectori lingua animoque fave!

Interprete

JOHANNE GVILIELMO BAJERO, P.F



JOH. JACOBI BAJERI,
PHILOS. ET MED. D. HVJVSQVE IN ACAD.
ALTDORF. PROF. PVBL.

ILLVSTR. REIP. NORIMB. PHYSICI

OPYKTOΓΡΑΦΙΑ
NORICA,

SIVE

RERVVM FOSSILIVM

ET

AD MINERALE REGNVM
PERTINENTIVM,


IN

TERRITORIO NORIMBERGENSI
EJVSQVE VICINIA OBSERVATARVM

SVCCINCTA

DESCRIPTIO.

CVM ICONIBVS LAPIDVM FIGVRATORVM
FERE DVCENTIS.



NORIMBERGÆ,

IMPENSIS WOLFGANGI MICHAHELLIS, BIBLIOPOLÆ.

ANNO MDCCIIIX.

JOH. JACOB BAILEY
PHILADELPHIA
1840

OPYKTOPHIA
NORICA
THE

REXVM FOSSILVM
ET
ADMINISTRALLE REGVM
PERTINENTVM.

IN
TERRITORIO NORIMBERGENSI
EJUSQUE VICINIA OBSERVATVM
IN COMPTU

DESCRIPVO.
CVM ICONIBVS LAPIDVM FIGURATORVM
PERE DIVERSIS

JOHANNES BAILEY
PHILADELPHIA
1840



ILLVSTRIBVS, GENEROSISSIMIS
ac PRVDENTISSIMIS

DOMINIS
ACADEMIÆ ALTDORFFINÆ
CVRATORIBVS
SPLENDIDISSIMIS,
DN. JACOBO WILIBALDO HAL-
LERO

ab Hallerstein,

Inclytæ Reip. Norimberg. Septemviro, Ecclesiarum
Ephoro & Proto-Scholarchæ,

DN. CHRISTOPHORO FÜRERO
ab Haymendorff, in Wolkersdorff,

DN. GVSTAVO GEORGIO TEZELIO
à Kirchsittenbach, in Vorra & Artelshofen,

DN. CHRISTOPHORO ANDREÆ
TVCHERO

à Simmelsdorff & Winterstein,

EJVSDem EMINENTISSIMÆ REIP.
SENATORIBVS CONSVLA-
RIBVS ET SCHOLARCHIS

DOMINIS meis jugi observantia
demisse colendis,

VITAM ET FELICITATEM!



ILLVSTRES, GENEROSISSIMI ac PRV-
DENTISSIMI


DOMINI,

MÆCENATES jugi observantia
demisse colendi.



Vinqvennium fere est, ex qvo, singulari
VESTRA sublevatus gratia, in hoc
amoenissimum Academiae umbracu-
lum, posthabita Ratisponæ opima Pra-
xi Medica, secessi: cumqve per id tem-
pus (qvod DEI Vestrumqve, DO-
MINI ac MÆCENATES, beneficium est) optatissima
tran-

tranquillitate studia mea fruerentur, æquum esse duxi, non minus otii mei, quam negotii VOBIS reddere rationem. Atque hujus quidem indices VOBIS, *Musarum nostrarum Præsidibus*, statò tempore exhibemus, istius autem qualescunque fructus præsens opella sistit. Quando enim statim à meo ad hoc munus accessu deprehendi, factorum benignitate eas me incolere terras, in quas *rerum fossilium* copias, alibi latissime sparsas, velut in compendium redegerit natura, id egi, ut horas à publici officii curis vacuas, quasque sanitatis causa motioni corporis dare solemus, perquirendæ huic regioni & vicinitati impenderem. Excitare me potuit ad hoc opus suscipiendum, præter insitam in ista studia propensionem, laudatissimum exemplum Antecessorum meorum, post fata quoque mihi venerandorum, qui *Floræ Altdorffinæ* collectas delicias maximo Philiatorum comodo posteritati consecrarunt. Quare & me juventuti Academicæ, cui ducendæ sum destinatus, rem gratam atque utilem præstiturum putavi, si post cognitam lustratamque viridantis telluris superficiem, ad interiora quoque spectanda viam ipsis præirem, si cupidis scientiæ animis ostenderem, cœli solique nostri clementiam veluti quoddam museum, variis naturæ donis refertum, & abs omnibus gratis usurpandum, undique circa nos instruxisse. Hoc fine igitur libellum istum, quem VOBIS, PATRONI MAXIMI, submisse offero, conscripsi, hoc fine eundem



dem publici juris feci, nullus dubitans, quin & Vos pro
summa æquitate Vestra, & in hanc Vniversitatem studio-
rum benigna voluntate, conatus saltem meos probaturi
sitis, nec damnaturi istam audaciam, quæ ILLVSTRIA
NOMINA VESTRA paginis his jussit præscribere. Ita
Deus Vos servet, sanctumque ac splendidum Ordinem
Vestrum, quem Vnius in Coelum abitus nuper imminuit,
Alterius mox auspicata cooptatio supplevit, integritate
valetudinis, felicitate regiminis, meritorum perenni gloria
augeat & amplificet!

ILLVSTRIVM NOMINVM VESTRORVM

cultor & cliens devotissimus

JOH. JACOBVS BAJERVS.

PRÆFA-



PRÆFATIO AD LECTOREM.



*Q*uo majori studio ea naturalis hystoriæ pars, quæ Fossilia tractat, apud exteras nationes hodie excolitur, eo magis dolendum est, Germanorum nostrorum hic deficere industriam. Habuimus sane ante hoc sesqui seculum Agricola, Cordus, Gesnerus, Kentmannus, Fabricius, Encelius, Viros egregios, sua laude non defraudandos: At nostro ævo paucos invenias, illorum prementis vestigia, plerisque sumtum sive metu, sive penuria deterritis, vel etiam circa Lapidum figuratorum originem vulgi persuasione occupatis, meros hos esse naturæ lusus, seria inquisitione indignos. Clarissimus inter Anglos Eduard. Luidius, munificentia Procerum nixus, alacriter conquirere potuit Patriæ suæ curiosos lapides, descriptosque typis mandare: Doctissimus Scheuchzerus Tigurini Magistratus amplissimi auctoritatem in condenda Helvetiæ naturali hystoria ducem habet: Nostris autem in regionibus rarior est illa Magnatum gratia. Neque tamen crediderim, nos ideo omni neglecti officii culpa vacare, aut naturalem Germaniæ hystoriam minus feliciter processuram, dummodo Medicorum aut Philosophorum quisque in suo, quem incolit angulo, debitam curam, Et vel otium saltem, ei impendat. Non etiam est, cur ingratam



laboribus nostris posteritatem metuamus. Schwenckfeldii enim Silesiaca, Hertodi Moravica, Lachmundi Hildesiana, immortalis fama fruuntur, & quæ nuper Anonymus scriptor eruditus de Saxonia subterranea commentari cœpit, communi applausu excipiuntur. Me certe non quidem captandæ gloriolæ, aut popularis auræ cupido, sed sincerum publico bono inseruiendi studium permovit, ut ex eo tempore, quo libertas otii Academici mihi contigit, res agri Norici viciniæque naturales aliquanto diligentius scrutarer, & inventas hoc libello Tecum, B. L. communicarem. Absolutum perfectumque opus hac vice ne expectes: Pauculos enim annos his in terris vixi, neque alias isti operi horas dicare potui, nisi subcisiuas, & à publico munere vacuas. Accedit, quod sine duce me in hoc pelagus immiserim, quodque ante me plures (uti eos vel fortuna & casus, vel quærendi industria juvit) numerosa fossilium nostratium specimina exportaverint, quæ si in me incidissent, pleniorē reddere hanc opellam potuissent. Forte erit, ut laudatus D. Scheuchzerus, Altdorfsinæ nostræ quondam Civis, in his studiis & Arte Medica indefessus, è collectis thesauris plura hic prætermissa expromat in publicum, quorum ipse, datis ad me literis humanissimis, etiam ante visa hæc mea, liberalem spem fecit. Ego vero, qui hactenus & sumtus non exiguos, & operam non omnino nullam in hæc curiosa contuli, in posterum quoque ea ulterius proseguere, si vitam viresque largietur Deus, pergā. Adeo enim, dum hæc scribo, nova subinde se offerunt notatu digna, ut supplementum neque parvum neque contemnendum aliquando polliceri queam.

Vale interim, & hæc paucula boni consule.



ORYCTOGRAPHIÆ NORICÆ

CAPVT I.

DE SITV ET NATVRA AGRI NORICI.



Ntiqua Noricorum Regio Danubium inter & Aenum fluvios montemque Cetium fuisse fertur (a), quibus illi sedibus, crudelitate Hunnorum depulsi, ultra Danubium concesserunt (b), eumque Germaniae tractum occuparunt, qui hodiernum ab iisdem das Nordgäu appellatur. De finibus equidem recentioris hujus Norici dissentiunt Chorographi, sine dubio tamen caput ipsius ac præcipuam partem constituit, vel solo nominis indicio, Norimberga eminentissima, cum suo territorio.

Hic itaque mihi NORICVS ille AGER est, cujus notatu digna varia, ad Regnum minerale pertinentia, recensere animum induxi, quamvis & vicinarum ditionum, præsertim Palatinatus superioris curiosa quædam hinc inde sim exhibiturus, à potiori interim denominationem faciens.

Cæterum latitudinem hujus regionis, & elevationem Polz esse inter grad. XLIX. & L. ex Geographicis constat. Ipsum vero solum glebæ natura ac fertilitate perquam diversum deprehenditur. Qui proxime ambit Norimbergam ager planus quidem,

A

dem,

(a) Vid. B. Christoph. Cellar. Notit. Orb. antiqu. Lib. II. cap. VII. p. 536.

(b) Consul. præ cæteris B. D. D. Wagenfeil. de Civit. Norimb. Cap. II.

dem, sed valde *arenosus* est, eaque de causa *Phil. Andr. Oldenburgerus* (c) rectissime perhibet, *cuniculos hic nullo effectu gaudere*, neutiquam animalcula leporini generis hoc nomine venientia, sed *militares telluris excavationes* (*das Miniren*) intelligens, *genus oppugnationis subterraneum*, quod jam olim *Flavio Vegetio* (d) teste, *cuniculum vocarunt*, à leporibus, qui *cavernas sub terris fodiunt*; Tales autem *cuniculos effectu carere* necessum est, dum non cohæret inter se *sabulum*, sed *cava per medium sui facta*, deorsum & à lateribus promte irruendo, iterum replet, aut saltem inditus pulvis pyrius non tanta vi, ut in gleba pingui, fundove lapidoso, potest operari, cum potius *arenæ incumbentes accenso pulveri facilem egressum*, citra insignem collocatorum in vicinia *ædificiorum aut hominum jacturam*, concedant: sed hæc *ὡς ἐν παρόδῳ*.

Campos utcunque arenosos, in se macros ac steriles, agricolæ & hortulani adeo didicerunt colere ac *fecundare*, diligenter *pastinando*, arando, *stercorando*, ut *frugum varii generis*, præsertim *olerum delicatiorum* largo quotannis proventu, non modo Civitati amplissimæ, verum & distantibus ab ea urbibus & locis pluribus sufficiant; ne quid seorsim de *hortis* dicam *cultissimis*, omnique amœno *Floræ & Pomonæ apparatus* abundantibus.

Remotior ab Urbe tractus, maxime orientem, meridiem ac septentrionem versus, *sylva*, veteris *Hercyniæ* portio, passim tamen pagis & oppidis interpolata, longe lateque disseminata existit. *Qua autem Palatinatui superiori jungitur ager Noricus*, apparet *montosior & lapidosus admodum*, ita, ut plus sæpe lapidum quam glebæ in arvis conspiciatur, ipsæque *segetes* è lapidibus pullulare videantur. Imminent hinc inde vallibus *præruptæ rupes*, & *saxorum moles*, aspectu satis horridæ, & subitaneam minitantes ruinam.

Neque

(c) Thesaur. rer. publ. part. IV. p. 1328.

(d) de Re milit. Lib. IV. cap. 24.

Neque vero defunt *pinguia pascua & gleba parioris arva*, tum alibi visenda, tum circa *Hersbruccum* inprimis; sicuti *pratorum bonitate & lupuli cultura excellit Altdorffium nostrum*. Sed plura, de *Agri Norici diversitate*, non addo, cum ne pro-
lata quidem ad institutum meum tantopere attineant.

CAPVT II.

DE AQVIS, PRÆSERTIM MEDI- CAMENTOSIS, MINERALIBVS ET CVRIOSIS.

VT aliis vitæ adminiculis, sic *aquis necessariis* Norico nostro benignissime prospexit Deus: Quamvis enim regionem hanc, utpote mediterraneam, nullus alluat Oceanus, nullaque interfluant è grandioribus navigabilia flumina, unde commerciis in Urbe, olim quidem quam nunc fructuosioribus, commodaretur; nihilominus *aquarum ubivis abunde est*.

Præter enim *tres amnes*, qui maximam *territorii Norimbergensis* partem includunt, *Regnesum* puta, *Nigrum & Schwabacum*, à Septentrione promanans alveo tortuoso *Pegnesus*, inter lætissimas ripas ad occasum deflectens, medium quasi *Noricum* ipsamque urbem dividit, multiplici quidem accolarum commodo, haud levi tamen etiam quotannis fere damno, quod inferre solet facilis ejus exundatio.

Plures alios *amnes* atque *rivos*, hinc inde scaturientes ac sese diffundentes, variis piscibus affluentes, enumerare supersedeo, perinde ut *stagna*, quorum passim ingens est multitudo. Præ cæteris autem conspicuum ac celebre extat istud, à meridie orientem versus Vrbi propinquum, quod vulgo *der Tutscheteich* / rectius *Duget-teich* nuncupatur, cum è *duodecim* quondam *piscinis* in unum conflatis ori-
ginem

ginem duxisse populari opinione feratur : Vastam & amplissimam hanc, uberrimamque *piscinam*, quam optimo jure *lacum* dixeris, inter alios amniculos *der Fischbach* cognominatus influit ac penetrat, Norimbergam ipsam postea transiens.

Perperam quidem à multis attributa modo dicto rivo, sed curiosa perquam est *scaturigo*, quam *nat' exoχw* den *Ursprung* appellant, occurrens in medio fere itinere, quod Altdorffio ad pagum *Leimburg* & montem *Mauritianum* ducit. Ibi *amplius & aliquot orgyas profundus terræ sabulosa hiatus* aquam ex imo eructat, ea quidem copia, quæ modico intervallo tribus molendinis successive agendis sufficiat. Has aquas non esse alias, constanter asseverant ruricolæ, quam illas quæ in monte *Weissenbrunnensi*, haud procul diffito, scaturiunt, hinc paulisper continuato supra terram cursu iterum disparent, & quasi absorbentur, ex hiatu demum isto rursus prodituræ.

Porro *Fontium aquæ dulcis* tanta suppetit copia, ut in Vrbe sola numerentur CXXXIII. qui sunt publici, quamplurimis autem privatorum ædibus proprii sui fontes inexistant. Publicos inter, *salubritatis laude*, jam pridem emittit ille, qui prope macelli pontem conspicuus, *der Langheimer-Brunnen* appellatur. De hoc in contrarium beatus *Casp. Hoffmannus* noster (a) ita scripsit : *Puteus est Norimbergæ, der Langkommer / ad quem magnus est concursus miserrum opificum : at ille medicatus est ; arrodit enim manus & pedes lotricum, cum diutius perseverant. Quemadmodum vero assertum posterius nulla hodie experientia confirmatur, sic prius, quod nempe medicatus sit ille puteus, pariter vacillat, dum nihil peculiare sive boni, sive mali observare licet, præter insignem aquæ puritatem & saporis suavitatem, qua fontibus aliis ipsam præstare lubenter concesserim.*

Jure

(4) Paralipom. Medicam. Officin. cap. ult.

Jure autem meritoque *aquis medicatis* accensetur BALNEVM, quod vocant FERINVM (das Wildbad) intra Urbis mœnia situm, versus orientem, velut in fronte illius insulæ, quam Pegnesus, geminato post ingressum suum alveo luxurians complectitur, vulgo die Schütt appellatam. Puteus est satis amplus nec parum profundus, è quadratis saxis compositus, quam ex dimidia circiter parte, paulo ultra justam hominis altitudinem ascendens aqua replet, non altius accrescere solita, nec multum decrescere, tametsi magna subinde copia hauriatur. *Tres ipsi fontes aut origines* subtus esse feruntur, quæ salutarem lympham in commune receptaculum corrivant. Inde vero illa per antliam affabre constructam elevatur, deducenda per canales in proximum ædificium, & infundenda prægrandibus ahenis, ut calefieri & usum balnei præstare possit.

Non æque certo constat *de antiquitate hujus balnei*, popularis tamen est traditio, jam ante unum & sesqui seculum id floruisse. Floret saltem hodiernum, omni necessaria commoditate instructum, & frequentatur quotannis, Vere præsertim adulto, tum declinante in autumnum æstate, à personis variæ conditionis ac dignitatis, interdum etiam extraneis, læsam diversimode valetudinem suam provido illius usu recuperantibus.

Conducere inprimis deprehenditur *ex infarctu & obstructione viscerum abdominis laborantibus, hypochondriacis, cachecticis, &c.* Seorsim *sexus sequioris* complura *incommoda* tollere exploratum est, *mensium puta difficultates, fluorem album, ipsamque sterilitatem.* Porro *articularum debilitatem, tremorem, paralyin & contracturam* potenter amoliri experientia docuit, *cutis denique scæditatibus variis* mederi. Neque solum *lotionibus ac semicupis* impenditur latex iste salutaris, verum & *potari ad aliquot uncias* consuevit à balneantibus, antequam labrum ingrediuntur, haud frustra persuasi,

obstructiones sic facilius expediri, alvum quoque officii sui memorem servari, cujus alias retentio tam molestus quam frequens balinei effectus est.

Cæterum *aquam* hanc revera esse *mineralem*, sive particulis quibusdam activis mineralium imprægnatam, non modo *laudatæ virtutes* arguunt, verum & *sapor* indicat, si quidem degustata *subdulce* & *subadstringens* quippiam manifeste sapit. Idem quoque *pallidus* confirmat color quem acquirit ubi paulisper in aëre libero stetit, tametsi è puteo recenter hausta satis clara & fere pellucida appareat. Accedit *intensa flavedo*, qua non tantum parietes putei & canales *incrassantur*, sed & *lintheamina balneantium* adeo profunde tinguntur, ut difficillime, quovis etiam eluendi artificio adhibito, hinc purgari queant.

Jam de ingredientibus istis *aquam* nostram particulis non una innotuit medentium opinio. Joh. Pharamundus Rhumelius (b) & Joh. Scultetus (c) Norimbergensis olim Physicus, multique alii hujus & superioris seculi Arte Medica præstantes Viri, *ochram ferream* sive *terram martialem* accusant, *salinis subtilibus spiculis* in gremio terræ reclusam atque exaltatam. Joh. Hekias Cardilucius autem (d) sententiam illam rejicit, *nihilque prorsus martiale balneo inesse* contendit, experimentis quibusdam à se institutis confidens, unde potius arbitratur, *sulphure* (nescio quo) *universali rubro mineralis regni* nondum *specificato*, & *satis gemma tantillo* imprægnatam existere balinei lympham, *duplici* adeo *naturalis caractere vel signatura notatam*, *solari nempe rubra*, & *lunari candida*.

Me quod attinet, lubentius subscriberem priori sententiæ, quam huic Cardilucianæ opinioni, cujus etiam fundamentum & rationes parum firmas in proclivi esset firmioribus

(b) Nymphograph. A. 1632. edita. (c) Nürnbergisches Bethesßda fol. 19. & sequ. (d) Vom Nürnberg. Bildbad/ p. 37. & sequ.

bus argumentis destruere, nisi crederem, Virum Excellentissimum, Dn. D. *Joh. Paulum Wurffbainium*, Affinem & Collegam meum plur. colendum, qui accuratorem *Balnei Norimbergensis* (multum desideratam) *historiam* pridem meditatus est, id quoque non neglecturum. Quare ego plura in hanc rem proferre supersedeo, id saltem annectens, haud videri, quod *Scultetus* existimavit, *characterem martialem aquis illis imprimi*, per *scorias & recrementa*, quæ à *ferrariis officinis*, ibi locorum quondam fortasse extantibus sepulta remanserint; quasi vero non constaret, *Norimbergense territorium* passim abundare *venis ferri*, unde laudata *tinctoria* commodius deduceretur quam à *scoriis*, quarum *existentia & sufficientia* libere nimis hic supponitur?

Præter memoratum *balnei ferini puteum*, consimilis *natura aquarum vestigia* & alibi se prodiderunt. Ita cum ante *semiseculum* circiter in eadem *insula*, *trecentis quasi à balneo passibus distante loco*, in gratiam *officinæ tinctoriæ* puteus fodiretur, *aqua illius pariter ochra ferrea particeps* ideoque ad *usum quæsitum* inepta fuit deprehensa, *Sculteto (e)* narrante. Quin hodieque in altera *Vrbis extremitate*, occasum versus, non procul ab egressu *Pegnese*, *fonticulus* perennat, *lapides & obvia quoque simili colere imbuens* quo *aqua balnei* ut credibile sit ejusdem *venæ* esse *propaginem*. Neque hoc tacendum, quod anno superioris seculi *XLVI.* fama increbuerit *novi fontis soterii*, in pago *Zabelshoff* (fere dimidium *milliare* ab *urbe*, qua *ortum* ea spectat, remoto) *scaturientis*, *cujus lympham itidem quodammodo affinem balneo ferino* judicarunt sagaciores (f) simul animadvertentes, hujusdem *genii* *aquas* hinc inde, præsertim ad *amplam istam*, supra *indigatam piscinam* (*den Duketteuch*) è *terra rubiginosa* prorumpere.

In

(e) l. c. fol. 5. (f) Vid. *Nymph. Nor.* p. 111.

In Palatinatu superiori, DCC. circiter passibus ab oppido Neumarkt / ad vicini montis radices, *balneum* reperitur *ferinum* quoque cognominatum. Hoc, multo quidem prius jam usitatum, anno demum MDXCVIII. opusculo vernacula lingua edito celebravit *Joh. Chunr. Rhumelius*, Neogarensum t. t. Physicus, qui occasione observationis in *Joh. Langii* Epistolis (g) contentæ (ubi mulier hydropica ex Novo foro, singulari desiderio impulsæ hauriendi frigidam scaturientem, forte fortuna pervenisse ad fontem, cum aqua arenam simul ebullientem, inde bibisse & convaluisse narratur) coepit istam aquam inquirere, deprehensam probare & approbare, autor etiam esse Neogarensis, ut puteum munire, & prope ipsum ædificare domum curarent, quæ adhuc superest, aliquibus hypocautis atque cameris instructa, quamvis ruinam fere minitans. Præsto sunt balneum administrantes, quod hodie, verno cumprimis tempore invisitur à nonnullis utriusque sexus hominibus, tam sanis quam varie languentibus, siquidem plures averruncare posse morbos creditur.

Et sane si *Rhumelius* consulatur, is *balneum* hoc subtilissimas portiones, & quintam veluti essentiam sulphuris, nitri, aluminis, ferri & bituminis continere perhibet; coloris, suo tempore, aquam fuisse ex albo grysei, cum quadam perspicuitate, superficiem ornante subtili pellicula, vivacissimis quibusque coloribus radiante, saporem extitisse acidulum & subadstringentem, odorem ferme sulphureum, aut qualis est accensi pulveris pyrii. Ex quibus principiis Autor deducit vires sanandi ulcera antiqua, scabiem ferinam, dolores ac rheumatismos articulorum, contracturas, paralyses, cachexiam, nephritidem, obstructions hypochondriorum & uteri, sterilitatem, &c.

Verum enim vero nostra ætate vix quicquam laudati coloris, odoris atque saporis amplius persentiscitur, ut non solum
mihi,

mihi, satis attende nuper degustanti, *aqua* saltem *simplex* apparuerit, sed etiam curiosius olim explorans Vir *πολλῶν ἀν-
τάξι* & *ἀλλαν*, Facultatis nostræ & totius Vniversitatis, nec
non Collegii Med. Norimberg. Senior venerabilis, D. D. *Jac.
Pancr. Bruno*, singulare nihil potuerit detegere. Quid, quod
ipsius balnei effectus, post hominum memoriam observati,
tales plerunque fuerunt, quos ab omnis aquæ dulcis balnei
continuato (cum regimine) usu facile expectaveris. Nolo
intercæ vocare in dubium aut falsi arguere *Rhumelii* experi-
menta & *avtopsi*am, licet ipsi non suffragentur moderna bal-
nei *Neagorensis* phænomena. Fieri enim potest, ac re vera
sæpius solet, quod fontes medicati, aliquandiu satis lauda-
biles, successu temporis degenerent, deficientibus sensim,
quæ prius admiscebantur, mineralium activis particulis, ef-
fluente postmodum latice ab alia quavis communi aqua pa-
rum vel nihil discrepante.

In pago *Gruppach* / haud procul ab arce *Gulzburg* /
Illustriss. Comit. de Wolffstein perantiqua sede, fons est, *ACI-
DVLAM* scaturiens *DILVTIOREM*: Hanc, etsi non æque,
ut alias magis saturatas acidulas, potu efficacem noverim,
pro balneo tamen aperiente ac roborante utiliter adhiberi posse
non citra rationem suspicor.

Aquis in Norico nostro memorabilibus par est annumerare
LAPIDESCENTES, seu *PETRIFICANTES* vulgo dictas:
Harum vestigia comparent inter pagum utrumque *Nieden* /
ubi ex monte in vallem delabentes *rivuli concretionibus lapi-
deo-porosis luxuriant*. Sed multo elegantius specimen occur-
rit ultra pagum, ab ortu vicinum, *Hagenhausen* / dum iti-
dem in montis cacumine, tribus distinctis scaturiginibus
profiliens *aqua limpidissima* & perquam frigida, *muscum*, *ligna*,
lapides, & quævis alveo præcipiti obvia, *cortice investit to-
phaceo*, quod naturæ phænomenon alibi fusius declarabi-
tur.

Coronidis loco nonnihil addam de AQVIS SVBTER-
RANEIS, quas *cryptæ quædam Noricæ* spectandas offerunt.
Ipsarum vero *cryptarum brevem descriptionem* præmittere allu-
bescit. *Prima*, eaque notior, dimidiam circiter leucam di-
stat ab oppido Belden/ ditionis Noribergensis, & communi-
ter Geißloch sive Graußeloch appellatur. Superato monte
non adeo acclivi, per medium saxum introitus patet satis
amplus, mox tamen desinens in rotundum foramen, altius
collocatum, ad quod, ope trunci arborei (qui acclinatus est)
ramosi, licet ascendere. Penetrato hoc foramine viator in
cavernam venit, aliquot passus longam latamque, versus
cælum quidem apertam, & hinc luminosam, à lateribus ve-
ro undique proluxa saxorum mole clausam: Inest tamen ite-
rum meatus, nempe ostium ipsius cryptæ ad orientem pro-
tensæ. In hanc igitur erecto corpore datur ingredi, & li-
nea quasi recta plusquam centum gressus facere. Latitudo
alicubi est major triginta pedibus, alicubi multo minor. Al-
titudo summa cubitos XII. superat, propendentibus hiulcis
lapidum fornicibus horribilis. Perpetua hic nox est, ac te-
nebræ densissimæ, non nisi facibus accensis frangendæ:
Harum autem ministerio perlustrari potest internus angulo-
sæ speluncæ ambitus, nisi quod plura è lateribus hinc inde
se diffundant avia, propter angustias fundumque paludo-
sum accessu difficillima; siquidem nemo est, qui cunctos
illius *cryptæ* anfractus se perreptasse & finem reperisse gloria-
ri queat.

Cæterum in medio fere spelæo *geminum* continetur *aqua*
dulcis & limpidæ stagnum, quorum majus adeo existit am-
plum, ut suo loco totam fere latitudinem *cryptæ*, nec mini-
mam longitudinis partem occupet. Profunditas alicubi
deprehenfa plusquam pedalis, non computato largissimo
fundi sabulo, splendente, ex quo nonnulli nescio quid no-
bilioris metalli conficere aliquando frustra laborarunt. Hoc

inpri-

inprimis notabile, quod *stagna* ista nullum, quovis anni tempore, observentur vel decrementum pati vel accrementum, tametsi frequentes è saxosis concamerationibus guttæ passim defluant: Quare vero simillimum est, subinde tantum aquæ ex *stagnis* in vapores abire, quantum per dictas destillationes rursus accedit, servata sic semper proportione. Occurrit equidem in via, quæ Hersbrucco Veldam ducit, prope hoc oppidum, rivulus è radice montis oppositi cum impetu prorumpens, quem à laudatis *stagnis* originem trahere vulgus existimat, sed nulla probabilitate, nedum certitudine, mihi saltem hætenus perspecta.

Interim *aqua istæ subterraneæ*, utut vere *stagnantes*, sunt potu satis delicatæ & innoxie, vel solo ruricularum constanti testimonio, qui opus facientes in agris vicinis, æstate præsertim fervida, hinc sitientes, ad illam *cryptam* advolare solent, mira suavitate laticis, gratoque frigore allecti.

Quæ ulterius reperiuntur in hoc *spelæo* digna notatu, e. g. *Lac luna*, *Terra sigillanda*, *Stalactites*, &c. ea in sequentibus suo quodque loco proponam. Id solum obiter moneo, multos esse, qui pro *exhausta metallifodina* (eine ausgeführte Fund-Grube) habeant istam *speluncam*; quod tamen minime videbitur ei, qui ipsam pariter ac fodinas quasdam metallicas viderit, & inter se accuratius contulerit.

Altera *crypta*, cujus mentionem hic facere decrevi, sita est non procul à pago Rauerheim / qui ad Palatinatum Solisbacensem pertinet, & quatuor leucas circiter Altdorffio abest. Ibi in plano montis vertice, inter agros, foramen, eminus haud conspiciendum, præcipiti ad passus aliquot descensu viatorem dimittit in *cryptam*, cimmeriis quoque perfusam tenebris. Mox ab ingressu cavendum est, ne quis deflectat ab angusto tramite, & in vastum à latere præcipitium delabatur. Paulisper autem continuato per altam istam semitam itinere, satisque illustrata per tædas *crypta*,

major utrinque descendendi facultas sese offert, ad centum usque passus, admodum declivi semper & salebroso fundo. Pendent deorsum, plus minus alte constituta, saxorum laquearia, jacentibus hinc inde fragmentis prægrandibus, olim delapsis.

Stagna quidem hic nulla, cum interim *largis aquæ limpida stillicidiis* parietes & pavimenta madeant, succrescente passim *stalactite* & *Lacte Luna*, alibi commemorandis. Cæterum *Crypta* hæc ab accolis *das Windloch* nuncupatur, quasi esset *Æolica*, ventumque spiraret, quod tamen nec ipse hætenus, utut aliquoties coram adfuerim, potui observare, nec ab aliis fide dignis resciscere.

Plures, quæ circa nos inveniuntur, *speluncas* nunc non recensebo, sed paucis revertar ad *aquas subterraneas*. Harum originem quidam à vaporibus ex profundo terræ sublimatis deducunt, alii contra è roris, pluviae, nivis, per corticem terræ dissipatis, iterumque condensatis moleculis proficisci contendunt; nec forte perperam, quamvis ejusmodi controversias sagacioribus dirimendas lubens relinquam.

CAPUT III.

DE TERRIS, QUARVM SINGULARIS VSVS EST, PARTIM APVD MECHANICOS, PARTIM MEDICOS.

PRimarius in elencho *Terrarum* locus ARGILLÆ solet tribui; quæ est gleba ponderosa, pinguis veluti & unctuosâ, tenax & ductilis, quamdiu humida existit, siccata vero duritiem acquirens, nec facile dehiscens. Hujus bene multas species suppeditat Noricum nostrum. *Figulina* optima, tam *rubra* quam *alba*, foditur prope pagum vicinum

Alt.

Altdorffio, Winckelhaide / in sylva, unde Norimbergam quoque pervehitur, inservitura figulis, non æque concessa extraneis. Occurrunt aliquando in profundioribus fodinis *argilla* hujus *strata* *purpurea*, *flava*, *cinerea*, *nigricantia*, quin etiam *glebae* *eleganter variegatae*, colorumque diversorum venulis inter se confusis pictæ eruuntur. Nec dubium est, unam & alteram illius terræ differentiam, rite preparatam, vulgaribus sigillatis in Medicina commode substitui posse, quatenus, præter colorem congruum, ipse sapor etiam haud alienus consimilem promittere videtur effectum.

Alio in loco, ad eundem pagum, absconditus quasi est in agro cujusdam rustici thesaurus, *Argilla* nempe *alba* & *sabulosa*, quæ primo quidem intuitu nil peculiare præ se fert, pro conficiendis autem ollis sive catinis, quæ vitrum funditur, præstantissima deprehenditur, quamobrem è locis diversis & remotis subinde veniunt, qui terram hanc desiderant, & pro singulis ejusdem plaustris septem ad minimum florenos persolvunt. Fallor, an hæc *argilla* est ipsum *Plinii Tasconium*, quod is (a) hoc modo describit: *Catini fiunt ex tasconio; hæc est terra alba, similis argillæ; neque enim alia afflatum, ignemque & ardentem materiam tolerat.* Ad minimum nostra illa proxime accedit ad terram *Hassiacam*, ex qua parantur *catilli* sive *crucibula*, per Europam longe lateque, ob suam in igne durabilitatem, celebrata.

Non exiguam quoque laudem promeruit *Argilla cinerea Heroldsbergensis*, jam dudum memorata à *Joh. Kentmanno* (b) quod ex ipsa *Norimbergæ* cum terra arenosa fiant vasa liquationis, in quibus *orichalcum* conficitur: Cui sane operi hodiernum utiliter inservit, & lateres inde cocti ad fornaces metallurgicas expetuntur, quod summam ignis fusorii violentiam multo diutius, quam vulgares lateres, sustineant. Cæterum *Georg.*

B 3

Agri-

(a) H. N. Lib. XXXIII. cap. IV. (b) Nomenclat. rerum fossil. pag. 4. lat. 20.

Agricola (c) ante CLXX. ferme annos, commendavit fornaculas fictiles, quas Norimberga mittit, pro coquendis venis & metallis; addens insuper, ex argilla effossa ad arcem Rotebergum, quæ distat à Norimberga circiter XII. M. pass. fieri catinos, in quibus orichalcum conficitur: Hos ex igne, una cum orichalco ejectos non rumpi, sed vitri candentis modo torqueri & trahi. Num vero tales adhuc elaborentur & usurpentur, comperire hætenus non potui, perinde ut id, quod Valer. Cordus (d) suo tempore annotatum tradidit: Lateres Norimberga & Augusta fieri ex luto & abiegni ligni scobe, simul ductis & coctis: exustas scobes relinquere cavernulas, ideoque pumicibus raritate & levitate similes esse hos lateres, ex quibus camini & intestini parietes extruantur.

Quoniam de terris, apud artifices mechanicos usitatis, agere cœpi, ejusdem generis unam alteramque speciem subjungam. BOLVS RVBRA, vulgari Bohemica parum cedens, eruitur ad pagum Troschenreuth (Petzensteinio, oppido Norimbergensi, propinquum) ditionis Brandenburgico-Baruthinæ, tanta quidem copia, ut onerandis subinde plaustris sufficiat, & vili admodum vendatur pretio. In eodem tractu, prope pagum Noricum, Petzensteiner-Hüll nuncupatum, è profundo valde puteo TERRA, itidem copiose, depromitur FLAVA seu LVTEA, quæ, in furno prius siccata, Norimbergam & aliorum devehitur, exiguo pariter divendenda pretio. Hanc pro genuina ochra veterum ut habeam, tanto minus ambigo, quanto magis ipsa veros ochræ characteres exprimit, colorem puta laudatum, saporem adstringentem, & præcipue, quia igne usta ruffescit adinstar rubricæ, quod quidem Dioscorides (e) ochræ proprium esse docet. Utraque autem, tam lutea, quam rubra terra, usum potissimum præbet in adibus pingendis, tametsi & inter medicamenta absorbentia & stiptica reponi omnino mereantur.

RVBRI-

(c) De nat. fossil. Lib. VII. cap. 14. (d) Sylv. var. observat. p. 220.

(e) de Mat. Med. Lib. X. cap. CXII.

RUBRICA FABRILIS, *bonæ notæ*, est in agro quodam montis Weissenbrunnensis, unde eruta quandoque aratro & in conspectum producta fuit. Nullus autem dubito, quin, si altius fodiendo quæreretur, *longe adhuc nobilior & pinguior* sit comparitura: Ut sane mirum videatur, possessorem agri nondum hætenus cepisse experimentum, minime sumptuosum, quod tamen, ubi feliciter successerit, neutiquam careret lucro. *Valer. Cordus l. c. narrat, rubricam extare Norimbergæ, lapidis hæmatitis modo splendentem in livido, cum madescit.* Talem, etsi hodie circa nos alicubi ordinarie inveniri nesciam, asservo tamen, sub arce Rotenbergica, nunc desolata, repertam, præduram nempe, & ex ruffo (revera ut hæmatites) cum splendore nigricantem, quæque fortius affricta sanguineum colorem reddit. Minime vero existimandum est, quasi *rubrica* soli usui pictorio & lineis ducendis dicata sit: Cum enim *prosapia* sit *martialis*, & metalli hujus delicato sulphure, particulis terreis immerso abundet, ideo remedium constituit polychrestum, tam interne quam externe adhibendum, & hæmatiti lapidi in plerisque surrogandum. Non lubet singulas ejus dotes enumerare: Hoc saltem memini, pro comperto quosdam habere, celebrem istum *D. Lehmanni*, Archiatri olim Saxonici, *pulverem*, quo ipse in morbis compluribus miranda præstitisse fertur, maximam partem è *rubrica fabrili* fuisse conflatum. In externis autem affectibus variis, præsertim *in Synovia sistenda*, egregiam *rubrica* efficaciam *Clar. D. Eman. Kænig (f)* deprædicat.

Sed aliæ nunc ad se nos invitant *terræ medicata*. Continet *Crypta*, in præcedenti capite memorata, *Veldensis* **TERRAM SIGILLANDAM**, *ex luteo-puniceam* (*liecht-braun*) pinguem & purissimam, quam nemo facile peritorum asperit, qui non terræ cuivis optimæ æquiparandam judicaverit, inprimis si è sapore simul, ut par est, bonitas ejus æsti-

æstimetur. Quamobrem etiam factum, quod inde à centum fere annis, ad imitationem *terra sigillata Strigoniensis*, vocata in usum optato cum successu fuerit. Sumere placet *Casp. Hoffmanni* (g) testimonium: *Hanc* (ait ille) *terram civis quidam Herspruccensis conquirere solet, mundare, & in placentulas orbiculares, cum signo montium, & inscriptione, Terra sigillata, conformare.* Hæc fraus non est, constat enim multiplici meo experimento, ut & aliorum, in pauperibus præcipue idem agere cum *terra Silesiaca, in febribus mali moris.*

Non licuit mihi esse tam felici, ut vel unicum hujus *terræ pastillum*, dicto modo signatum cernerem, tametsi diligenter inquisiverim; ejus autem loco incidi in aliud *sigillum*, quod *Tab. I. fig. I.* delineandum curavi. De autore quidem haud constat, tempus vero præparationis apparet *Ann. 1632.* fuisse; Expressa in medio *insignia Civitatis Norimbergensis*, testantur ipsius in territorio effossam esse hanc *terram*, cujus in commendationem splendida aliquot *Synonyma* leguntur adscripta, viz. *Axungia Solis, Terra S. Pauli, Terra Adami, Mineralisch Einhorn*; non quod omnium, hisce nominibus venientium rerum externam (ut ita loquar) referat formam, sed internam saltem, & in effectu ipsis respondeat. Quamvis autem imperitiæ juxta & jactantiæ arguendus videatur autor inscriptionis, certum tamen est, non ea solum, quæ *Casp. Hoffmannus* asseruit, verum & cuncta, quæ ab *unicornu fossili & terra qualibet laudabili*, ipsaque adeo *Lemnia* expectari possunt, hanc nostram facile præstare.

Martialis esse, aut de ferro participare vulgo creditur: Hoc autem si concedatur, *Silesiaca*, nostræ concolor, quam *Solis axungiam* vocant, non talis, sed itidem *martialis* erit, quando inter utramque vix aliquid discriminis occurrit. Quare, aut *Silesiaca non est Solaris, aut nostra non martialis*, ad
quod

quod statuendum eo magis inclino, quo minus, mediante
ustione aliisve experimentis, præsentiam ferri licuit detege-
re. Minime autem omnium arridet ea quorundam opinio,
quod vitriolata sit Veldensis terra: Hanc enim, quocunque
modo tractaveris, ne umbram quidem vitrioli exhibere
senties.

LAC LVNÆ, cujus proventu sola quondam *Helvetia*
gloriabatur, *Noricum* quoque nostrum impertit, è *crypta*
Kauerheimensi ac Veldensi, quamvis ex hac paulo largius, ubi
ad sinistram recessus, alte fornicatus, è superno hiatu sen-
sim fundit, & parieti affigit *materiam*, *spisso aut coagulato lacti*
colore & consistentia similem, quæ tamen *exsiccata* in glebam
evadit *levem, raram, friabilem, candidam*, adinstar agarici, un-
de & *fungum petreum*, sive *agaricum mineralem, fossilem, saxa-*
tilem &c. nonnulli dixerunt. Saporis est ex terreo subdul-
cis, odoris vix ullius. In aqua promte liquefcit, ipsamque
reddit lacteam. Effervescere solet cum liquoribus acidis,
eo vehementius, quo fortiores illi extiterint. *Alcalicam*
hinc ejus *naturam* nemo non intelligit, quod insuper confir-
matur experimento nostro, dum igne forti calcinatum *Lac*
Lunæ præbuit *calcem ex cinereo nigricantem*, sed *valde acrem*, &
quæ affusam aquam dulcem manifeste reddidit lixiviosam,
evolutis vi flammæ *atomis alcali salis fixi*; quamvis hoc ma-
ximam partem adeo tenaciter adhæreat calci, ut ipsa, licet
aliquoties elotionem aquæ perpeffa fuerit, nihilominus cum
sale ammoniaco trita, odorem urinosum penetrantem inde
fufcitet.

Quæ sane phænomena unicuique, vel nondum con-
sulta experientia, persuadebunt, esse *Lac Lunæ antacidum &*
absorbens egregium, unde tot virtutes eximiæ particulares,
ipso usu manifestatæ haud difficulter derivantur. Præco-
nem earum quasi primum egit *ὁ πρῶτος* *Conr. Gesnerus* (b) à quo
C com-

(b) de figur. lapid. cap. II. p. 50.

complures recentiorum, e. g. *Anselm. Boëtius de Boot* (i), *Joh. Carolus Rosenbergius* (l), *Olaus Wormius* (m), *Joh. Schræderus* (n) &c. sua descripserunt. Erit autem operæ pretium, *Clar. D. Caroli Nicol. Langii*, *Lucernensis*, utpote novissimi autoris, de usu *Lactis Lunæ* relationem (o) cæteris locupletiore hic inferere: Partium est tenuium, siccatur sine morfu, abstergit, acida imbibit, acrida edulcorat, plerisque morbis ab iis provenientius medetur, & non parvam *Lac Lunæ* inter & *Bolum Armenam* deprehendi affinitatem, cujus potiores vires possidet. Interne prodest in soda & ructu nidoroso, grumis sanguinis dissolvendis, nec non in hæmorrhagiis, aliisque sanguinis profluvii sistendis. In ardore urinae, & reliquis ejus affectibus ab acrimonia & aciditate ortis, speciatim in stranguria juvat, dolorem nephriticum sedat, & arenulas è renibus pellit, earumque generationem impedit. In colica, diarrhœa & dysenteria præsentaneum est remedium, quod nonnulli etiam in febribus malignis & pestilentialibus cum fructu exhibent. Demum lac mulierum lactantium copiose auget, propinatum cum crystallo preparata, semine fœniculi, aliisque specificis. Externe *Lac Lunæ* confert ad acidum occultum ulcerum absumentum, imprimis tibialium, quæ mire purificat, conglutinat & ad cicatricem perducit. Multi illud, loco nihil albi, collyriis addunt ad exsiccanda oculorum ulcera, eorumque defluxiones acres inhibendas. Hactenus ille, quocum omnino conferri merentur, quæ *Eman. Kœnig* (p), *Joh. Jac. Wagnerus* (q) & præcipue *Excell. D. Joh. Jac. Scheuchzerus* (r) haud dissimilia scriptis consignarunt.

Quod genesin *Lactis Lunæ* attinet, illam minime arbitror deducendam à vaporibus metallicis, præsertim *Lunæ seu argen-*

ti

(i) de lap. & gemm. histor. Lib. II. cap. 229. (l) Animadv. & Exerc. Med. XI. (m) Musei Lib. I. Sect. I. cap. IV. (n) Append. ad Pharmacop. p. m. 897. (o) Idea Hist. Nat. Lap. figur. Helvet. cap. III. (p) l. c. cap. II. (q) Hist. Nat. Helvet. p. 341. (r) Beschreib. der Natur, Geschichten des Schweizer Landes. Part. II. p. 184.

ti condensatis, ut *Wormius* aliique autumarunt, satis tamen confutati à laudato D. *Scheuchzero*. Sed longe probabilius statuitur, *aquas* (sicuti sub finem capitis antecedentis fuit ostensum) per corticem terræ absorptas, & altius in compagem certi generis saxorum penetrantes, *abluere* hinc inde & *secum vehere tenerrimam lapidum substantiam*, & *veluti cremorem*, hunc postea rursus è sinu suo dimittere, nata occasione commoda in subterraneis cryptis, quarum in parietibus corrivatæ aquarum guttæ, dicto lapidum cremore scattentes, sensim evaporando evanescunt, relicta, quam sibi in transitu è saxis adsciverant, materia, in ipsum *Lac Luna* coalitura, ambientis præcipue aëris auxilio siccanda.

Num cognitum habuerint prisca Medici *Lac Luna*, & an *Morochtus* aut *Galactites* eorundem sit? jam non vacat disquirere, quamvis multi neotericorum id suspicentur. Parum etiam interesse puto, ad quamnam terrarum classem referatur? stantetamen proposita modo hypothese, de ortu *Lactis Luna*, istud ad *Margam sive medullam saxorum* pertinebit. Cæterum mihi gratulor, quod, nemine præeunte, offenderim in hac regione curiosum illud fossile, & apud nos extare, primus fortasse nunc declaraverim, non desperans, quin & alibi per Germaniam investigari possit, quemadmodum in Moravia & Superiori Austria *Joh. Ferdin. Hertod* (s) extra Europam vero, in Insula Sumatra, *Herm. Nicol. Grimm* (t) repertum testantur. Seorsim quoque Cimbriam *Lactis Luna* feracem esse arguit *Marga Saxatilis*, ex insulis *Feroënsibus*, quam descripsit l. c. *Wormius*, & analogam penitus Helvetico *Lacti Luna* ostendit. Sed plura, in hanc rem, dubio procul legi poterunt in celeberr. *Joh. Dan. Majoris* peculiari tractatu de *Lacte Luna*, quem tamen hucusque nondum videre mihi contigit, etsi sedulo quæfiverim. Hoc interea possum confir-

(s) Tartaromast. Morav. pag. 72. (t) Ephem. Germ. A. N. C. Dec. II. Ann. V. pag. 69.

mare, quod allegatus D. Langius notavit; *Lac Luna*, nimirum, *aëri magis* (ac diutius) *expositum*, *facillime iterum induere naturam lapidis* : An vero genuina causa hujus metamorphoseos sit *nitrum aëreum*, denuo admixtum, ut ille vult, ego quidem vix ausim decernere, contentus, quod è phænomeno isto rationem didicerim, quare interdum *Lac Luna* occurrat *asperius & lapidosius*, non quod tale sit immaturum adhuc & crudum, ceu *Gesnerius* credidit, sed quia nimis maturum & veluti bis coctum est.

Præter *Lac Luna*, alias etiam *marga differentias* Noricum nostrum exhibet, inprimis vero illam, quæ *κατ' ἐξοχήν* MEDULLA SAXORVM (*Stein-Marck*) appellatur, passimque obvia est, instar nuclei, glandulæ seu medullæ, de commissuris & cavitatibus petrarum eximenda, quando hæ à lapidicidis franguntur, cinerea plerumque aut albicans, non æque ponderosa & pinguis ut argilla, friabilis tamen. Hujusmodi conspicuas portiones elicui è rimis & interstitiis saxi arenosi, in valle profunda prope pagum *Grünsperg* / ubi & aliam ex amniculo collegi *margam*, nempe *durior*em, *rubricæ* in modum, è *eryseo & violaceo variegatam*, *ponderosam*, quæ lapidi nigro fissili affricta lineas ducit coloris fere carnei : Docuerunt autem experimenta, *hanc margam speciem ferro esse refertam*, ideoque nobiliorem censendam. Alia rursus *marga* se mihi obtulit circa *Winkelhaid* / in foraminibus sinuosis quorundam saxorum, *tenera & levis admodum*, coloris *aurei seu lutei*, quam pariter martialem judico. E lapidicina montis Mauriciani *margam* quoque consecutus sum, sed *impurior*em, coloris *partim albicantis, partim lutei & punicei*. Cæterum *usus Margæ in Medicina & virtutes*, licet à variis deprædicentur variæ, potissimum in *absorbendo & leniter adstringendo* consistunt; quare inter ipsam & terrea concreta alia exiguum ratione effectus intercedet discrimen.

Marga perquam affinem terram, fissilem, aut è numerosis incumbentibus sibi laminis compositam, colore glaucam seu ex coeruleo incanam, saporis laudabilis, deprehendi ad radices montis, inter pagos Altdorffio propinquos, Grub & Schwarzenbach. CRVSTOSA vero TERRA elegans, in lutifodinis nostris, & inter arenas rivuli ad molam Bretthal reperitur, quam *εμαναρίτης* D.D. Maur. Hoffmannus noster (u) lapidem vocat *miniatum*, ideo forsan, quia paulo est durior, & quarundam crustarum colore *minium* mentitur. Ejus quandoque viginti possunt numerari crustæ, sibi invicem superinductæ, consimili modo, ut in lapide Bezoar apparet, centrum possidente vel ejusdem consistentiæ nucleo, vel pulvere non disparis naturæ & coloris. Est autem color, præter dictum *miniatum*, rariorem, vulgatior luteus aut ochreus, martialem arguens genium, qui clarius se prodit ustione instituta, hinc enim jucunde rufescit, & rubricæ æqualis evadit, cui propterea, quâ pigmento, quâ medicamento, substitui posse illam terram non temere spondeo.

Margacea porro gleba, pallide lutea, mihi observata est in crypta Kauerheimensi, sed quæ arenulis scatet, lavando tamen, lege Artis, facile purganda. Et hæc quidem de TERRIS NORICIS in præsentī dicta sufficiant; plura fortasse succurrent ac proferentur in posterum, ego interim ad lapides recensendos me conferam.

CAPVT IV.
DE LAPIDIBVS IN GENERE,
ET SPECIATIM IIS, QVI SVNT *ἀμορφοί*,
H. E. NVLLA CERTA FIGVRA CONSPICVI.

Acturus de lapidibus Noricis, minime necessarium puto, generalem istorum corporum notionem operosius evolvere:

(u) Floræ Altdorff. Delic. Sylv. sub finem lit. L.

Siquidem plerisque mentibus jam satis firmiter inhæret genericus ille conceptus de Lapide, quod substantia sit dura & rigida, non ductilis, nec aqua nec oleo solubilis, neque igne liquabilis, &c. Cujusmodi conditiones quodammodo distinctum reddere queunt lapidum genus, à reliquorum fossilium classibus. Prolixas divisiones lapidum, passim ab Autoribus traditas, pariter haud moror, quippe qui neutiquam universalem, sed nostratum saltem lapidum historiam concinnare decrevi. Esto igitur idonea, pro instituti ratione, sequens dispositio:

		gaudent: <i>Vid. Tab. Special.</i>	
LAPIDES NORICI figura certa	{	carent	Opaci { molliores: <i>Saxum arenarium, Tophus, Lap. Calcar. Gypsum, Alabastrum.</i>
			duriores: <i>Marmor, Silex.</i>
		Diaphani	integre: <i>Fluores Crystallini.</i>
			ex parte: <i>Fluores colorati & lividi.</i>

Inter lapides, figura certa carentes, opacos, molliores, recepto apud Physicos more, primum collocavi SAXVM ARENARIVM: Est autem character ipsius, quod asperum existat, nec poliri perfecte queat, affricum strideat, & in particulas duras, rigidas, ARENAM nempe soleat comminui; ut adeo ex hoc lapide resoluta *Arena*, ex hac autem concreta ipse lapis oriatur. Vulgo dividunt arenam, in litoralem & fossiciam, ceu *Vitruvius* (a) jam fecit. De illa, quam mare pariter, ac fluviatiles aquæ tantum non omnes, alveis suis continent ac vehunt, plus minus puram & æqualem, non attinet dicere. *Fossiciam* autem, quæ scilicet, extra aquam, è locis variis eruitur, habemus omnino variam: sed juvat, præstantiores saltem recensere differentias. Præ cæteris notabile est *saxum arenarium*, quod κατ' ἐξοχήν *Norimbergium* vocat *Agricola* (b); hoc enim (ut *Viri laudati* verbis, veritati sat consentaneis

(a) de Architect. Lib. II. cap. IV. (b) de Nat. fossil. Lib. VII. cap. XIV.

taneis utar) *in lapidicinis molle est*, quocirca, quamprimum fuerit extractum, figurandum est. Etenim, ubi aliquo temporis intervallo id aër ambit, mirum in modum duratur. E tali propterea saxo Norimbergæ splendida pleraque ædificia sunt extructa, quorum nonnulla per unum alterumque jam seculum steterunt, integris adhuc & firmissimis lapidibus. Ipsam vero *lapicidinam* (quod *Vitruvii*, pro lapidicina, est vocabulum) tribus circiter passuum millibus ab Urbe distitam, carmine heroico fusius descripsit *Helias Eobanus Hessius* (c). Ad oppidum *Wendelstein*, laudabile quoque, tenuius tamen ac delicatius est *arenarium saxum*, non modo ædificiis aptum, sed etiam lapides præbens molaes excellentissimos, qui longe lateque diversas in regiones devehuntur; idem insuper fabricandis statuis, monumentis ac cippis, & sculpendis epitaphiis, si quod aliud, accommodatissimum.

Peculiaris saxi arenarii species, quæ friabilior molliorque existit & manet, depromitur è cacumine montis *Weissenbrunnensis*. Adeo jam excavatus iste locus est continuis arenæ extractionibus, ut cryptam referat capacissimam, cujus ruinæ prospexit fossorum sagacitas, relictis hinc inde validis & fornicatis fulcris, quorum ope sustinetur incumbens vastissima moles: Curiosum sane spectaculum, nec tamen sine horrore, propter amplitudinem ac tenebras densissimas contemplandum. Habet autem arena illa varias quasi venas, albi, flavescentis, rubri coloris, etsi nullo bonitatis discrimine, siquidem promiscue pura est, terræque aut pulveris alieni expers, minutis constans granulis, sed æqualibus, & quæ, oculo armato considerata, pellucas obtusasque crysallos repræsentant. Usus affert hæc arena singularem ad polienda opera metallica, præsertim orichalcea, quem in finem mechanici Norimbergenses illam avide expetunt: Taceo, quod pharmaceuticis ac Chemicis laboribus eadem apprimè conducatur. Aliud

Aliud porro *saxum arenarium* passim circa nos reperitur *albicans*, *crassius* & *sabulosum*, deque *argillaceo pulvere multum participans*, unde priori longe est inferius, ad purganda tamen utensilia & ædium tabulata communiter recipitur. Frequentissimum autem est *saxum glareosum*, quo nomine appello massam è parvis filicibus aliisque lapillis & arena, interfuso naturali quodam cæmento seu glutine compactam, plus minus friabilem, cujus solidæ rupes & fragmenta hinc inde conspiciuntur, nullius quidem præstantis usus, quorum tamen concretionis ratio indagari meretur.

TOPHVS sive PORVS (tamen si fortasse antiquitus aliud quippiam significaverit) hodie *lapidem* denotat, multis foraminibus aut poris pervium, hinc *asperum*, minus ponderosum, mollem vero ac friabilem, coloris ut plurimum *albicantis* aut *cinerei*. Hujus frusta variæ magnitudinis, tum alibi passim in agris, tum præcipue ad radices udosas quorundam circa nos montium inveniuntur, unde suspicari licet, quod ex aquis, materia margacea imprægnatis, per montes illos decurrentibus coagulentur & coalescant. Sane enim *Tophum* ea cum primis loca largissime exhibent, queis aquas petrificantes scaturire, Cap. II. retuli. Cæterum vix ulli est hic lapis usui, præterquam, quod exornandis eremitoriis & spelæis artificialibus (zum Grotten-Werck) inserviat, quem ob finem sæpius Norimbergam & aliorum deferitur: Poterit tamen etiam, sine dubio, calx inde fieri haud reprobanda.

Quod vero seorsim audit **CALCARIVM SAXVM**, non ejusdem est generis: Datur enim valde *durum*, sed *molle* usitatus, quale ex Mauritano monte *albicans* & copiosissimum desumitur, proximoque ad montem loco uritur in calcem, Norimbergæ ac vicinæ ipsius desideratam. *Virtutes calcis vivæ Medicas* longum foret hic enarrare, imo & supervacuum, quoniam à compluribus Chemicis scriptoribus illæ jam

jam satis sunt decantatae, potissimum ad *sal*, ustione explicitum, *alcali acerrimum* referendae; quod, licet oculis nequeat ea forma sisti, qua plantarum salia, ceu recte monuit *Olaus Borrichius* (d); effectum tamen, tum antacido, tum caustico, & in psilothris maximè, fit satis conspicuum.

Affine saxo calcario habitum semper fuit GYPSVM, quod etiam non est ejusdem faciei ac bonitatis. Optimum, in his terris mihi visum, *Winshemiense*, candidum & argentei splendoris, in fila divisibile, propemodum ut *Amiantus*, quod occasionem praebeuit, ut ipsi non solum, sed etiam alumini plumoso, pluribus in pharmacopoliis, turpi errore, substitueretur. Nuncupant autem vulgo *Räken-stein* / hanc *gypsi speciem*, quae prope Jenam quoque, dulcem patriam meam abundat, dudum ibi observata à *G. Agricola* (e). Uritur autem hic lapis facilius multo quam calcarium saxum, in pulverem hinc abiens tenerrimum & plane niveum, ex quo, rite subacto, formantur postea statuæ & alia plastrarum curiosa opera, quin etiam notissimo hodie artificio *nummorum rariorum accurata ectypa* inde concinnantur; ut horum adeo intuitu *Gypsum* aestimare deceat, si vel maxime in usum Medicum non cederet, de quo tamen Autores pharmaceutici varia differuerunt.

Ut *Gypsum* calcario saxo, sic ALABASTRVM gypso cognatum merito censetur. Quamvis enim inter *Marmoris species Alabastrum* referrì soleat, rectius tamen judicante *Ans. Boëtio de Boot* (f) ab illis, si non figura externa & politura, saltem duritie distinguitur; *mollius* quippe est: *Nimis* autem *molle*, ita ut scalpello scindi possit, etsi vulgo *Alabastrum* nomine appelletur, potius *gypsi* reputat *speciem* citatus Autor, & pro *Alabastrite incocto* habet, ut contra hunc, paulo durior, pro imperfecto marmore. Diversis equidem
D è lo-

(d) de Hermet. Ægypt. & Chemic. sapient. p. 417. (e) l. c. Lib. V. cap. VII. (f) l. c. Lib. II. cap. 268.

è locis Norimbergam accersitur *Alabastrum*, sed nullum novi proximius Winshemiensi, quod mediocris est duritiei, purum & candidum, nec tamen venis coloratis destitutum. In Medicina raro adhibetur, & non nisi externe, unica hodie usitata compositione *unguenti Alabastrini*, adversus capitis dolorem præscribendi. Ordinarie autem convertitur hic lapis ad *vascula & alia torevmata* munditie ac splendido candore oculis blandientia; Porro *ludicra* inde fiunt & *crepundia*: Uritur etiam in *calcem tenerrimam*, similiter ut *gypsum*, unde hujus cum illo affinitas magis elucescit. Curiosum annectere placet phænomenon, ab Illustr. Rob. Boyle (g) accuratius observatum; quod nempe *pulvis Alabastris aut Gypsi Parisiensis*, æneo ferreoque lebeti, prius percalefacto inditus, gradatim aucto igne, incipiat liquoris bullientis modo undulare, effervesce, magnamque vaporum copiam spargere, tametsi nec ante, nec inter, nec post ebullitionem istam *pulvis Alabastris* humidus revera fuerit; quod certe experimentum, sobrie applicatum, theoriæ fluiditatis corporum haud exiguam affundit lucem.

Ex eadem classe, *lapidum ἀμώρεων*, aut *figura certa carentium*, qui vero duriores sunt, primum locum occupet **MARMOR**, cujus amplissima vena nuperis demum annis in territorio Norimbergenfi detecta fuit prope *Grasenbergam* oppidum. Coloris est cinerei, sæpe tamen venulis & maculis, albicantibus pariter ac nigris distinctum. Durities eximia, indeque aptitudo ad *polituram* recipiendam singularis, ut vix intelligam, quid in hoc *marmore* desiderari possit, quo minus communi aliis marmoribus usui impendatur, nisi quod audiverim, obstare quasdam circa præparationem difficultates, fortasse tamen in posterum removendas. Interim certum hoc est, latere passim in Norico nostro *marmor*; cum & *vulgaria saxa*, quibus *via ac platea*, *Alt-*
dorffii

dorffii præsertim sternuntur, marmoreæ plerumque sint naturæ. Seorsim *Hersbruccense saxum*, è vastissima latomia vicini montis depromptum, ad marmor quodammodo accedit, sed minus durabile, siquidem, vicissitudini tempestatum aliquandiu expositum, dissilire solet ac rumpi. Constantioris autem longe *marmoris* habeo glebas, albicantes, in superiori Palatinatu, versus Ambergam collectas, adeo duras, ut limæ impetum & aciem eludant, ipsoque hoc nomine, tum quia ex iisdem ignis percussione elicitur, ad silicum familiam referri mereantur.

Sed veri ac indubitati SILICES (quod saxi genus est durissimum, aut marmore saltem durius, ad sculpturam & ædificia ineptum) *varia* penes nos hinc inde occurrunt species, colore potissimum discrepantes: Sunt enim albi, flavescentes, rubentes, fusci, nigricantes &c. Vulgaris autem alias *filex*, qui cornu externa facie repræsentat, ideoque *Hornstein* vocatur, hic terrarum est paulo rarior; neque vero deficit *versicolor*, ut ægre liceat omnes indicare differentias, in eo nihilominus convenientes, tanquam in charactere suo, quod singulæ fortiori adinvicem aut chalybis allisu ignem prompte suscitent, unde Germanicum nomen *Feuerstein* / & quia speciatim bombardis pro eodem scopo applicantur, *Flintenstein* / originem traxit. Cæterum tritissima est *silicis* illa species, quæ *fluvialis* audit, quoniam in alveis & litoribus glareosis fluminum maxime abundat, sed reliquis silicibus cedit duritie. Varii est coloris, præfertur vero *candidus*; igne tam calcinari quam fundi potest, quapropter valde dubito, an *filex* hic *pyrimachus* sit *veterum*, ut *Boëtio*, *Wormio*, aliisque videtur. Nostrates hunc lapidem *weißen Rieselstein* nuncupant, & Medici utuntur ipso tam externe ad dentifricia, quam interne contra nephritidem, calculum, &c. resolvendo prius in liquorem, à Chemicis tradita diversimode *enchiresi*, quo spectat etiam famosæ illius *tinctura nephri-*

rica Amelungii præparatio. Antequam filices dimitto, licebit obiter monere, interdum & apud nos cum illis confundi lapides nobiliores, sicuti *Christoph. Encelius* (b) urbem Misniæ, ubi pretioso *Jaspide spadiceo* utebantur pro *silice*, ad ignem excutiendum, se nosse testatur, justo cum epiphonemate: *O sancta Simplicitas Germanorum!*

LAPIDES DIAPHANI rariores quidem sunt in nostro climate, nec tamen prorsus iisdem destituimur. Possum ostendere filices, quorum sinubus inhærent *splendentes* adeo *crystalli*, ut cum Bohemicis adamantibus facile certarent, si splendori ac duritiæ congrua accederet magnitudo; sunt enim hæ *crystalli* perquam exiles, ac difficulter eximendæ integræ, cum interim acie sua vitrum promptissime scalpant, & lineas in ipso ducant satis profundas.

Genuinam vero CRYSTALLVM possideo, in Monte Pinifero Franconia Superioris repertam, dummodo fas est ipsam accensere hoc loco *Noricis fossilibus*: Id si liceret, pari jure huc etiam referrem deprehensum in eodem monte PSEVDOTOPAZIVM, qui apparet nil aliud esse, quam *tincta crystal- lus*, ex aureo colore parumper in nigredinem vergens, salva tamen utplurimum perspicuitate. Fert præterea idem Mons Pinifer PSEVD-AMETHYSTVM, dilutioris violacei coloris: Sed talem multo elegantiolem, SMARAGDO viridi jucunde interpolatum, habeo, binis à Ratispona milliari- bus, prope Donaustauf erutum, ibique in copia colligen- dum, de quo D. *Joh. Lebnervs* (i) plura memoriæ prodidit.

Locis autem Altdorffio vicinioribus passim extant FLV- ORES (*Flüße*) ita dicti, vel quod ex materia fluida coagu- lati manifesto, videantur, vel quod igne facilius quam alii lapides fundi & liquari soleant. Sunt vero lapides, qui *nito- re ac pelluciditate*, plus minus perfecta, & coloribus his illis, *gemmas*

(b) de Re metall. Lib. III. cap. 71. (i) in Dedicat. novæ descript. Balnei Abacensis Ann. 1669. edit.

gemmas emulantur ; sed minor omnino durities, ut levi opera frangi & comminui queant. Hoc insuper, animadvertente satis accurate C. Gesnero (1) plexisque commune est, quod figura plane incerta gaudeant, & plures simul inæqualiter cohærentes & conglomerati proveniant, chæradum seu strumarum quadam similitudine (Kropfs-weiß / ut nostri loquuntur) ita tamen, ut separari ab invicem haud difficulter possint. Erequentior nobis est ex candido pellucidus, numerosis per longitudinem sulcis atque striis asper, transversim vero fractus politam superficiem exhibens instar speculi. Alios fluores nactus sum, è candido vix leviter diaphanos, laminatim compositos, in modum saxi metallici, quod spatium appellant: Alios porro magis obscuros, & quandoque lividos. Sed pulcherrimi, à me hucusque deprehensi, Topazium imitantur colore quasi melino, per medium autem confracti promiscue ex purpureo & viridi resplendent. Quis usus sit hujusmodi fluorum, vix attinet dicere, quia parcius circa nos proveniunt, quam ut magna cum iisdem liceat moliri. Alias commendantur ad vitra conficienda, & metallorum fusionem juvandam. At nostri fluores igne paulo intensiori rediguntur in calcem albam gypso asperiore, nondum mihi explorata ipsius utilitate.

CAPUT V.

DE LAPIDIBVS EMMOPΦΟΙΣ, SEV FIGVRA CERTA GAUDENTIBVS, IN GENERE, ET SPECIATIM TALIBVS EX LVSV NATVRÆ.

POSTEAQUAM in antecedenti capite lapides, Norico nostro indigenas, figura certa destitutos, recensui, lubet nunc ad

(1) Lib. citat. p. 26. a.

alterum genus, LAPIDVM nempe τῶν ἐμμορφῶν, seu FIGV-
RA CERTA PRÆDITORVM pergere : Qua quidem
phrasi designatos cupio lapides, certorum, sub aliis natura re-
gnis comprehensorum, corporum speciem & externam formam, aut
exacte, aut saltem minus coacte representantes. Ubi statim ap-
paret, quod præmonendum ducebam, displicere mihi, nec
imitandos esse mores nonnullorum curiosulorum qui lapi-
dem quemvis, angulosum & scabrum, è suo ingenio fin-
gunt has illas exprimere mirandas rerum imagines, à ne-
mine licet agnoscendas, nisi qui consimili phantasiæ per-
spicillo fuerit occæcatus. Ne vero ἀμεθοδικῶς, aut sine o-
mni ordine proferam, quos exponere decrevi lapides figura-
tos, eorum partitionem sequenti tabula, ὡς ἐν συνόψει trade-
re juvabit.

TAB. II.
LAPIDES NORICI
FIGVRATI
tales sunt aut
ex

Lusu naturæ,
Figurarum

Mathematicarum

Quæ referunt corpora

Transmutatione

Vegetabilium: Muscorum, Foliorum, Lignorum.

Animalium

Rotundæ: Sphæræ lapidea,
Hemisphæria, Ouales,
Aetites, Geodes &c.

Conicæ: Belemnites diversar.
specierum.

Stellaris: Astroites var. dif-
ferent.

Vegetabilium: Fructuum
diversi gen. Nucleo-
rum, Fungorum,
Radicum. &c.

Animalium, & eorundem
partium: Corii, Den-
tium, Cornuum, Penis
hum. &c.

Univalvium:
Vid. TAB. III.

Bivalvium:
Vid. TAB. IV.

Aliorum: Unicornu fossile, Ich-
thyospondyli, &c.

Quan-

Quando *lufum naturæ* appello, indeque figuratos quosdam lapides oriri statuo, neutiquam existimandum est, quasi cum vulgo superstitiofo mihi concipiam *Agens* aliquod, à Deo distinctum, in hoc universo, præsertim globo terraqueo creaturas corporeas dirigens atque modificans, interdum etiam in iisdem *otiose luæns*, & absurda veluti monstraque sæpius producens, quale quid seorsim circa lapidum efformationem cernere liceret: Verum hoc solum intendo, ut liberum mihi sit, vocabulo *lufus naturæ*, idem, quod alii solent, profiteri, nempe *ignorantiam genuinæ originis & causæ* (hoc quidem loco) *figurarum in quibusdam lapidibus*. Hunc igitur in censum veniant omnes ii lapides, qui vel *sui generis figuram* ostendunt, vel etiam si *aliorum corporum formas imitantur*, minus tamen perfecte id præstant, sed aut mole & extensione, aut notis characteristicis aliis deficiunt, ita, ut è rebus, queis utcunque assimilantur, ortum traxisse nullatenus probari queat.

Non me fugit, fategisse plures, phænomenorum istorum rationem reddere, & causas declarare: Quod si vero singulorum argumenta ponderentur accuratius, præter audaces suppositiones, conjecturas & inductiones, patebit esse nihil. Quare supervacuum arbitror, ejusmodi fallacibus commentis detinere Lectorem veritatis cupidum. Nulli autem inuidebo, quin potius sincere gratulabor, si quis aliquando rem acu tetigerit, atque *τὸ δῖόν* se invenisse, non tam ipse crediderit, quam mihi & aliis demonstraverit. Meum interea erit, *figuratos lapides, incertæ originis*, circa nos observatos, ordine in Tabula definito expromere.

In classe *lapidum, figura mathematica gaudentium*, primo, nec immerito collocavi ROTVNDOS. Horum autem varia specimina, disparis magnitudinis, duritiei, coloris, &c. producere possem, etsi forte non tanta copia, qua *Hieron.*

Carda-

Cardanus (a) Cubam, Novi orbis insulam, lapidibus exacte sphaericis abundare narravit. Elegans præ cæteris mihi est Sphærule, è centro prægrandis Nautilitæ seu Cornu Ammonis, prope pagum Happurg excussa, duritie marmoreæ, coloris cinerei, globulo puerorum lusorio perquam similis. In monte Weissenbrunnensi saxum arenario-ferrugineum globos haud raro continet subrotundos, interdum pugni magnitudine, sæpius longe minores, & glandibus bombarda immit-tendis æquales. Superficiem gerunt in rubigine splendentem, leves sunt ac friabiles, è luto & arena indurati. Hemisphæria porro lapidea, non ejusdem moduli, se obtulerunt; sed unum maxime perfectum, albicanti marmoris colore & consistentia accedens, sub Arce devastata Bractensels à me repertum. Taceo lapides ovales, & in rotundo compressos, qualium non pauca exemplaria affervo, magnitudine, colore & aliis momentis ab invicem discrepantia.

Lapidibus rotundis, è naturæ lusu, aut minus manifesta causa profectis, AETITES (Adlerstein) meretur annumerari, quoniam plerunque globosus apparet, nomen sortitus ab aquila, quod in ipsius nido præstantior unice quærendus olim ferebatur. Proprium huic lapidi est, cavitate intus gaudere, vel prorsus inani, vel lapillum (quem Callimum vocant) vel arenam, vel terram, &c. includente: Hinc species ipsius oriuntur variae, nominibus variis venientes. Nostra in regione sequentes mihi occurrerunt hætenus: 1) Inanis, vel quasi talis, mollior, fusci coloris, in cavitate sua nil continens, quod ipso lapide concusso libere moveretur ac sonitum ederet; cujusmodi Aetitem Franc. Cupani (b) ridicula non minus quam barbara phrasi, lapidem aquilinum appellat tacitum, non crotulantem. 2) Ferrugineus, asper ac durus, arena subtili profunde lutea, trium fere drachmarum pondere pragens. 3) Terra

(a) de Subtilit. Lib. VII. p. m. 257. (b) Supplement. II. ad Hort. Cathol. Panormit. p. 51.

3) *Terra Crustosa* (Cap. III. p. 21. jam descriptæ) *affinis*, duritie saltem distinctus, & iisdem in locis repertus, *varioris texture terram includens*, unde GEODES vulgo audit. Peculiarem ejus notavi differentiam, quæ haud inepte *cellulosus Geodes* diceretur, siquidem non simplici cavitare, sed variis sinubus aut cellulis est instructus, terræque laudatæ grumulis refertus. 4) *Geodes*, figura oblonga, utrinque acuminata, *specie stercoris canini*, quem Boëtius (c) recensuit, jam olim quoque à Beato D. D. Maur. Hoffmanno nostro observatum, circa cryptam profundæ vallis, sæpius allegatæ Grunspergensis (in der Teuffels-Gruben): Est vero *Geodes* hic albicans, è pluribus crustis aggregatus, quasi argilla esset indurata. Cæterum *vires Aetiti* assignantur quidem *mirificæ* à multis autoribus, quorum testimonia, ut & notatu digna plurima historiam hujus lapidis concernentia studiose congeffit Academiæ Nat. Curios. primus optimeque meritis Præses, D. Joh. Laur. Bauschius (d). Sed tamen acutissimus D. Paulus Ammannus (e) plerasque *Aetiti adscriptas virtutes*, quod scilicet brachio alligatus abortum præcaveat, inferioribus contra partibus admotus foetum & secundinas pellat, venena insuper ac fures prodat, amorem denique conciliet, &c. nullo niti fundamento, sed meras esse superstitiones, lepidis, pro more suo, argumentis edocuit, tandem concludens, *obtinerè potius aetitem terræ sigillatæ vires, in morbis malignis, & venenis assumtis*, &c. quo in judicio & nos acquiescimus.

Figura autem Mathematica LAPIDES porro sunt CONICI; quo in genere omnem penes nos absolvit paginam BELEMNITES, cum suis speciebus ac differentiis. Perplacet compendiosa Clar. D. D. J. J. Wagneri (f) descriptio *belemnitæ*, generatim considerati, quod sit *lapis oblongus*, ex am-
E pla

(c) l. c. cap. 201. (d) Schediasm. de Aetite. (e) Manuduct. ad mat. Med. p. 18. (f) l. c. p. 305.

plura radice in obtusum desinens apicem, instar sagittæ, colore communiter cinereo, vel ferreo, nonnunquam maculis ferreis armatus, digitæ magnitudine, radios è centro diffundens; fricatus, contusus, calcinatus cornua bovis usta redolens, &c. Cui descriptioni, pro necessario supplemento in primis annectere decet, quod Agricola & Boëtius (g) jam notarunt: Omnibus nimirum belemnitis à natura inesse quandam quasi rimam, qua fit, ut facilius in longitudinem diffindantur, sed eam in pellucidis quam reliquis magis esse conspicuam, ut sic è duabus partibus equalibus velut à conglutinati appareant. Multis de cætero nominibus signantur hi lapides, prout vel ad figuram, vel ad originem eorum habitus olim respectus fuit. Et à figura quidem, quæ cuspidei teli aut sagittæ (Βιλεμνίτης Græcis vocatæ) exprimit, Belemnites dicitur; cui vocabulo Germanicum Schoß-stein respondet. Ex urina Lyncei quoniam aliquibus persuasum erat generari, Lynceus aut lapis Lyncei appellatur. Alii contra lapidem hunc, Ceraunii speciem, aut fulminis progeniem statuentes, hinc fulminarem nuncuparunt, quod nomen nostrates communissime retinent; ac in vernacula lingua (Donnerkeil/oder Strahl-stein) efferunt. Quæ vero ulterius ad hanc onomatologiam spectant, erudite satis evolvit Theologus quondam Dortrechtanus, Balthasar Lydus (h) ad quem remitto Lectores, si qui sunt ejusmodi subtilitatum cupidi. Neque etiam de Belemnitis in genere plura præfabor, quod hoc sine dubio egregie facturus est Clariss. D. D. Scheuchzerus, quando promissam (i) singularem, de istis lapidibus, Dissertationem evulgabit.

Ego nunc ad indicandas Belemnite differentias, à me in hac vicinia hucusque observatas, progredior; & primo quidem eas, quæ sunt ratione quantitatis; hæc enim tam in longitudine, quam latitudine aut potius crassitie multum variat.

(g) l. c. cap. 218. (h) Epistol. Quæst. Joh. Beverovic. p. 161. & sequ.

(i) Specim. Lithograph. Helvet. p. 26.

riat. *Maximi belemnites* raro deprehenduntur integri : Habeo autem ingentia fragmenta, ex monte Heimburgensi, quæ evidenter arguunt, lapidem ejusmodi, si integer esset, octo uncias fore longiorem, cum interim summa crassities in ambitu quatuor uncias cum dimidia omnino expleat : (conf. Tab. I. fig. 2.) ut propterea hi *belemnites* nostri majores sint Britannicis maximis, à Clariss. *Eduardo Luidio* (1) recensitis. Dantur ex adverso longe exiliores, imo exilissimi, quales monstrare possum, culmo mediocri adhuc graciliores. Quantitatis vero intermediæ sunt frequentissimi, gradu tamen rursus ab invicem haud parum discrepantes, & nunc supremo, nunc infimo proximiores.

Porro autem *Belemnites* figura differunt : Hanc, licet antea cum *Wagnero* ordinarie conicam pronunciaverim, sæpe tamen cylindricam conspici fatendum est, quod etiam permovisse suspicor Dn. *Car. Nic. Langium*, ut (m) separatam *belemnitarum* classem constitueret *cylindroidaeorum* : Sed enimvero, constans æmulus me docuit, omnes *belemnites* non conicos, aut in apicem plus minus acutum desinentes, mutilatos aut detruncatos esse, neutiquam integros, à conicis specie distinctos. Ipse autem apex modo est acutior, quali gaudens *belemnites* apposite satis *oxyrrhynchus* audit *Luidio* ; modo est obtusior, qui dum justam simul magnitudinem habet humani digiti, *dactylus Idæus* proprie vocatur, etsi hoc synonymon omni promiscue *belemniti* quidam tribuant.

Magis à figura communi abluunt *belemnites*, in medio ventricosiores, utroq; autem extremo tenuiores, cujusmodi specimina *Luidius* (num. 1702. & sequ.) nec non *Scheuchzerus* (num. 34.) dederunt, ari pistillum nempe referentium : Quibus minimè postponendus est, à me (Tab. I. fig. 7.) exhibitus, utrimque perquam acuminatus, & saxo cinereo inhærens, fuscum

E 2

mulie.

(1) *Lithophylac. Britann. ichnograph. p. 87. (m) l. c. Cap. VI. p. 221.*

muliebrem (eine Spindel) si quid aliud, *representans*. Hunc lapidem, pluresque in Norico nostro repertos, Generos. Dn. *Christoph. Frider. Im Hoffius ab Helmstadt*, Patritius Norimberg. & Dicafterii infer. Assessor, pro suo in me favore concessit delineandos, quam humanitatem gratus agnoscere, & una Viri illius optimi singularem curiositatem, in colligendis rarioribus Naturæ & Artis operibus, deprædicare ex merito, hac occasione debui.

Ad *figuræ belemnitarum discrimina* hoc etiam pertinet, quando sunt *canaliculati*, seu, ut *Luidius* loquitur, *aqualiculo per mediam longitudinem insigniti*: Tales, circa nos passim extantes (Fig. 3. & 4.) sistuntur. Qui proxime his adstat (Fig. 5.) depictus, id habet peculiare, quod minus quidem ample sit canaliculatus, tribus autem evidentibus in apice striis sive sulcis dotatus, quare ipsum *belemnitem trisulcum* quis haud inepte appellaverit.

Non tam modis naturalibus, quam *vitiis figuræ belemnitarum* adscribo, quod aliqui dentur *nimum compressi*, quin & *contriti* appareant, præsertim circa basin, ceu pluribus in individuis à me asservatis cernere licet, quasi crusta superior ac durior impetu quodam externo violenter olim confusa & diffracta fuisset, cedente interiori substantia, ipsique adhærentibus fragmentis crustæ. Quibus è phænomenis id facile efficeretur, *molles aliquando*, saltem quoad partem intimiorem, *extitisse belemnitas*. Accedit etiam, *transversim disruptos*, hinc incurvos sæpe conspici, nihilominus iterum consolidatis, antea divulsis, portionibus; Utrum vero ea propter, an aliam ob causam, *cochlitis turbinatis* mereantur annumerari, prout quidam contendunt, jam non disputabo, neque tamen, contrarium mihi videri diffitebor. Cæterum *vitiata in belemnitis figuræ* specimen quoque est, *erosa aut cariota superficies*, qua multi laborare solent, non secus, ac si à vermibus hoc malum ipsis accidisset.

Aliae belemnitarum differentiae à coloribus desumuntur. E fusco nigricantes apud nos maxime abundant, in agris & quibusdam rivulis Altdorffio propinquis, tam liberi, quam suae matrici, terrae scilicet bituminosae, fissili, nigrae, aut consimili crustoso lapidi insidentes. Valde nigrum vel atrum hujusmodi belemnitem Frid. Lachmund (n) coraciam seu corvinum lapidem (Rabenstein) vocari perhibet; Teterrimi hic est factoris, si durius tractetur aut frangatur. Qui colore ac pelluciditate succinum falernum æmulantur, quibusque Lyncuriorum aut Lyncis lapidum nomen stricte competit, oppido rari sunt hic terrarum, imo exacte talis mihi nondum ullus sese obtulit, cum interim è latomia Hersbruccensi, & agro prope Wincfelheid habeam aliquo saltem modo flavos ac pellucidos. Ad cinereum tendunt plerumque grandiores illi, quos in monte Heimburgensi extare supra scripsi; quin & possideo versicolores, aut è cinereo & fusco variegatos. Nec desunt candidi, quamvis raro per se subsistant, sed aliorum, praesertim nigricantium in centro lateant, quemadmodum è fig. 6. (Tab. I.) videre est. Minus hi ut cæteri solent esse striati, sed moleculis inæqualibus, adinstar floris splendentibus concreti. Talius substantiae lapides quandoque faxo cuidam impactos, sed plane informes deprehendi, facile comparandos ad Luidii (num. 1734.) lapillum, belemnitis congenerem crystallinum, informem.

Denique contentorum ratione differunt belemnitæ. Certo constat, quod sagacissimus D. Mart. Listerus (o) asseruit: omnium integrorum basin aliquousque foratam esse, modo hac modo illa materia cavitationem opplente. At quod sit etiam naturaliter in aliquibus materia quadam, tanquam propria lapidis medulla, ex ejus concrematione patescit. Etenim Selenitæ instar in albissimam valentissimamque calcem, medulla excepta, ustulatur; quæ tamen (medulla)

E 3

etiam

(n) Ορυκτογειαφ. Hildes. p. 25. (o) Histor. Animal. Angl. Tract. IV. p. 226.

etiam postquam ignem experta est, nigricat, &c. Nostri belemnites continere solent 1) & quidem communissime, terram luteam, aliquando in lapidem duratam: 2) Pyritem, magis vel minus splendentem, interdum fluore candido permixtum: 3) Galenam (Blen-Blank / oder Blende) cujusmodi tamen rarissime obtingit: 4) Alveolum, de quo seorsim nonnihil hic placet attexere.

Est igitur ALVEOLVS, eo sensu, quo in Lithologia physica modernorum accipitur, ex accurata Luidii (p) descriptione, lapis, orbiculato capsula operculo similis, modice excavatus, marmoris instar politus, magnitudinis varia. Nativus ipsius locus belemnitarum majorum calix est: hisce enim fractis, geniculatum alveolum, fusiformem, cavitationem occupare saepius notatur, lamella maxima supino concavo supremum locum tenente, reliquisque ordinatim, pro belemnite forma diminutis. Patet exinde, cur hujus lapidis tractationem hunc in locum rejecerim. Quamvis enim alicubi, praesertim in Anglia, solitarius aut sequestratus inveniatur alveolus, nobis tamen non nisi plures simul juncti, & concreti firmiter, in figuram conicam, hactenus comparuerunt, ita ut ab invicem divelli ægre queant, licet rimis aut lineis circularibus satis aperte distinguantur. Exemplo sint Fig. 8. 9. & 10. repræsentati, omnes è calicibus belemnitarum diffractis exempti, materia tamen diversa constantes: Nam gemini isti, Fig. 8. expressi, saxo suis basibus infixi, ad belemnitem candidum antea memoratum accedunt; duo sequentes autem è lapide duriore subcinereo sunt conflati, & alterum eorum (Fig. 10.) à postica parte cortex belemnitæ adhuc amplectitur. Ejusdem plane commatis est D. Scheuchzeri longior, ex alveolis pluribus, invicem entrochi instar junctis, columella, in matrice belemnitica jacens, quam (q) delineatam dedit, à se olim inventam in ipso Altdorffino agro nostro. Incidimus præterea in alveo-

los

(p) l. c. p. 86. & 87. (q) l. c. pag. 9. Fig. 11.

los pyritico-ferrugineos, rursus alios magis molles ac friabiles, terreos. Quod vero Fig. II. sistit, obeliscus marmorei alveolaris specimen, extra matricem suam, prope pagum Reichels-Hoff repertum, ideo est notabile, quod aliqua saltem in parte sui ambitus separati appareant alveoli, in reliquis artissime coaliti.

Sed ad belemnitem redeo, cujus quidem plures superessent enumerandæ differentiæ, quoniam vero levioris sunt momenti, ipsis in præsentî non immorabor; properandum enim est: Qua etiam de causa virtutes huic lapidi attributas non vacat expendere. Adeat, cui volupe est, Autores hætenus allegatos, in primis vero perdoctam Balthas. Lydi jam laudatam epistolam, ex qua non possum quin paucula, speciminis loco, huc transferam: Inter alia ad pleuritidem valere putatur, hoc argumento, quod micronem habet. O acumen! Eodem argumento urunt hunc lapidem, ad dolores dentium. Quis non in hac Satyram? Præter promissum, larga manu sero, & omnia converro. &c.

Diu deliberavi, quonam STALACTITEM, sive STALAGMITEM (liceat his vocabulis promiscue uti) repone-rem? Visum tandem fuit associare lapidibus, ex natura lusu, conicis, hinc belemniti subungere, etsi in Tabula antecedenti lapidum figuratorum generali per incuriam fuerit omissus. Est autem stalactites nihil aliud, quam lapis, è confluentibus ac destillantibus aquæ subterraneæ guttis, ad cryptarum for-nices & parietes concretus, quando particule margacco-terreæ, ac salino-nitrosæ (ut Physici plerique statuant) ex aquarum amplexibus sensim dimissæ, ad invicem accumu-lantur, beneficio postmodum aëris ambientis condensan-tur, & lapidis acquirunt soliditatem. Ordinarie figura gau-det oblonga, ex ampliore basi gracilescens, in modum stiræ, quamobrem & lapidea stiria (Germ. Tropf-stein / à stillando) nuncupatur. Cæterum sæpius omnino accidit, hanc, quasi
coni-

conicam stalactitis figuram, per causas plus minus manifestas deturpari, & in alienam deflectere formam, unde fit, ut in compluribus speluncis hoc lapide abundantibus *varia effigientur corpora, miranda visu*. Quo nomine in Germania præ cæteris eminet *spelunca Baumannii* (Baumanns-Höle) cujus, & aliarum, in Hercyniæ sylvæ tractu Saxonico extantium, accuratam descriptionem nuper dedit D. Georg. Henning Behrens (r).

Nobis supra memoratæ in cap. II. *crypta*, & præter has alia, in ditione Solisbacensi, prope Zillschwang / suppeditant *stalagmitem*, tam *facie stiriarum*, frequenter *concavarum*, quam *secus figuratum, candidum ac durum, interne* (si grandiora frusta sint) *splendentem fluoris instar*. Quandoque fornices ac hiatus saxorum talismodi crusta obducti conspiciuntur. Est in Veldensi seorsim *crypta elegans & amplum quoddam, è fundo assurgens ut columna, rotundum specimen, quod quia limini alicujus recessus adstat, canem* (den Hund) veluti custodem vulgo dicunt. De Kauerheimensi vero spelunca, procul dubio intelligenda sunt, quæ Dn. Joh. Henr. Senfrid / *Sereniss. Germaniæ Nestoris, Ducis Solisbaco-Palatini Consiliarius Camera* (s) retulit, non indigna, quæ hic inferantur. Vor etlichen Jahren entstunde einsehen / ob wären in einer / an den Grenzen des Land-Gerichts Sulzbach gelegenen tieffen Höle / ganze Statuen / welche die Natur aus dem zu Stein gewordenen Wasser / wie auch eine Orgel mit Pfeiffen-Werck die einen Laut von sich geben / formiret hätte / zu sehen. Hierauf geschähe ein Zulauffen zu dieser Höle / viele wolten die steinerne Bilder und Orgel sehen. Es befand sich aber auf eingenommenen Augenschein mehres nicht / denn daß zwar verschiedene ledige Stein-Stücke die aus dem abtropffenden Wasser entstanden /

(r) Hercyn. Curios. Cap. I. integro. (s) Medull. mirab. Nat. Lib. II. cap. VII. §. 39.

den / da Stunden ; sie hatten zwar allerhand seltsame / aber
darum keine menschliche Form : Also war es auch mit der Or-
gel beschaffen : Man sahe eine Anzahl schmaler / kaum drey
Finger dicker / ungleicher Länge gelb-glatter Steine mit dem
spitzigen Ort über sich neben einander aufrecht stehen. Wann
man an einen mit einem Stecken schlug / gab er ein ziemli-
chen Laut / größer oder kleiner / dunkler oder heller / etliche/
so abgeschlagen worden / befand man im Kern mit einem
subtilen Löchlein durchboret. Wann man alsdann daran
schlug / gaben sie einen Ton wie eine zerbrochene Schelle /
doch etwas heller. Woraus zu schliessen / daß die in der-
gleichen finstern Hölen enthaltene Wunder Gottes in der
Natur / mit genauerer Aufmerckung wollen beschauet seyn ;
will nachmal / in deren Beschreibung / der Sachen man nicht
zu viel thun.

Ex genere lapidum, obscuræ originis, figura mathematica præ-
ditorum, juxta methodum in Tabula præfixam, delibandi
nunc veniunt STELLARES, seu ASTERIÆ, vel ASTROI-
TÆ, ideo sic vocati, quod *stella imaginem, radiata, & sæpius
pentagona figura representant*, prout è Tabula nostræ I. Fig. 12.
13. 14. elucescit, quanquam minus perfecte respondeant
ipsis lapidibus. Neque sunt, fateor, tam elegantes hi no-
itri, oppido licet rari, quam qui aliis in regionibus magna
copia colliguntur. Attamen prior (Fig. 12.) cum *Asteria ve-
ra C. Gesneri (t)* quæ & ab eodem *Sphragis Asteros* nominatur,
fatis belle congruit, sed multo minor est. Cohærent autem,
more entrochorum, *in uno quatuor stellulæ, acute angulatæ,*
difficulter sequestrandæ. Parem numerum habet alterum
exemplar (Fig. 13.) magis obtusum & ad rotunditatem com-
positum: Hoc in agro pagi Wincfelheid/ illud in rivulo quo-
dam Musis nostris propinquo deprehensum. *Asteria Fig. 14.*
licet solitarie & libera delineata sit, nunquam tamen mihi

F

hacte-

hactenus visa, nisi in saxo griseo, pluribus exilibus non calatis entrochis perfuso; ut eapropter ipsum quoque ENTROCHVM sive rotularem lapidem, tanquam peculiarem figuratorum speciem, Norico nostro indigenam, seorsim possem adstruere. Hoc de cætero debet animadverti, *Asterias* & *Entrochos*, utut externa facie inter se quodammodo differant, ejusdem interius esse substantiæ cum lapide Judaico, videlicet seleniticæ laminatæ ac resplendentis.

Cognatum judico *Astroiti*, aut saltem *Entrocho*, lapillum Fig. 15. & 16. depictum, non quidem materiæ, sed formæ respectu. Tenuis admodum, ac fere planus utrinque est, uno tamen latere (Fig. 16.) paulo elatior, insimul circa mediam regionem tuberculis exilibus asper; reliquum vero, & alterius lateris omne spatium, innumeræ occupant *striae*, à centro ad peripheriam *radiatim diffuse*. Ex amniculi vicini (der Schwarzbach) fabulo depromptum accepi. Videtur autem esse idem penitus cum *Luidii Porpita minoris nummulari*, sive *complanata propemodum figura*, quem num. 151. ac delineatum Tab. III. exhibuit.

Propius ad *stellares lapides* ille spectat, qui Fig. 17. sistitur, ad Pegnesi & Regnesi confluentes repertus, mihiq; benevole communicatus à Viro Nobiliss. D. D. Mich. Frid. Locknero, inter Medicos Collegii Norimberg. Seniores, fama & felicitate singulari conspicuo; cui me, non hoc solum nomine, sed & propter liberalem rariorum librorum commodationem, & plura collegialis amicitiae documenta, haud leviter obstrictum publice profiteor. Ipse vero lapis, ASTROITES *minoribus stellis* merito dicendus, marmoreæ est duritiei, non tubulosus, sed qui *stellularum simulacra* superficiei tantum insculpta gerit.

Stellaris figurae lapidibus tandem accedat MODIOLVS STELLARIS, à *Luidio* (u) sic nuncupatus, approbante Scheuch-

zero.

(u) l. c. pag. 54. & 98.

zero cujus descriptionem (x), quando magis accuratam concinnare nescio, bona cum pace Clar. Autoris huc transferam: *Constat lapillus hic è selenitica materia, sicuti Asteria, Lapidès Judaici, aliqꝫ congeneres; figura refert campanulam vel florem monopetalum campanæ formem, eumqꝫ in marginem pentagonum expansum; cavitatem explet lamina stellaris, etiam pentagona concava; basis ima non est acuminata, sed latiuscula, circello punctato coronata, & puncto centrali excavata.* Minus autem apposite hunc lapidem vocari *caryophyllum lapideum*, idem Autor ostendit, comparatione inter utrumque instituta, &c. Ego, perinde ut *Luidius* in Anglia, unicum hucusque *modioli* istius exemplar in his terris inveni, & quidem in alto monte (ditionis *Wolffsteinensis*) *Schlipselberg* / ut herbarum selectiorum uberrimo proventu celebri, sic propter lapidum figuratorum varietatem æstimando. Cæterum quod habeo specimen, *Tab. I. Fig. 18.* repræsentatum, satis quidem genuinum est, etsi non integre conspiciendum; inverso enim situ affixum cernitur *confracti Nautilitæ vel cornu Ammonis* centro, ita, ut tres saltem apices cum ima basi emineant, reliquis profundius immerfis. Hic tamen *modioli* mei status tanto minus mihi displicet, quanto insolentius forsân est, hunc lapillum aliis notatu dignis lapidibus, præsertim *Cornu Ammonis* adnatum reperiri, ut contra solitarium ac liberum occurrere frequentius, vel inde conjicio, quia talismodi complures *modiolos*, non ex *Helvetia* solum, sed & *Francofurto* ad *Mœnum* obtinui, per amicum, qui ipsos in vicino huic Urbi loco collectos asseveravit. Num autem hic *modiolus* sit *area stellæ* cujusdam *marinæ fossilis*, ceu *Luidius* suspicatur, id quidem ego tamdiu ponam in medio, donec stellam viderim, cujus *modiolo* exacte similis sit ille fossilis; certe enim allegatas à *Luidio* icones, apud *Fabium Columnam*, *Ulyss. Aldrovandum*, *Joh. Jonstonum*, minus huc quadrare, quilibet, sine præjudicio inquirens fatebitur.

Alteram nunc aggredior classem lapidum, è natura lusu, vel incerta de causa figuratorum, nempe illorum, qui Vegetabilia & Animalia, eorumq; partes referunt. Ero autem in his exponendis paulo brevior, quod sculptæ plerorumque imagines, vel solæ, satis loquantur. Agmen ducat DENTRITES, sive lapis, arbuscularum, nemoris, ericeti, muscorum, &c. imagines superficinarie, veluti pictas, diminuta forma representans. Hujus non solum in Comitatu Pappenheimensi, sed etiam Episcopatu Eystettensi variæ insignes differentiae passim reperiuntur. Quin & è lapidicina Herspruccensi egregia satis habeo specimina. Unum vero, præ omnibus mihi charum, fortuito impetravi, cum in proximo Altdorffensi agro lapidem cinereum & rudem, facieque externa tale nihil promittentem, confringerem: In medio enim utriusque fragmenti adumbratos spectabam montes quasi consitos fruticibus, tantæ quidem pulchritudinis ac subtilitatis, quæ nullo vel optimi artificis penicillo aut cælo posset exprimi. Plura de Dentrite non addo, quoniam hoc genus lapidum Clariss. D. D. Scheuchzerus, exasciata quadam epistola (y) curiose admodum evolvit.

Sequantur nunc diversorum in lapidibus fructuum simulacra: Quorum in ordine primum facio LAPIDEM JVDALICVM, cujus synonyma antiqua & nova, compluresque differentias enumerat Luidius (z). Major isque vulgatio ac officinalis, propter figuram glandi similem, Βαλανοειδής (glandarius) à Dioscoride (aa) cognominatur. Sed hæc, aliæque species, in hac regione mihi nondum occurrerunt, præter illam, mediæ moduli, Fig. 19. Tab. I. delineatam, cujus unicum hoc exemplar in monte Gulsburg / durissimo saxo clausum inveni. Coincidit autem lapis ille meus cum radiolo cucumerino minorè Luidii (num. 1008.) & melius sane refert minu-
tum

(y) Vid. Append. ad Ephem. Germ. A. N. C. Dec. III. Ann. V. & VI.

(z) l. c. p. 49. & sequ. (aa) de Mat. Med. Lib. V. cap. 155.

tum cucumeris fructum (einen kleinen Fenchel-Rümmerling) quam sculptor expressit, neglecta tuberculorum aspredine, striis uberius intermixta. Cæterum lapides Judaicos marinarum echinorum esse radios petrificatos, affirmat quidem Luidius, nec sine omni probabilitate, quantum ad angustiores sive graciliores species, sed quomodo cum amplioribus ipsisque glandariis conciliari queat hæc hypothesis, non intelligo; tantæ enim crassitie, cum brevitate conjunctæ, radios echinorum me nullibi vidisse recordor. Fortasse tamen hæc, aliaque circa historiam *Lapid. Jud.* notabilia & obscura dilucidabit laudatissimus Scheuchzerus, quod ut præstare, datamque (bb) fidem liberare velit, publico ipsum nomine obtestor.

Proxime ad lapidem Judaicum forma externa accedit, designatus *Fig. 20.* lapillus, valde etiam durus, sed disparis materiæ, & superficiæ lævis, ob hanc vero, tum magnitudinem congruam, & pediculi velut evulsi vestigium, magis quam ullus Judaicus lapis, *FRVCTVI OLEÆ (einer Oliven) SIMILIS*; repertus ad pagum Reichels-hoff.

GRACILIOREM OLIVAM quodammodo *Fig. 21.* *PRVNVVM* vero grandius, semi maturum, quoad colorem etiam exactissime, *Fig. 22.* *AMYGDALAM*, *Fig. 23.* *CERASORVM OSSICVLA*, *Fig. 24. & 25.* depicti lapides exprimunt; omnes collecti è terra glauca, fissili & pyritosa, qualis eruitur Altdorffii, quando cellæ pro asservanda cerevisia fodiuntur aut amplificantur. Sunt vero hi lapides duri, ponderosi, ac sæpius de pyrite participantés; colorem terræ matricis suæ, aut alias lividum gerunt, sæpe rufescunt, aliquando flavescunt, interne præsertim. Multo plura horum lapillorum, fructus & nucleos omnino diversos referentium, specimina possem producere, & singula convenientibus, licet novis appellare nominibus; sed tempori parco & chartæ, hoc saltem addens, consuevisse me id genus naturæ lusu circa lapides, in ea-

dem matrice, tam variorum, termino CARPOLITHI ALT-DORFFINI (Frucht-stein) per seria & jocum indigitare. Huc vero etiam pertinet lapis, Fig. 29. SILIQVÆ PIPERIS INDICI, *vel Capsici, utcunq, assimilandus*.

PYRVM MOSCHATELLINVM, aut aliud exiguum, Fig. 26. sistitur in lapide, non solum apta magnitudine, sed & umbilico gaudente, vicem pediculi sustinente fragmento conchitæ, quod loco satis congruo est impactum: GRANDIORIS vero PYRI effigiem æmulatur Fig. 28. exhibitus lapis; hic prope pagum Eißmannsberg / ille ad Reichels-hoff inventus.

Mali Persici majoris imitamentum, in lapide duro & albicante, non procul ab Herspruck deprehenso, ostendit Fig. 27. adeo quidem accurate, ut præter colorem nil videatur deesse: Dignior sane hic noster, qui PERSICITES vocaretur, quam *Ulyss. Aldrovando* (cc) eodem nomine veniens, delineatus lapis, ut ex collatione figurarum cuilibet apparebit.

Propositi Fig. 30. & 31. lapides, de monte Schlipselberg / haud multum abludunt à FICOIDE *Scheuchzeri* (dd) inprimis, quia minor noster, perinde ut alter ipsius, circa umbilicum, aut centrale verticis foramen, numerosis stigmatibus velut acu factis est punctatus, quod neglexit chalcographus. Cæterum an rectius ad ALCYONIA FOSSILIA, an ad FVNGITAS reducantur isti lapides, alii disquirant.

Similitudinem quampiam *Fungi pileati* habet Fig. 32. delineatus lapis, & sequens Fig. 33. ad *alcyonium* propius accedit asperitate & porositate eximia; offendi ad Neagorum, in monte Calvariæ. *Alcyonio* huic *fossili affinem* facio lapidem Fig. 34. repræsentatum; quamvis enim altera extremitate, ubi rugoso cortice tegitur, radicis intortæ vultum gerat, parte tamen altera, quæ latior est ac decorticata, densissime puncta-

punctatur, porisque scatet innumeris, licet iterum à sculptore prætermiſſis.

Lapides, integrorum animalium corpora ex lusu naturæ fingentes, quos recenseam vix habeo; partes tamen animalium, & huc spectantium quarundam rerum imaginem qui mentiuntur, nonnullos in Tab. I. depictos enarrabo. Fig. 35. Corio fusco quasi obductus cernitur lapis; numerosæ etenim areolæ, inæquali forma, magnitudine ac distantia sua, CORII ANTIQVI SUPERFICIEM, in frustula dehiscensem, pulchre imitantur. Aliquot ejus specimina se obtulerunt in vicino rivulo versus molendinum Schleiffmühl.

PETASVNCVLVM, aut Pernam exiguam, è lutifodin. Altdorff. in minimo sistit modulo Fig. 36. cortice glabro, tanquam corio vestitam, insuper ampla portione ossis prominula gaudentem: Sed necesse est, ut non attendat curiosus spectator defectus ac dissimilia ratione coloris, magnitudinis, &c. secus tota fere peribit similitudo.

Fig. 37. PAPILLAM MVLIEBREM, Fig. 38. autem PENIS PVERILIS anteriorem partem, præputio denudatam, quadantenus adumbrat, invento utroque lapide inter supra dictos carpolithos Altdorffinos.

Pedem hominis extremum, SANDALIO indutum, non illepide refert Fig. 39. CALCEAMENTVM vero, duplici conspectu vel situ, Fig. 40. & 41. exhibetur, ubi supremam fimbriam, aut alam (die Taschen) fragmentum belemnitæ constituit. Denique MVSTRICVLAM, seu formam calcei (einen Schuh-leisten) Fig. 42. designat; quos lapides singulos unde acquisiverim, non amplius succurrit.

Apicem cornu alicujus aduncum, variis ornatum striis atque stigmatibus, haud obscure exprimit Fig. 44. ut CERATITES facile mereretur dici: Sed fraus est, nihilque aliud, quam Cornu Ammonis arcus, altera extremitate casu quodam detritus & acuminatior redditus. Qui Fig. 45. sistitur lapis, non

non caret specie DENTIS APRI; satis enim incurvus, nec inconcinne angulatus est, apicis vero acie destituitur.

Sed exemplorum jam plus satis, quæ doceant magnam, in regione nostra, *varietatem lapidum figuratorum, ex lusu naturæ talium, aut minus exploratæ originis.* Posset in immensum augeri Catalogus, si operæ videretur pretium: Habebit autem jam *Lector curiosus* in modo prolatis, quod admirari, ulterius scrutari, vel (si magis hoc placet) ridere queat.

CAPVT VI.

DE LAPIDIBVS EMMOPΦΟΙΣ, SEV FIGVRATIS, EX QVORVNDAM VEGETABILIVM ET ANIMALIVM TRANSMVTATIONE.

QVanquam superiori capite expositos lapides, rebus aliis, vel animatis vel inanimatis quomodocunque figura similes, non ab iisdem profectos, sed ut materiam, ita formam suam aliunde mutuatos, & obscuræ admodum originis esse perhibuerim; minime tamen despero, quin modico temporis intervallo ingenia feliciora, continuatis observationibus, plures istorum lapidum, e. g. *belemnitas, entrochos, asterias, lapides Judaicos, &c.* ad genus magis proprium sint reducturi, & natales eorum, hætenus latentes, revelaturi. Interim bonam jam partem *figuratorum lapidum*, quos antiquitus pluri mi, hodieque nonnulli, pro meris naturæ lusibus venditarunt, modernorum sobrie magis philosophantium industria rectius dijudicavit, & ab iisdem rebus, queis assimilantur, præter certum alicujus, quam perpeffæ sint, alterationis gradum, neutiquam differre, comprobavit.

Hujus itaque generis lapides, in Norico nostro hætenus observatos, recensere nunc opportunum, & factæ in *Tabula* dispo-

dispositioni consentaneum est. Ubi quidem præmoneo, *transmutationis* terminum à me non accipi eo sensu, quo perfectam & omnibus numeris absolutam unius corporis in aliud, tam quoad materiam quam formam, denotat *μετεβολή*: Sed talem hic intelligo *mutationis modum*, quo corpora quædam, e. g. vegetabilia aut animalia, de naturali statu suo ita recesserunt, ut in aliquibus suis affectionibus, loco, extensione, consistentia, pondere, colore, &c. alterata sint, relictis nihilominus quibusdam evidentibus, si non materiæ, at saltem formæ pristinæ characteribus & notis.

Sæpe etiam accidit, totam fere prioris corporis materiam evanescere, ipsius autem formæ hæredem ex asse fieri heterogeneam post accrescentis lapidis substantiam: Qualem *vicissitudinem* laudatæ *transmutationi cognatam* ideo pronunciare non vereor, quia istam formam nunquam recepisset materia lapidescens, nisi eidem præexistens corpus occasionem dedisset. Exemplum ejus præbet luculentum MVSCVS PETRIFICATVS, vulgo sic dictus, de quo, præsertim quantum ad natalem penes nos locum, jam supra egi, Cap. II. pag. 9. *Hic ratione materiæ à topho parum vel nihil differt, formam autem musci terrestris sequenti, ut opinior, modo induit.* Quando aquæ, particulis saxeo-margaceis intra terræ viscera imprægnatæ, scaturiunt, ac per illius superficiem sese diffundunt, in progressu autem forte ad *muscum* allidunt, non potest non earundem ex parte motus hinc reddi languidior, insimul præcipitationi ansa suppeditari, ut subinde aliquid affigatur & adhærescat poris atque ramulis musci de materia præfata margaceo-lapidea, cujus aggregatio sic continuata sensim evadit in crustam lapidosam, magis ac magis obri-gescentem. Ipse vero *muscus* arcto hoc materiæ tophacæe amplexu compressus, & aëris liberiori commercio orbatus, paulatim emarcescit, & in pulverem pro modulo quantitatis suæ redigitur; quæ ratio est, cur hujusmodi *petrificatus muscus,*

muscus, si frangatur, intus in singulis ramulis foramine fit præditus, quod probe annotavit D. Joh. Dan. Geyerus (a): cum interim tophacea illa crusta ad figuram musci, quem investiebat, conformetur, nunc quidem accuratius, nunc rudi-
us, prout materia ejus extiterit vel subtilior vel crassior, ipsaq; concretio tenerior vel spissior fuerit.

Paria cum *musco* fata subire coguntur *plantæ aliæ*, ipsarumq; partes, coliculi, radices, &c. si à tophaceis aquis diutius alluuntur. Quin etiam *arborum folia & ramenta* consimilem experiuntur fortunam, quando immersa jacent iisdem aquis, ut tandem crusta tartareo-lapidea obducantur, quæ illorum figuram ac typum retinet, posteaquam ipsa folia aut ramenta intus corruptione jam perierunt. Nos geminum tale specimen ostendere possumus, FOLIA nempe QVERCVS & FAGI dicto modo PETRIFICATA, aut potius, quæ involuta topho, suam figuram in eo expressam (abgedruckt) reliquerunt. Hujus tophi, ex innumeris foliorum laudatorum (facile distinguendorum) stratis conflati, amplissima moles conspicitur eodem quo *muscus petrificatus* loco, prope Hagenhausen: Exigu-
uum vero illius fragmentum Tab. I. Fig. 43. delineandum curavi. Neque alia ratione, quam per incrustationem declaratam lapidescere muscum & quisquilias plantarum, animadvertere mihi hætenus licuit; tametsi non dubitem, quin alibi alio quoque modo, scilicet per insinuationem succi lapidescentis in poros ac intimiora vegetabilium, eadem penitus durecant in lapides, id quod confirmat sane curiosa, si quidem vera est, Athanas. Kircheri (b) relatio: Prope Roncolanum, Senensis territorii oppidum, duos fontes calidos observari, quorum aqua per canales ad molares rotas vertendas ducitur. In hisce canalibus cyperum, juncos, ranunculum, similesq; herbas tanta adolescere facunditate, ut quotannis eas, ne aqua motum interturbarent, extirpare oportet;

(a) Ephem. Germ. A. N. C. Dec. II. Ann. V. obs. 232. (b) Mundi subterr. Lib. V. cap. III. §. 7.

ret; extirpatas vero projectasq; in vicinum locum herbas omnes, in lapidem conversas, non sine admiratione spectari, &c. Cujus quidem phænomeni causam non aliam citatus Autor, ipseque αὐτόπτης, agnoscit, quam quod cum istiusmodi aquis succus lapideus, sive spiritus petrificus intime commixtus sit, quem pro alimento attrahebant plantæ; ut contra, quæ non perfecte, sed confusa quadam ratione cum petrifico succo vel spiritu commixtae sunt aquæ, istam heterogeneousam materiam nequeant altius in plantas insinuare, sed eas cortice quodam lapideo tantum externe induant.

Sed magis genuina est transmutatio lignorum in lapides, quæ hinc LITHOXYLA vocantur. Horum ultra duodecim varietates, in Territorio Norimbergensi locisque vicinis deprehensas, monstrare possum, tametsi non æque clare liceat ex omnibus cognoscere, qualia speciatim ligna fuerint. Quercinum, in lapidem duratum, quod vulgo DRYITES audit, valde ponderosum, coloris ferruginei, è fossa Oppidana Altdorff. erutum; cuius etiam l. c. meminit beatus D. Maur. Hoffmannus. Aliud, quercino perquam simile, sed coloris cinerei, ex medio prægrandis & quadrati saxi, non procul à monte Lenzenberg / desumptum habeo hujusque particulam quandam seorsim admiror, eodem plane modo, quo lignum aliquando solet, undulatam. Rursus aliud, prope urbem Neumarkt effossum, à priori tamen, quoad colorem ac fibrarum dispositionem haud parum differens, ita ut dubitem, an Dryites, & non potius ELATITES seu abiegnum sit, cui sane proximius accedit quam illi. Hoc vero utrique est commune, quod passim in superficie adhæreat, & rimis aut fissuris innatus sit fluor candidus, ex parte pellucidus. In quodam Neagorensi Lithoxyli frusto apparet evidentissime rami, de trunco abrupti, vestigium. Elegans quoque reperi specimen in pago Höffen: Saxo nimirum griseo atque duro, tres uncias longo ac totidem fere lato, transversim & firmiter insidet

LIGNOSÆ RADICIS *petrificata portio*, servata nihilominus adeo figura naturali, ut *trachearum & utriculorum cavernosa compages* ad oculum omnino pateat. *Lithoxylon* porro egregium, *albicans*, in monte Sultzbergo inveni, prioribus quodammodo solidius, & quod *faginum album* (weiß Büchen) fuisse videatur, quale alias Lithographi Græcanico vocabulo **PHEGITEM** nuncupant. Alteram ipsius speciem, videlicet *nigram* (roth Büchen) accepi è pago Franconico Mitzeldorff.

Cæterum omnes hætenus indicatæ *Lithoxyli differentia molles* sunt ac *friabiles* magis, si comparentur ad alias, in hac pariter regione detectas. Est in platea coriariorum, Norimbergæ, in ædibus Illustr. *Fürerorum* Familiæ propriis conspiciendus *arboris PYRI*, ut existimatur, **TRVNCVS**, olim quidem procerior, nunc autem, post creberrimas decussiones, duorum circiter pedum altitudine supra terram eminens; quem non ibidem procreatum, sed alibi jam *petrificatum*, hic aliquando fuisse insertum, absentia radicum arguit. Color ipsi ex fusco nigricans, interspersis candidi ac vere crystallini floris ductibus: *Durities* vero tanta, ut non solum chalybis allisu frequentes eliciat scintillas, sed etiam *poliri* exacte queat, & *scalpturam*, jaspidis instar, optime ferat, ut sæpius *sigilla inde concinnata* viderim. Ab hoc *Lithoxyllo* parum abludit, quod, Lonerstadii in Franconia deprehensum, obtinui procurante Domino Leonhardo Conradi, Viro inter Officiales Eleemosynarios Norimberg. præclare merito; cujus etiam liberalitati debeo alia *ligni petrificati* pulchra specimina, nempe *Quercinum* (ut conjicio) itidem durissimum, ex pago Adelsdorff/ nec non **ABIEGNVM RVBRVM** (roth Thannen/ oder Föhren) de pago Weißendorff; ubi sesquijugerum sylvæ, ante sex & triginta annos excisæ, & in arvum mutatæ, consimilibus *abiegnis caudicibus*, ac *segmentis*, in lapides conversis, refertum esse narratur.

Taceo.

Taceo plures *Lithoxylæ Noricæ* huc trahendas *varietates*, alia forsan occasione proponendas: *Lignum autem fossile bituminosum*, infra, loco magis congruo describetur. Interim, si fas est rimari *lignorum in lapides mutatorum originem*, ipsa moleculis salinis & faxeocalcariis, mediante aqueo vehiculo in poros ligni se insinuantibus, ibique, post excussas (quæ ligno propriæ erant) salino-sulphureas volatiles particulas, pedem figentibus, solet attribui; nec sane citra rationem, quam tamen prudentioribus ponderandam committo. Cæterum omnia *Lithoxyla* sub universali diluvio, aut statim post illud, formata esse, ut nonnulli autumant, experientiæ minus est consentaneum; siquidem *hodiernum & quotannis ligna quædam lapidescere* compluribus fide dignorum scriptorum testimoniis perhibetur, ita ut nec *artificialis petrificatio lignorum* suis careat assertoribus, quos inter ad unum provocare jam lubet *Joh. Kentmannum* (c): *Ex alno* (ait) *artificiose fit lapis hoc modo; imponitur lignum, quanta velis magnitudinis, in labra illa ampla aenea, in quibus lupulus coquitur, ad faciendam cerevisiam; cumq; percoctus abunde lupulus est, eximitur item lignum, & arena vel glarea in ipsis cellariis obruitur per triennium; inde cum exemptum fuerit, duratum in lapidem apparet, è quo potissimum cotes fiunt, quibus ad ferramenta acuenda mensarii utuntur.* Sit fides penes autorem: Erit saltem, ut quis hujus asserti veritatem ipsemet experiatur, major spes, quam habere potuit Scholasticus ille; qui, cum audivisset, corvum ultra ducentos annos vivere, ut periculum faceret, corvum emit & aluit.

Ego à *vegetabilibus petrificatis* ad ANIMALIA me confero. Horum autem, si excipiam *testacea*, peculiaribus tradenda capitibus, vix aliqua apud nos remanebit messis. VNICORNUS quidem FOSSILE (quod nomen jam omne genus alteratorum in terra ossium designare solet) Noricum nostrum olim suppeditabat, inprimis è Veldenfi crypta; inde

enim *Cass. Hofmannus*, prout ipse (d) testatur, ossa habuit lapidea, magna & parva, variarum figurarum femoris, dentium, &c. ejusdem cum ebore vel unicornu fossilis substantiæ, ejusdemq. effectus. Consentit *Dn. Senfried* antea laudatus: Etlicher Orten findet man auch / in solcher Höle / eine besondere Art unbekandter Thiere Knochen / welche die Land-Leute in mancherley Kranckheiten gebrauchen / und jedersweilen glückliche Curen dadurch verrichten. Quin etiam propius Altdorffio, in memorata sæpius profunda valle seu crypta Grünspergensis, talia ossa quondam reperta affirmat *Autor Nympha Noridos* (e): Daß man unterschiedliche Gebeine von dannen hervor brächte / die in der Arznen an statt des Einhornß genuket würden / und dem Gift widerstehen solten. Remotius vero, in confiniis Territorii Norimbergensis, septentrionem versus, ad oppidum Bambergense Bodenstein / similiter ossa, magni dentes, Unicornu fossilis specimina, ante paucos annos depromta, *Joh. Jac. Marx* / seplasiarius Norimbergensis (f) narrat.

An autem hodie alicubi circa nos fodiatur, nequeo asseverare; siquidem nihil adhuc sum consecutus, præter unicum dentem plane siliceum, longum & acutum, è monte *Eulzbürg* (cum ejus quædam portio, jussu *Illustriss. Comitiss.*, pro horto complanaretur) erutum, nec tamen facile dignoscendum cujus animalis dens ille fuerit. Hoc interea cum optimis plerisque recentioribus Philosophis ac Medicis persuasum exploratumque habeo, cuncta illa, sive cornua, sive dentes, sive ossa fossilia, & ratione substantiæ, ut apparent, vel petrificata vel calcinata, haud quaquam ex lusu naturæ producta, sed ipsorum varii generis animalium, terra margacea obrutorum, partes & reliquias, diversimode alteratas esse. Modum vero quo hæc eveniant, juxta cum aliis ad earundem rerum histo-

(d) Paralipom. Officinal. cap. XXV. (e) pag. 178. (f) Material-Kammer / p. 92.

historiam pertinentibus momentis , dexterrime declaravit Clariss. D. *Job. Samuel Carl*, Öringensis , Amicus noster & in Academ. Fridericiana quondam commilito æstumatissimus, edito *Lapide Lydio Philosophico-pyrotechnico* , ad *ossium fossilium docimasiam* , *analytice demonstrandam* , *adhibito* ; quod sane scriptum, eruditum pariter ac curiosum, non potest non attento Lectori & de hac materia sollicito satisfacere.

Cæterum ad *petrificata ex animalibus* referri debent **ICHTHYOSPONDYLI**, aut *piscium majorum vertebrae*, quarum ingens varietas occurrit alibi, maxime in Anglia ; siquidem Nobil. *Luidius* (g) *diversas species longa enumerat serie*. Apud nos vero sunt rariores, ut *vix quatuor hucusq; invenerim specimina*. Primum sistit *Tab. VI. Fig. 32.* ipsumque satis elegans: *duæ sunt vertebrae*, olim conjunctæ, & etiamnum, licet divulsæ, adeo *congruentes*, ut alterius apophysis, aut processus conicus, exacte repleat alterius cavitatem seu acetabulum. Quin & *Πιφύσεων* (quas in suis *Tyrolensibus* quoque *spondylolithis* ὁ πολυμαθής γεωγός *G. H. Velschius* (h) animadvertit) decussarum origines clare conspiciuntur. Color est nigricans, tam extra, quam intus, ubi tamen puncta aut foraminula variegata poros seu alveolos medullares adumbrant. Secundum exemplar, *Fig. 33. Tab. ead.* depictum, prioribus *ichthyospondylis* multo est compressius sive humilior, colore ferrugineum, utrimque leviter concavum, sed informe, ita ut haberi possit pro *Luidii* (num. 1624.) *Latrunculo obstipo*, seu alveolo oblique inclinato: Videtur autem, ut obiter hoc tangam, solertissimus iste Lithographus *latrunculi* vocabulo respicere ad figuram, qua nonnullæ *petrificate vertebrae* gaudent, *calculo seu orbiculo aleatorio* (einen Brettspiel-stein) similem; cum *latrunculus* proprie ad Scachicum lusum pertineat, & fastigiatae magis sit formæ. Tertius, quem possideo, *ichthyospondylus*, æri nondum

(g) l. c. p. 83. & sequ. (h) *Ephem. Germ. A. N. C. Dec. I. Ann. I. obs. 157.*

dum incisus, reliquis est grandior; altitudo enim uncialis, in ambitu vero septem prope uncias colligit. Utrunque pariter ostendit cavitatem, sed alteram ampliorem, cum quadam deformitate: Cortex autem, fusci coloris, cervinum quodammodo cornu refert, sicut *Luid. num. 1607.* Quartum denique specimen, quoad colorem & materiam primo parum dissimile, mollius tamen est, nativæque *ichthyospondyli* texturæ & gravitati propinquius, nulla vero apophysi, ut Num. I. præditum: Erat enim, cum offenderem, utrinque planum, sed uno mox latere cavitatem aperiente, posteaquam insidens alterius cujusdam *spondyli* apex fuit excussus. Longe vastiorem illis omnibus *ichthyospondylum* asservat laudatus supra Dn. *Imhoffius*, alia forsan occasione prolixius describendum: Meos interea partim in sabuleto, partim quodam rivulo, versus *Hagenhausen & Schleissmühl* esse inventos, reticere nolo.

Minime absurdum foret, si *Ichthyomorphos lapides*, aut **ICTHYOLITHOS** Pappenheimenses & Eystettenses hic jungerem, quia *distinctæ piscium species*, præsertim quoad *skeleton & osseam substantiam*, non tam pictæ, (ut in dendrite imagines vegetabilium) quam elatius aut profundius inhærentes iis lapidibus sæpe visuntur, ut ideo *pro piscibus vere petrificatis* putari queant. Sed enimvero cum nondum sufficientibus ad hanc tractationem experimentis instructum me sentiam, in aliud tempus eandem differo; uti nec de *Unicornu, vel ossium & Ichthyospondylorum fossilium origine*, mentem meam in præsentī vacat explicare, nisi quod tribus quasi verbis insinuem, me ista pleraq; *pro universalis Diluvii reliquiis* habere. Facile tamen crediderim, sequentibus etiam seculis quædam ossa animalium, hinc inde, variis casibus terræ idoneæ mandata, concessō sufficienti temporis spatio, cæterisq; paribus, similem quadantenus diluvianis illis alterationem ac immutationem subiisse.

CAPVT VII.

DE PETRIFICATIS TESTACEIS,
SPECIATIM VNIVALVIBVS.

QUandoquidem non plane rudibus & indoctis scribere constitui, quid intelligam per TESTACEA vix opus erit ut declarem. Notum enim est abunde, generali hoc vocabulo venire *Animalia exanguia, substantiam intus habentia carnosam, foris duram & firmam, quæ & flexu frangi, & ictu rumpi potest*; sicuti characteres hosce, jam pridem *Aristoteles* (a) testaceorum generi adjudicavit. Ipsa vero exterior dura portio, quæ in universum *Testa*, Germ. *Schnecken- und Muschel-Werck/ Häuser oder Schalen*/ vocatur, illud est quod in terra petrificatum, vel lapidosa materia remixtum, obductum aut infarctum frequentissime deprehenditur; carnosæ enim animalium eorum substantia simul durata in lapidem rarissime cernitur. Quamvis autem sæpe nullum amplius supersit testæ vestigium, ejustamen ad formam & modulum efficti lapides, quatenus hanc figuram soli testæ acceptam referunt, pro testaceis fossilibus æque merito valere poterunt.

Divisionem eorum quod attinet, Capite V. jam edocui, redire ipsam ad duas Classes generales, *Univalvium* nempe & *Bivalvium*; quia vero utraque rursus late admodum patet, consultum erit, ut singulæ separatim tractentur. Quare VNIVALVIVM seu ex unica quadam & continua testa constantium primo distributionem sequenti adornabo Tabula, quam tamen non nisi in *Noricos ejus generis lapides*, imo ne hos quidem omnes, sed mihi saltem hætenus perspectos quadrare ultro fateor, & ipsemet præfagio futurum, ut accedentes novæ species hanc Tabulam extendendi & corrigendi necessitatem sint imposituræ.

H

TAB. III.

(a) Lib. IV. de Histor. animal. Cap. I.

**TAB. III.
TESTACEA
FOSSILIA
NORICA
UNIVAL-
VIA
Helicibus**

gaudent	introrsum contortis (vulgo Cornua Ammonis seu Nauti- ta) su- perficie	levi, lineis	distincta	simplicibus	{ rectis: Tab. II. Fig. 1. undosis: Tab. II. Fig. 2. Tab. VI. Fig. 8.	
					{ compositis, ramulorum instar pictis: Tab. II. Fig. 3. 4. 5. 6. Tab. VI. Fig. 9.	
					{ integro: Tab. II. Fig. 7. 8. 9. 10. 11. Tab. VI. Fig. 4.	
					{ sulcato: Tab. II. Fig. 12. 13.	
					{ Verrucosa: Tab. II. Fig. 14.	
					{ raris: Tab. II. Fig. 15.	
					{ simplicibus	
					{ densis: Tab. II. Fig. 16. 17. & Tab. VI. Fig. 7.	
					{ ramosis seu furcatis: Tab. II. Fig. 18.	
					{ Tab. III. Fig. 1. 2. Tab. VI. Fig. 1. 2. 3. 5. 6.	
	extrorsum spe- ctantibus (vulgo Turbinata)	aspera	Striis inter- cisa	per dor- sum in- tegris	concur- rentibus in dorso	{ serrato: Tab. III. Fig. 3. articu- lato to. Tab. III. Fig. 4. 5. non articu- lato: Tab. III. Fig. 6. 7.
ca- rent, figu- ra	regularis	Coch- lea- rum more de- pressa	levi: Tab. III. Fig. 24. 25. 26. 27. Tab. VI. Fig. 10. 11. transversim striata: Tab. III. Fig. 28. 29. 30.	Buccino- rum in mo- dum pro- ducta, su- perficie he- licum.	levi: Tab. III. Fig. 11. 12. 13. 14. 15. Tab. VI. Fig. 12. aspera seu dentata: Tab. III. Fig. 16. 17. 18. 19. 20. a. b. 21. 22. 23.	{ rectis & regularibus: Tab. III. Fig. 31. 32. 33. 34. 35. 36. irregularibus: Tab. III. Fig. 37. 38.
	irregularis	subro- tunda: echini- ta	futuris seu lineis	papillis	{ majoribus: Tab. III. Fig. 39. minoribus: Tab. III. Fig. 40.	{ recta Tab. III. Fig. 8. in angulum. Tab. III. Fig. 9. 10.
		oblonga: echinita cordati: Tab. III. Fig. 41. 42. 43.	Balani: Tab. VI. Fig. 13.	Tubuli vermiculares, Tab. VI. Fig. 14. 15. 16.		

Inter *Univalvia* regionis nostræ *fossilia*, quæ *volutis* aut *helicibus* gaudent, agmen ducit CORNU AMMONIS, ita nuncupatum lapidis figurati genus, quia spiras in se convolutas & intortas habet ad instar *cornu arietini*, qualibus armatum *Jovem Ammonem* suum Gentiles finxerunt; quam traditionem, & quicquid est *mythologiæ*, diligenter evolvit Clariss. *Joh. Reiskius* (b). Ut vero cornuum istorum conformitas cum *testaceis fossilibus homonymis* elucescat, *Jovis Ammonis cornuti imaginem*, nummo æneo expressam, hic lubet inferere: Cusus ille est, *Mytilenæorum & Pergamenorum concordia*, sub *Prætorè Valer. Aristomacho*, ceu alterius lateris inscriptio (*Æsculapium stantem & Cybelen cum turrito capite sedentem includens*) indicat: Delineatum ac descriptum dedit *Vir Rei numariæ*, præsertim veteris, peritissimus, *And. Morellus* (c). Subjungo, majoris illustrationis causa, nummum alium, *Moyseis cornuti*, quem insignis ille *Polyhistor Thom. Bartholinus* (d) exhibuit, ratus, eundem nummum in opprobrium Christianorum à *Judæis* factum, quos eo nomine male habere, *Steuchus* autor est, quod cum cornibus *Moyseis* Christiani depingant. &c.



(b) Exercit. histor. Phys. de Cornu Hammonis, Cap. II. (c) Specim. rei numar. antiqu. p. 240. (d) Obs. nov. de Unicornu Cap. III.

Cornu Ammonis *Synonymon*, recentioribus usitatum, est NAVTILITES, quoniam inter cuncta *Testacea* vel *Conchylia*, hodie decantata, nullum existit, cujus figuræ propius accedant *Ammonis cornua*, quam *Nautilo*, sic vocatæ testæ, *naviculam representanti* eminentem, puppe in se ipsam reflexa. Quæcunque igitur *testacea fossilia* talem obtinent volutæ conditionem, ut centrum nullo in latere promineat, sed depressius aut saltem æquale sit helicibus reliquis, ea omnia, non obstante dispari volutarum numero, magnitudine, &c. *Nautilitæ* vel *Ammonis cornua* dici solent. Quam ampla vero ipsorum sit varietas, è *tabulis* nostris quodammodo potest perspici, licet multo plures extent differentiæ, ab aliis jam traditæ, & à nobis quoque hic terrarum forsân in posterum detegendæ. Interim *depictarum specierum* synopticæ recensitioni me accingo.

Nautili vulgatiore figuram, si quis alius, accurate exprimit lapis (*Tab. II. Fig. I.*) dicendus *Nautilites superficie levi, lineis simplicibus rectis*. Maximam partem testa sua pertenui vestitum, è saxo prægrandi, prope Altdorffium, versus *Senzenberg* excussi. Sunt autem ejus volutæ ita comparatæ, ut cum circulo nihil commune habeant, de quo spirarum genere, præ cæteris Mathematicis, beatus noster *J. C. Sturm* (e) meretur consuli. Cæterum, ut multo minora hujus *Nautilitæ* specimina, sic quoque ingens habeo fragmentum, novem unciarum longitudine, figura vero *dimidiatam panis massam* (einen halben Leib Brod) repræsentans.

Nautilites superficie levi, lineis simplicibus undosis, *Tab. II. Fig. 2.* sistitur. Lapillus est albicans, marmoreus, è monte *Schlupfelberg*; inveni etiam inter pagos *Nieden & Eißmunsberg*. Eadem *linearum undositas* in *Fig. 8. Tab. VI.* apparet, juxtaque alius ordo *crisparum linearum*, vestigia prodens articulationis, de qua paulo post: Sed curiosior in hoc lapide est

(e) *Mathes. Juvenil. Tom. I. p. 226.*

est materia metallica, ponderosa, & vere aureus in superficie splendor, facile persuadens, reliquis etiam non renuentibus circumstantiis, ut pro GENVINO VETERVM HAMMONIS CORNV putaretur, cujus ita meminit (f) Plinius: *Hammonis cornu inter sacratissimas Æthiopiæ gemmas, aureo colore, arietini cornu effigiem reddens, &c.* E lutifodina Altdorffienfi de promptum accepi.

Tab. II. Fig 3. *Nautilites* est exiguus, superficie levi, lineis compositis ramulorum instar pictus, plane ut *Dendrites*, Cap. V. memoratus: Hoc autem modo exornata, diversæ magnitudinis cornua *Ammonis*, è latomia Hersbruccensi habeo.

Sed non tam superficialiter pictas, quam profundius insculptas & cælatas ejusmodi lineas ostendunt *Nautilitæ*, Tab. II. Fig. 4. 5. 6. propositi. Primum communicavit Dn. Im Hofius; Tertium prope *Winfelheid* inveni, elegantissimis sane ornamentis foliaceis (*Laub-werk*) stipatum; Fig. 5. vero majoris est fragmentum, in quo tamen ramulorum occurfus & mutuos amplexus haud satis accurate expressit Chalcographus. Tab. VI. Fig. 9. huc quoque pertinentem sistit lapidem, ramosis pariter lineis ornatum, quem ubi nactus sim, non recordeor. Cæterum hæ linearum quasi cælatarum ramificationes nil aliud sunt, quam externa vestigia articulationum in ipsis Cornibus *Ammonis*, quod exploratissimum habeo, & jam dudum Ol. Wormio (g) nec non Mart. Listero (h) perspectum fuit, nuper etiam D. Scheuchzeri (i) avtopsia confirmatum. Internam articulorum dictorum faciem declarare volui Tab. VI. Fig. 25. & 26. sed neque hæ omni carent vitio. Junctos adhuc sibi plures articulos in *Nautilite*, multum detrita dorsi superficie, Fig. 27. contemplandos offert. Apprime autem talismodi articulationes Cornuum *Ammonis* evincunt arctam eorum cognationem cum veris *Nautilis*: Horum enim proprium est,

H 3

habe-

(f) Hist. Nat. Lib. XXXVII. cap. 10. (g) In Museo p. 86. (h) Hist. animal. Angl. p. 207. (i) Epist. de Dendrite p. 65.

habere frequentes in suis spiris concamerationes, ita ut Philipp. Bonannus (l) triginta numeraverit in uno Nautilo. Quemadmodum vero Cornua Ammonis ab invicem discrepant aliis momentis, sic articulorum conformatione differunt. Hoc etiam notavi, quo profundius abrasa est superficies, eo magis inelegantes ac rudes emergere articulationes, quoniam subtilissimæ illarum ramificationes, ad superficiem helicum protensæ, hac detrita simul pereunt.

An cunctæ Nautilitarum species laudata gaudeant articulatione, dubito; certe enim in quibusdam nondum potui cognoscere. Neque tamen id mirum, quando diversa, non petrificata conchyliia reperiuntur, quibus, ut eadem externa cum Cornibus Ammonis volutarum dispositio, ita concamerationis internæ defectus communis est. Exemplum præbent Tab. VI. Fig. 28. & 29. depictæ cochleæ, quarum hæc terrestris, in montibus sub musco nidulari solet, illa passim in aquis stagnantibus, per Germaniam quoque occurrit, vocata Listero (m) Cochlea pulla, ex utraque parte circa umbilicum cava: Ambæ vero probant, non solum consimiles hodiernum Cornibus Ammonis dari cochleas, sed etiam haud universalem esse huic generi articulationem, aut intestinam concamerationem.

Nautilitas, superficie levi, lineis destituta, dorso integro, sequentes possideo: Exacte talem, Tab. II. Fig. 7. de monte Schlipselberg. Sed Fig. 8. videtur esse specimen minus Nautilita, Fig. 1. exhibiti; siquidem attentius inspectum lineolas transversales rectas numerosissimas oculis objicit, ast ubi cortex vel testa deest, & ipsæ omnino desunt. Fig. 9. & 10. unum idemque Cornu Ammonis, prope Wincfelheid repertum, sistunt, in altero, circa umbilicum, latere cavum, altero fere planum, rarioribus apud nos lapillis accensendum, cujus exemplar aliud, interiori helice orbatum, Fig. II. cernere licet. Superficie pariter levi, lineis destituta, dorso integro dotatus est

Nau-

Nautilites Tab. VI. Fig. 4. sed non sine gibbosa in medio helicis deformitate, inventus inter Rieden & Eißmannsberg.

Sulcato autem dorso, levis ac lineis destituta superficiei *Nautilites*, Fig. 12. & 13. exprimitur. In utroque, durissimo & perquam tenui lapide, tam majori (quod fragmentum est) quam minori, integro, duplex observatur *sulcus*, alicubi tamen imperfectior: E monte Schlipfelberg / ni fallor, depromsi.

Aspera superficiei præditorum Ammonis Cornuum, primam differentiam nuncupo *Verrucosam*, cujus specimen comparet Tab. II. Fig. 14. Per omnem enim volutæ ambitum *gemina tuberculorum aut verrucarum series* eminet. Non infrequens est inter lapides calcarios montis Mauritanii: Habeo vero etiam durioris substantiæ & diversæ magnitudinis, è vicina quadam latomia.

A lineis eminentia & amplitudine distinguì *strias*, notissimum est: Harum vero in *cornibus Ammonis* admodum variat conditio, sicut è *Tabula*, huic Capiti inserta, patescit. *Integris, seu continuis per dorsum striis, iisdemq; simplicibus & raris*, instructus est *Nautilites*, Tab. II. Fig. 15. Splendentis plerunque, adinstar filicis, superficiei; sed è fluore molliori albido, magnam partem compositus, passim in arvis Altdorffinis obvius. *Densis ex adverso, ipsisq; simplicibus & continuis per dorsum striis* gaudent species, Tab. II. Fig. 16. & 17. nec non Tab. VI. Fig. 7. propositæ, quarum primam & alteram Dn. Im-Hoffius depingendas indulsit, tertiam attulit Amicus Grævenberga. *Crassissimas omnium habent helices, & umbilicum utrinq; valde profundum*. Nequeo autem diffiteri, in singulis istis exemplaribus, *strias* per dorsum quidem & bonam helicum transversim partem integras ac simplices apparere, sed tamen ex una interdum quasi radice duas aut tres simul oriri. Quantum ad materiam, primum è saxo constat griseo, secundum est pyritoso-ferrugineum, cui à latere jungitur aliud pusillum,

lum, internam faciem perpulchre cellulatam vel articulatam eximie ostendens ; tertium è pyrite æneo , solido , penitus conflatum.

Striis vero evidentius ramosis aut furcatis, per dorsum nihilominus integris, conspicua sunt Ammonis Cornua, Tab. II. Fig. 18. Tab. III. Fig. 1. & 2. quæ rursus ita differunt, ut primum sit mediocris crassitie; alterum inter cuncta, quæ possideo, in proportione tenuissimum; tertium satis crassum, foliaceis ornamentis, vel articulationum vestigiis undiq; distinctum: Hoc vero, ut & primum, solent, præ aliis omnibus, majoris imo maximi esse moduli, & à dimidio ad unum vel sesqui pedem in diametro colligere: Extant hinc inde in agris montosis & lapidosis, præsertim vero latomiis. Ad illa pertinent, quæ sequuntur, Tab. VI. depicta, Viz. Fig. 1. inequali compressione helicis monstrose oblongatum: Fig. 2. cum portione matricis suæ, Fig. 3. cortice vel armatura martiali anthracina vestitum, & successivas arcuum efformationes aliquot extraordinarie amplis interstitiis arguens: Fig. 5. circa umbilicum conchite quodam bivalvi, firmiter accreto, contactum: Fig. 6. impuri stalagmitis, quoad singulas extremi arcus strias, tuberculis incrustatum; ex lapidicina Herspruccensi.

Alius commatis sunt *Nautilitæ*, quorum transversales striæ dorsum non trajiciunt, sed in medio ipsius, ab utroque latere concurrentes desinunt. Horum autem plures pariter sunt differentie. Quidam habent dorsum, seu potius spinam dorsi extantem, hanc vero vel articulatam, vel non articulatam; illam iterum aut serratam, aut vertebratam. Spina ejusmodi serrata, seu acute dentata præditum Cornu Ammonis parvum, Tab. III. Fig. 3. exprimit, quod unicum hætenus, in monte Schlipfelberg repertum, tam propter indigitatum characterem, quam propter figuram rariorem oblongam æstimo.

Obtusioribus autem tuberculis concatenatam aut vertebratam spinam gerit, quod Tab. III. Fig. 4. repræsentatur. Miranda
ipsum

ipsius fabrica : *striae* singulae , admodum eminentes , antequam ad *spinam* oblique pertingant, in *acutam* assurgunt *apophysin*, vel *apicem*, versus interiora reflexum. Hæc species, frequentius quam alia quævis, apud nos *armatura aenea* superbiens deprehenditur, in luto cœruleo, quod è cellis erui antea dictum est : Quin & sæpius *pyrite obruta*, aut largiter obduta cernitur, ut probe jam notavit *Joh. Bauhinus* (n). Variæ est magnitudinis, variæque materiæ, siquidem in lutifodina Altdorff. occurrunt specimina, ex indurato saltem luto constantia, præsertim vero *matrices fusoriae*, qualem *Fig. 5. Tab. ead.* sistit, cujus tamen pulchritudinem haud affecutus est sculptor.

Spina non articulata gaudent *Tab. III. Fig. 6. & 7.* delineati *Nautilita*. Prior *undosas*, & versus dorsum *ramosas* obtinet *strias*; copiose, grandioris etiam moduli, extat in arvis post Collegium nostrum, prope *Lenßenberg*. Alter *simplicibus* magisq; *rectis*, ad *spinam* tamen autrorsum quodammodo inflexis ornatur *striis*; quem non amplius memini unde acceperim.

Dorsum sulcatum, & *spina extante destitutum* gerunt cornua *Ammonis*, *Tab. III. Fig. 8. 9. 10.* eo tamen cum discrimine, ut prioris *striae* ex utroque latere ad dorsi *sulcum* recta sibi occurrant, singulaeque in tuberculum quoddam eminens terminentur; alterius vero, nec non *tertiæ obliquæ striarum* occursum ad *sulcum* minus amplum obtusiores efformet *angulos*. Trigam hanc è monte *Heimbürgensi* habeo.

Alias insuper *Nautilitarum* nostratium *differentias* in proclivi esset recensere, quia vero serius accepi, quam ut sculpi potuissent imagines, descriptio quoque proroganda erit. Imo nec enumeratarum specierum historiam absolvere festinanti licuit, ut potius omittere multa fuerim coactus. Quædam vero è *figuris* diligenter consideratis colligi & suppleri

I

queunt,

(n) De Balneo Boll. Lib. IV. p. 15. 16. 17.

queunt, e. g. *numerus orbium aut spirarum, earumq. vel convenientia cum circulo, vel ab eodem discrepantia &c.* De numero sane volutarum in *cornibus Ammonis* dubium est pronunciare, quoniam ipsarum principium, aut unus alterque arcus sæpiusculè deficit.

Cæterum, ne pro naturæ lusibus, sed *veris conchyliorum testis, earumq. partim ectypis* habeam *Cornua Ammonis*, pluribus omnino rationibus inducor, quas longum foret omnes in præsentī exponere: Sequentium vero præsertim apud me valet autoritas. 1) Quia *certus & constans est character*, non solum totius generis, sed & singularum *specierum*, ita ut si unius speciei vel mille reperiantur *individua*, nullum isto characterē penitus careat. 2) Quia non tantum *præsentia, testæ, verum & conveniens ipsius color*, in pluribus ejusdem speciei individuis monstrari potest, tametsi illam intus modo hæc modo ista repleverit materia. 3) *Structuræ internæ artificium*: Quo refero memoratas jam supra *articulationes, & imprimis cavitates* in aliquibus speciminibus interne conspiciendas, quæ, uti *Cochlearum & Nautilorum naturam* manifeste produnt, ita suspicionem, de alio naturæ lusu, haud parum minuunt. Quis non miretur elegantissimos *conspēctus internæ*, ut loquuntur Architecti, *orthographiæ* (Ital. *Profilo*) *Cornuum Ammonis*, Tab. VI. Fig. 21. 22. 24. quibus *helicum facies interior concava* palam & clarissime ante oculos ponitur? Utque seorsim è Fig. 22. luculentior emergeret demonstratio, Fig. 23. sistit alteram, licet in ambitu parum diminutam volutarum seriem, quæ alteri exactissime quadrat. Obtinui nobilia hæc specimina ex monte Sultzbergo, quibuscum conferri meretur in Tab. II. Fig. 14. indigitatus jam supra *Nautilites* exiguus, majori affixus, *cellulis compluribus discretus*. 4) Denique accedit, quod perinde ut *Testacea cuncta*, pro ratione graduum ætatis suæ, *diversi moduli, à minimo ad maximum usq.*, inveniantur etiam *Nautilitæ*, sic, ut in nonnullis speciebus

ab ovulo quasi liceat gradatim ascendere, per plures individuorum magnitudines, ad summam. Certe enim HAMMITES, saltem ille qui granis majusculis & rotundis, ovula piscium referentibus componitur, indeque Rozenstein appellatur, pro iisdem, maxime testaceorum agnoscere, cum D. Scheuchzero (o) haud vereor. Talem ovulorum subluteorum congeriem, in massa lapidea friabili, Tab. VI. Fig. 31. contemplandam offert, frequenter obviam in Heimburg & Sultzberg. At longe notabilius speciem Fig. 30. exhibet, ex ovulis, & quæ ab iisdem modo prodiisse videntur, minutissimis Conchylis, Nautilis ac Turbinibus mixtim conflatum, cujus ego venustatem deprecædicare satis nequeo, præsertim ob similitudinem cum vulgarium cochlearum ovulis, indeq. nuper exclusis fætibus; de quibus Ant. Felicis Abbatis Marsilii perdocta, ad Illustr. Societat. Nat. Curios. Præsidentem, Dn. D. Lucam Schræckium, Cognatum & Fautorem meum jugiter venerandum, scripta extat epistola (p).

Dictæ igitur rationes, aliis (nunc tacendis) conjunctæ, mihi quidem facile persuadent, ut memoratam, de *Nautilitarum* non minus quam *reliquorum fossilium testaceorum* ortu, hypothesin amplecterer. Hac vero stante, porro non erit arduum occasionem, qua *testacea* ista è loco natali suo, nimirum oceano, in terram continentem tanta copia pervenerint, referre ad *universale diluvium*. Quæ quidem opinio tam firmiter insita est animo meo, ut quotquot intueor *testacea* è marinis fossilia, totidem catholici illius cataclysmi monumenta videre me arbitrer, aureis velut inscripta literis: MEMOR. UNIVERSAL. DILUVII! Hæc antiquissima omnium maximæ, post conditum hoc universum, vicissitudinis documenta, quæ comprobant, *equor aliquando terræ dominatum fuisse*, & super illam quaquaversum intumuisse. Pro-

fecto non erubescit Clariss. Scheuchzerus (q) asseverare, horum intuitu mortales de veritate inundationis terræ universalis, ultra vires naturæ, ex justo Dei judicio quondam factæ, convinci, si vel maxime nulla ejus fieret in *S. Scriptura* mentio. Huc digitum intenderunt plures pii gravesque Theosophi, & *argumentum* inde, *pro confutandis Atheis* haud frivolum desumere sategerunt. Sed videor mihi audire quosdam obloquentes; *triumphum canente victoriam*, & nimis libere adstrui hanc *hypothesin*, quæ magnis adhuc laboret difficultatibus. Novi equidem diversos diversa contra eandem movisse dubia; novi vero etiam, pleraque jam discussa dexteritate sagacissimorum inter Anglos virorum, *Joh. Raji* (r) & *Joh. Woodwardi* (s). Quæ autem recentius ab ingenioso *Eduardo Luidio* (t) prolatae sunt, instantias, juxta cum aliis (si quæ sunt) momentosis argumentis, adversus laudatam hypothesin excogitatis, dilectissimus Frater meus, *Joh. Guil. Baierus*, Mathem. & Phys. Prof. Publ. & Universit. nostræ h. t. Rector Magnificus, amore veritatis, meoque hortatu invitatus, evertere, & ab iisdem diluvianam testaceorum fossilium originem vindicare decenti cum modestia conabitur, si Deus vitam largitus fuerit, nemoque alius hoc negotium præoccupaverit.

Ego nunc ad evolvendas *Testaceorum univalvium fossilium classes reliquas* pedem profero. Harum autem proxima est TVRBINATORVM, seu helicibus ex ampliore basi aut orificio in apicem tenuem fastigiatis gaudentium: Cujusmodi lapides iterum divido in longos & breves, utrosque rursus in leves, quoad superficiem, & asperos. Prioris generis, nimirum
elon-

(q) l. a. c. pag. 89. (r) Discurs. miscell. de dissolut. & mutat. Mundi, ex Angl. in German. linguam translat. Hamburgi 1698. p. 141. & sequ. (s) Tentam. circa Hist. nat. telluris. (t) Epist. ad *Joh. Rajum*, Lithophylac. Britann. adjecta, p. 128.

elongatis eximie anfractibus donatos, appellare licebit BVC-
CINITAS, siquidem talius figuræ testacea *Buccinorum* nomi-
ne apud scriptores hist. natur. venire solent. Quibusdam
eorum, è nostratibus fossilibus, *superficies est levis*, sicuti
Tab. III. Fig. 11. 12. 13. 14. 15. & Tab. VI. Fig. 12. indicant, omni-
no diversis in speciebus, quas tamen sigillatim jam describe-
re supersedeo, quia differentia ex ipsis imaginibus satis elu-
cescunt. Alii vero *buccinitarum*, gerunt *superficiem exaspe-*
ratam, sive striis, sive tuberculis & punctis, sive omnibus simul.
Exempla suggerit eadem *Tab. III. Fig. 16. 17. 18. 19. 20. a. b.*
21. 22. 23. æque facile dignoscenda, in quibus momentis ab
invicem abludant. Cæterum collecti sunt hi lapides, par-
tim in monte Gulsbürg/ partim prope Wincfelheid/ partim
ex amne Schwarzbach.

A *buccinitis* quodammodo differunt illi, qui COCHLI-
TÆ nuncupari merentur, ideo, quod more Cochlearum ampli
brevisque sint ventris, ac turbine potius in se reducto quam longius
emisso constent. Talium, & primo quidem *superficie levi gau-*
dentium variæ species sistuntur *Tab. III. Fig. 24. 25. 26. 27. &*
Tab. VI. Fig. 10. & 11: Quamvis, ut verum fatear, nonnullæ
figura conoidæa, planisque spirarum lateribus, propinquiores TRO-
CHIS quam cochleis existant. Seorsim vero *Fig. 27.* plane ad
NERITAS pertinet, quorum proprium est, habere *spiras pau-*
cas & umbonem sive mucronem parum aut nihil eminentem. Vix
ausim statuere omnes, quos *levibus accensui, tales semper &*
à natura fuisse, quia nunc plerique testis carent, quæ olim for-
san asperæ fuerunt. Sed revera & adhuc *aspera superficie præ-*
dicti sunt cochlitæ, Tab. II. Fig. 28. 29. 30. depicti; quorum pen-
ultimus, ad Wincfelheid repertus, post simplicem circuitum,
transversim aliquoties sulcatum, raro spectaculo desinit in
apicem valde obtusum.

Sequantur ECHINITÆ, seu *fossiles Echini*, quæ classis
est *univalvium testaceorum, helicibus carentium, figura ut pluri-*

num subrotunda. *Echini* nomen ipsis competit, quia dum vivit ac integrum est animal, numerosos è sua superficie quaquaversum, ad *Echini quadrupedis* analogiam, spargit *radios*, sive *spinas*, pro diversa specie plus minus acutas. Non desunt equidem, qui *marinos Echinos ad Crustacea* relegant *animalia*, mihi vero *Aristotelis* & aliorum gravium Virorum sufficit autoritas, ut *testaceis* annumerem, præsertim quod *characteres* ipsorum, in principio hujus capitis traditos, clare satis præ se ferant. Cæterum uti Nobil. *Luidius* (u) inter sexcentos *fossiles Echinos*, eorumque fragmenta, nullum setis aut spinis suis instructum vidit, sic quoque nos non nisi *aculeis spoliatis* exhibere possumus.

Dividere autem lubuit *Echinitas* in *rotundos* seu *globosos*, & *oblongos*; illos iterum in *papillosos*, & *suturis aut sulcis lineisve ornatos*. Tales sunt vel *regulares* vel *irregulares*. *Regularium* specimina cernuntur in *Tab. III. Fig. 31. 32. 33. 35. 36.* quæ tamen in eo congruunt, quod è summo vertice *quinque geminati linearum* (suturis sæpe similium) *ordines* ad basin æquali fere intervallo sese diffundant. Nonnulli horum lapidum *verticem* habent *umbilicatum*, in quibusdam vero, (e.g. *Fig. 33.*) *tuberculum* eminet. *Oblongus* quodammodo est *Echinites* *Fig. 35.* non tam, ut opinor, ex naturali dispositione, quam *violenta* olim facta *compressione*, siquidem plures possideo ita contritos, ut appareat, *materiam, quæ replevit internam testæ cavitatem*, & postea in durum evasit lapidem, *quondam extitisse liquidam aut mollem*, dum ipsa cedere potuit impetui testam confringenti. Qui *Fig. 34.* depingitur, ad antecedentes quidem videtur pertinere, tametsi vix aliquibus rectarum linearum umbris gaudeat; est vero omnibus angustior & altior. Latus inferius, sive *basin Echinitæ*, saxo inhærentis, *Fig. 36.* refert. Plerosque enarratorum deprehendi in arvis circa pagum *Reichelshoff* / unum etiam (*Fig. 33.*) in lapidicina

(u) l. c. pag. 44.

cina Herspruccensi. Sunt autem cuncta ex eorum *Echinitarum* censu, quos *Luvidius*, p. 46. apposite nuncupat *fibulares*, propter formam glomerulo vestiario (einen Knopf) accedentem.

Irregulares lineas, aut *inaequales sulcos* obtinuerunt Fig. 37. & 38. delineati, non quidem integri, sed quoad inferiorem tantum partem conspicui, nec sine suspicione multum corruptæ naturalis formæ.

Papillares Echinitas voco, qui licet non destituantur lineis in sua superficie, majorem tamen ejus partem *eminentiis orbicularibus seu papillaribus* repletam gerunt, quas alii non inepte dicunt *acetabula*; sunt enim nihil aliud, quam *vestigia*, quibus olim *aculei*, velut *inarticulati hæserunt*. Duplex horum *Echinitarum* specimen, Tab. III. Fig. 39. & 40. communicavit Generos. Dn. Im Hoffius; sed utrumque fragmentum, quin *apographum* saltem est ipsius testæ, in durissimo silice impressum. Differunt *magnitudine tantum acetabulorum*, ut facile pro eadem haberi possint specie: Quod si tamen diversas pronunciare decet, priori respondebunt, apud *Luvidium* (num. 910.) *Echinita laticlavii maximæ fragmenta*; alteri vero, *Echinites ejusdem* (num. 916.) *orbiculatus laticlavus medius*. Solent alias hi *papillares*, aut *scutellati Echinitæ* appellari *OMBRIÆ* & *BRONTIÆ*, de quibus, aliisque nominibus, *Gesnerum*, *Boetium*, *Wormium*, &c. legere juvabit.

Oblongi denique sunt *ECHINITÆ*, qui *CORDATI* cognominantur, propter cordis aliquam in forma similitudinem, ceu ex Fig. 41. 42. 43. Tab. III. patescit. Utrumque latus ejusdem lapidis designant duæ priores Figuræ; tertia majusculum sistit, & ipsum *quinis*, in duplici serie, *suturis*, velut *ac u punctis notatum*, quod omnibus, etiam minoribus commune esse credo, tamen si non in singulis (detritæ superficiei culpa) observetur. *lisdem in locis*, quæ cæteros *echinitas*, inveni.

Testaceis univalvibus quidam Antores adjiciunt BALANOS ac TVBVLOS VERMICVLARES. Quoniam vero inconstans eorum est figura, sicuti Phil. Bonannus (x) edocet, ideo reliquis univalvibus magis regularibus, tanquam anomala quædam, per modum appendicis subjunguntur. *Balanum* quidem unicum *fossilem*, hætenus in Norico nostro mihi visum, exhibeo in *Tab. VI. Fig. 13.* è sæpius laudati Dn. ImHoffii communicatione, affixum lapidi crustoso; neque enim unquam per se subsistunt *Balani*, sed more parasitico rebus aliis, præsertim conchyliis, nolentibus volentibus, testaceam domunculam suam inædificant.

Tubulos autem *vermiculares*, *Tab. VI. Fig. 15. & 16.* sat luculentos proposui; quamvis plura insuper specimina, tam *crassiora* quam *tenuiora*, testis & lapidibus insidentia, diversimode *circumflexa*, è montibus Heimburgensi & Sultzbergensi petita, possideam. Ast qui *Fig. 14.* exprimitur *rectus fere siphunculus*, nisi me omnia fallunt, ENTALII majoris est fragmentum, repertum in monte Calvariæ Neagorensi.

CAPVT VIII. DE BIVALVIBVS TESTACEIS FOSSILIBVS.

ENumeratis *Univalvibus testaceis fossilibus Noricis*, progredior nunc ad recensenda pariter BIVALVIA, sive quorum testaceus cortex ordinariè duabus, saltem contiguis, partibus componitur. Idem vero, quod ante circa *Univalvia* factum, & nunc faciam, allaturus nimirum promiscue specimina, tam ea in quibus testæ adhuc præsentés sunt, quam in quibus illæ deficiunt, dummodo *residui lapides* ad modulum & formam *deperditarum testarum*, quæ continebantur, sint rite effigia-

effigiati. Cæterum ne in eorum tractatione ordo conveniens desiderari queat, species æri incisas omnes sequenti ratione disponam.

TAB. IV. TESTACEA FOSSILIA NOR. BI- VALVIA sunt Testis inter se	æqualibus	signatis striis aut lineis	transversalibus parallelis: Tab. IV. Fig. 1. 2. 3. 4. 5. 6. 7. 8. 9. 10. 11. 12. 13. 14. Tab. VI. Fig. 17. 18. 19. 20.
			ex uno puncto prodeuntibus: Tab. IV. Fig. 15. 16. 17. 18. 19.
	inæqualibus	non striatis	levibus: Tab. IV. Fig. 20. 21. 22. rugosis: Tab. IV. Fig. 23. 24. 25. Tab. V. Fig. 1.
			striatis: Tab. V. Fig. 2. 3. 4. 5. 6. 7. 8. 9. 10. 11. 12. 13. 14. rugosis: Tab. V. Fig. 15. 16. 17. 18. 19. 20. 21. 22. 23. 24. 25. 26. 27. 28. 29. 30.

Primariam Bivalvium differentiam desumere consueverunt ostracographi ab æqualitate & inæqualitate valvarum; æquales dicendo, quarum una alterius tam figuræ externæ, quam cavitati internæ respondet. Eandem divisionem fossilibus nostris bivalvibus accommodare licebit, ipsaque porro distinguere in striata, & non striata. Illorum quædam striis transversalibus parallelis notantur, quædam ex uno puncto, valvarum scilicet vertice, deorsum prodeuntibus. Prioris generis exempla non pauca suppeditat Tab. IV. quæ strictim, & quoad fieri potest brevissime indicabo. Fig. 1. videtur esse *Conchites maximus Listeri* (a) margine lato, & ad alteram ejus partem sinu amplo donatus, nisi quod noster evidentibus magis & semicircularibus striis transversim insigniatur; quæ vero per longitudinem insculptæ sunt lineæ, saltem vitia sunt & fissuræ leves, neutiquam ita conspicuæ, ut chalcographus expressit. Cæterum testæ tenuitas & minus profunda cavitas, cum reliquis circumstantiis sat recte se habent: Inveni ad pagum Windfelheid. Huic *Conchita*, licet non magnitudine, att-

K

(a) Histor. animal. Angl. p. 233.

attamen *forma ac teneritate* perquam similis est *Tab. VI. Fig. 19.* delineatus, in cuius superficie *nativi testæ* colores, rubellus, albicans & subflavus mixtim egregie adhuc comparent. Nolle vero contradicere, si quis eundem *ad Tellinas* referret ac TELLINITEM vocaret.

Tab. IV. Fig. 2. *Conchites* est *valvis ab invicem ample ductis*, ex altera cardinis parte *diffusioribus*, altera introrsum quasi retractis & incurvatis. Præter *strias transversales*, etiam nonnullas in postica præsertim parte, recta per longitudinem ductas obtinuit, sed valde exiles. Quo ipsum referam, hæreo, maloque aliis relinquere divinandum nomen; reperi vero eodem, quo priorem loco.

Fig. 3. duplici conspectu, in- & externo, sistit *mytilum vulgarem marinum*, cuius minora specimina *Fig. 4.* repræsentat, singula transversalibus distincta *striis*, an dicam *rugis*? sed prius arridet. Frequenter occurrit hic MYTILITES in arvis Altdorffinis meridionalibus, inter cornua Ammonis massæ lapideæ inclusus; nondum tamen offendi bijugem, seu cohærentibus valvis. Cognatum MYTILITI facio, qui *Tab. VI. Fig. 20.* proponitur, in monte supra pagum Nieden deprehensus.

Tab. IV. Fig. 5. & 6. idem est, diverso duntaxat in situ, specimen *mytili* (ut opinor) *minoris fluviatilis*: Hujus testulæ nonnunquam intus refertæ sunt galena, seu materia ex atro splendente metallica. In rivo quodam vicino reperitur.

Sed vulgari *musculo fluviatili* (der gemeinen Farben- oder Mahler-Muschel) ut ovum ovo similis est *Fig. 11.* depictus *conchites*, qui proinde jure suo audiet MVSCVLITES vulgari: Hunc bijugem quoque semper inveni circa Wincelheid/rarius in Heimbürg. Affines quodammodo musculiti arbitror *Tab. VI. Fig. 17. & 18.* exhibitos *conchitas*, insolito plane modo *striatos*: Patet equidem diversos esse, sed quia fragmenta saltem sunt, exactius de iisdem iudicium ferre nequeo.

Tab. IV.

Tab. IV. Fig. 7. 8. 9. sunt Conchitæ exiles, specie vix differentes, nisi quod ultimus compressior sit ac tenerius striatus: Ambitu gaudent ferrato, & pertinere ad TELLINITAS videntur: ex eodem rivo, quo ante dicti mytilitæ minores.

Fig. 10. solitaria est testula, aut potius apographum ejus in limoso-ferrugineo lapide Altdorff. lutifodinæ: Ex utraque verticis parte æqualiter diffunditur, transversalibus aliquot striis, & una præsertim majori exaratum: Quo autem nomine debeat insigniri, jam non lubet decernere.

Fig. 12. & 13. puto me stitisse SOLENITEM; ita enim censui nuncupandum lapidem, forma oblonga & striarum obliquo tractu testam Solenis piscis (quem Itali & alii ostrearum loco habent in deliciis) repræsentantem, in duplici specimine, reperto ad pagum Wincfelheid.

Fig. 14. exprimit insidentem lapidi testulam exiguan, vel ad mytulos vel magis ad PHOLADES spectantem; de monte Riedensi, versus Eißmannsberg.

Qui autem ex uno puncto, nempe valvarum vertice, recta prodeuntibus gaudent striis Conchitæ regulares, hoc loco memorandi, uno verbo & Mart. Listeri vocabulo, sunt PECTUNCULITÆ, quorum paradigmata quædam in *Tab. IV.* continentur. *Fig. 15.* designare debet *pectunculitem* aliquem ex majusculis nostratibus, qui tamen haud accurate sculptus est, nil minus quam laudatum ordinem striarum ostendens. Ex hujusmodi alias *conchitis* innumerabilibus, parvis & minimis, elegantissime striatis, prægrandia lapidum frustra fere penitus conflata passim circa Altdorffium extant, belemnitæ foetorem, si franguntur, spirantia.

Fig. 16. & 17. sunt plures pectunculitæ in faxo arenoso ferrugineo, cujus bina hæc fragmenta, mutuo testularum & matricum amplexu eleganter sibi respondent: Copiose in via ad pagum Weißenbrunn. Fig. 18. tenerioris, nec adeo cavi, per medium quasi zona distincti pectunculitæ (ut conjicio)

exemplar, sed quod infausto nuper casu mihi periit. Fig. 19. internum est latus concavum *pectunculitæ*, nitidissime striati in lapide conchitem anomium (de quo postea) replente: ad pagum Reichelshoff.

Striis autem destituti *Conchitæ bivalves regulares*, vel *leves* habent *superficiem*, vel *rugosam*. Illius specimen præbet Tab. IV. Fig. 20. & 21. duplici conspectu BVCARDITES, ob figuram sic dictus lapis, quem fusius describit Ferrandus Imperatus (b), ipsam vero *Concham*, addita effigie, Phil. Bonanus (c). Alios *Bucarditas*, scil. *reticulatum*, *costatum*, &c. Listerus (d) *Museum Metall. Aldrovandi* (e) *Rarithecium Gottorpiense* (f) exhibent. Noster ille tantum videtur esse nucleus five materia quondam inclusa testæ, quæ jam evanuit. Minus exemplar ejusdem Fig. 22. refert, nullis transversalibus striis, ut quidem sculptor finxit, donatum: Ex monte Heimburgensi utrumque habeo. Cæterum hic *bucardites* à nonnullis appellatur HYSTERAPETRA & HYSTEROLITHVS, de quo vid. Agricola, Boëtius, & alii.

Post *leves Conchitas bivalves regulares*, considerandi veniunt *rugosi* vel inæqualibus in superficie sulcis, lineis aut sinibus exasperati. Talem proponit Fig. 23. (quæ, per errorem, 33. signata est) *valde tenerum, parum concavum, coloris cornei*, in lapide nigricante aliquoties repertum, in rivulo prope Hagenhausen; quem dubito quo nomine sit indigitandus, saltem æqualium esse valvarum, mihi persuadeo.

Fig. 24. *exiguum testæ repræsentat apographum*, veluti *squamosum*, aut aliquot *rugarum seriebus asperum*, quod prope Windelheid inveni.

Fig. 25. *Concham* sistit, interno latere, quodammodo *sinuosam* vel *rugosam*, amplitudine conspicuam, quam non vereor pro genuina CONCHA MARGARITIFERA seu Matre Perla-

(b) Hist. Natur. Lib. XXIV. cap. 26. (c) l. c. pag. 110. (d) l. c. 235. & seq. (e) pag. 480. (f) ab Ad. Oleario edit. Tab. XXII.

Perlarum venditare, siquidem nec *forma* est aliena, *splendor* vero in omnibus testæ lamellis, perinde ut *consistentia* vix à naturali discrepans. Hanc ferme integram, & fragmenta non pauca, deprehendi in monte Heimburgensi.

Rugosa quoque est (nisi *striata* magis, vel *imbricata*) *Concha*, Tab. V. Fig. 1. depicta, testis ambabus, adhuc connexis, æqualibus, quæ ratio est, cur huic classi eandem inferam, tametsi *speciem* OSTRACITÆ, aut *ostrei fossilis*, alias inæqualium valvarum, reputem: E lapidicina Herspruccensi.

Alterum genus *testaceorum fossilium*, *bivalvium*, completitur illa, quæ *valvas* gerunt *inaequales*, aut quarum una alteri quoad magnitudinem, formam externam, cavitatem, &c. dissimilis est: Tales *Conchæ* vocantur etiam *anomia*. *Fossiles* vero, quot quidem, apud nos extantes, mihi hætenus innotuerunt, commode dividuntur in *striatas* & *rugosas*. *Conchitæ* striati hoc loco audiunt, quicumq; à vertice per longitudinem testarum excurrentibus donantur *striis*, propter quas, siquidem elatiores sunt, ad instar pectinis radiorum, PECTINITÆ nuncupari consueverunt: Seorsim hoc nomen, ex *Listeri* & aliorum sententia, iis competit, quibus ex utroque verticis latere exeunt *apophyses* vel *aures*, & altera testarum cava, altera plana est; ad quæ momenta in *conchitarum* hujus generis dispositione potissimum est respiciendum. *Planæ* autem *testæ*, mediocris cujusdam *pectinitæ* fragmentum, Fig. 2. Tab. V. refert, multo elegantius striatum, quam sculptura ostendit. Fig. 4. est *gibbosa pectinitæ testa*, *amphyotis*, aut binis auricularibus *apophysibus*, etsi non integris conspicua: utrumque specimen circa *Winkelheid* deprehensum, perinde ut (Fig. 14.) minorum aliquot *pectinitarum* portiones, affabre striatæ, lapidi crustoso infixæ. At vero Fig. 3. *internam concavam* repræsentat partem prægrandis *Pectinitæ*, cujus margo & aures fracturam videntur perpeffæ, tunc temporis, quo immerfus fuit materiæ, olim forte molli ac liquidæ,

nunc saxæ: ipsum, nobilioribus annumerandum specimini-
bus, è cella quadam Altdorff. effossum accepi.

Qui vero *Conchitæ striatæ* quidem more *Pectinitarum*, sed
non auriti sunt, nec *inequalium valvarum*, PECTVNCVLITAS
antea nominavimus. Horum tamen plures dantur, irregu-
lares dicendi, ob testarum inter se dissimilitudinem; cujus-
modi sunt omnes, in *Tab. V. à Fig. 5. usque ad 13. inclusive*,
delineati, quibus figuris in universum sex differentia desi-
gnantur. *Fig. 7. & 8. unius pectunculitæ* latus utrumque ex-
primunt, sicut etiam *Fig. 9. & 10.* Ab his proximum par,
nempe *Fig. 11. & 12. subtilissime striatam* sistit TEREBRATV-
LAM, aliquibus ita dictam pectunculitæ speciem, quod testæ
alterius apex aut rostrum perforatum cernitur. Reliquæ figuræ
singula, nimirum 5. 6. & 13. singulares indicant differentias, qui-
bus decentia cognomina, vel ex aliorum ingenio, vel meo
imponere, jam non audeo, cuilibet id negotii liberum per-
mittens: Hoc tamen non dissimulo, *Fig. 9. & 10. pariter ac*
13. esse exempla Conchæ anomie striatæ *τετλίβη* *Fab. Columnæ (g)*
aut *Pectunculitæ anomii trilobi, Listeri (h).*

Supereſt rugosorum, inequalibus valvis præditorum *Conchitæ*-
rum classis, in quam conjicio cunctos, qui non è vertice re-
gulariter prodeuntibus striis, sed tantum transversalibus rugis
& irregularibus lineis aut sulcis exasperantur. Hujus indolis
præcipue est *Conchites anomus rugosus*, rostro subtereti & insigni-
ter adunco donatus *Listeri (i)* ab ipso accurate satis descriptus.
Valvarum ejus naturalem combinationem ac situm *Tab. nostr. V.*
ostendit *Fig. 17. & in minori specimine Fig. 19.* cujus postica
convexa facies est *Fig. 18.* Integri, bifores, aut valvis cohæ-
rentibus, penes nos oppido rari, etsi solitariae valvæ & frag-
menta illarum copiose jaceant circa *Wincfelheid & Alten-*
thann / sæpe etiam triplo majoris moduli, quam hic deline-
antur.

(g) Tract. de Purpura cap. XV. (h) Lib. sæp. cit. pag. 249.

(i) ibid. p. 238.

antur. Utriusque (licet diversorum individuorum) *testæ*, *inferioris*, quæ admodum crassa & concava, *Fig. 15.* ac *superioris*, quæ tenerior & planior instar *operculi*, *Fig. 16.* conspectum internum exhibere studui; ubi notandum inprimis venit *musculi aut tendinis utrinque vestigium*, peramplum & profunde quasi insculptum, perpetuæ in omnibus individuis, eodem loco, præsentia: Ut propterea mirari subeat, nonnullos hunc *conchitam* inferuisse univalvium catalogo, quod etiam fecisse videtur Celeberr. D. D. *Joh. de Muralto* (l) *Nautilum lapideum* ipsum appellans, sine dubio alterius testæ vel operculi, tanquam infrequentioris, ignoratione ad illam opinionem seductus. Meliori ratione Clar. *Luidio* (m) *Conchites* hic, intuitu *rostri adunci* (quod tamen in nostris exemplaribus depictis obtusum est) *GRYPHITES* dicitur; quod nomen æque bene quadrat in *Conchitam*, *Fig. 20. & 21.* propositum, itidem *rugosum*, cujus valvarum altera prominulo & admodum *adunco*, altera (quæ convexitate non cedit priori) *obtuso magis rostellum* est instructa.

Cæteræ in *Tab. V. Figura* omnes, à 22. usque ad 30. designant *varias differentias Conchæ rarioris anomie vertice rostrato* *Fab. Columnæ* (n) quibus cunctis hoc est commune, ut præter transversalem rugositatem, testæ supereminens apex sive *rostrum foramine donatum*, aut pertusum appareat, unde *Luidius* (o) his in genere nomen *TEREBRATVLÆ* attribuit. *Vulgaris* maxime inter hos *conchitas* *Fig. 23.* exhibitus, modicæ latitudinis, nec sinuatus: *Fig. 24.* *subteres*, omnium longissimus & angustissimus: *Fig. 25.* *latissimus*: *Fig. 26. & 27.* *triangularis* fere, propter alterius testæ dorsum angustum vel acuminatum, alterius vero planam superficiem: *Fig. 28. & 29.* *sinuoso aut lacunoso margine præditus*, major ac minor: *Fig. 22.* *fimbriatus* merito dicendus, licet hoc nomine nondum, quod sciam

ab

(l) Ephemer. A. N. C. Dec. III. Ann. V. & VI. p. 44. (m) l. c. pag. 99. (n) l. c. Cap. XII. (o) l. c. pag. 40.

ab ullo descriptus. *Figura 30.* denique id confirmat, quod Excell. D. Scheuchzerus (p) notavit: *In hisce, nimirum, conchitis anomis aliquando conspici maculas (ut sane multis in speciminibus monstrare possum) albidas, quæ microscopio subiectæ sunt circelli tres, quatuor, quinque, sex concentrici, affabre veluti circino è centro medio exsculpti, &c.* Solent vero laudatæ differentiae (quamvis una præ altera copiosius) inveniri mixtim cum recensitis antea pectunculitis, inter arva montana & lapidosa Palatinatus superioris, nec non quibusdam latomiis.

CAPUT IX. DE SALINIS ET SVLPHVREIS FOSSILIBVS NORICIS.

NON adeo amplius concretorum hujusmodi apparatus nobis est: Qualiscunque demum fuerit, hoc Capite explicabitur. E SALIVM classe memorandum primo venit NITRVM; haud equidem antiquitus sic appellatum Salis genus, quod magis alcalicum & smecticum, indeq; à moderno diversum, pluribus argumentis edoceri potest; verum id, cui hoc & Salis petra nomen hodie imponitur. Ipsius copia passim à ruricolis coqui solet, è terra pingui, sub ovilibus, equilibus, fimetis, vetustorum ædificiorum ruderibus, &c. defossa; quam explorandi, præparandi & coquendi (pro nitro) artificium dexterrime tradidit Lazar. Erckerus (a): Virtutes autem medicas Salis nitri (certe principis τῶν πολυρρέων) satis prolixè & omnium optime decantavit excellentissima Professorum Med. Halensium biga, D. D. Frid. Hoffmannus (b) &

(p) Specim. lithograph. Helvet. pag. 25.

(a) Aul. Subterr. Lib. V. fere integro. (b) Disput. de Nitro Ann. 1694. habita.

& D. D. Georg. Ernest. Stablius (c). Neque vero dissimulare possum, me jam à plusculis annis scribendæ *Nitri historiae*, post *Clarckium* & quoslibet alios, cepisse consilium, quod ne nunc quidem ex animo dimisi, commoda, οὐ θεῶν, occasione executurus.

Speciem Nitri, quin ipsum *Aphronitrum*, multi reputant *salsedinem* è *saxis calcariis*, & hinc constructis parietibus ac muris, præsertim antiquis, *instar lanuginis efflorescentem*. Talis apud nos ubique deprehenditur, inprimis è laquearibus carcerum subterraneorum Norimbergæ, *sed stiriarum forma* excrescens. Hujus autem *Salis* vel **NITRI CALCARII** *discrepantiam à vulgari*, & peculiarem in *Cryсталlos concreti figuram*, perspicue ostendit eruditissimus *Mart. Listerus* (d).

Seorsim etiam **VITRIOLI** mentionem facere liceret, quod ex *Pyrite*, in Norico nostro hinc inde obvio educi arte potest, imo & sponte solet efflorescere, *martialis naturæ*: Verum de hoc, ipsoque **PYRITE**, & **LIGNO FOSSILI BITVMINOSO**, nostratibus, tanquam præcipuis in Capite præsentī exponendis *concretis salino-sulphureis*, adeo ἀνεβῶς jam dudum egit *Andr. Libavius* (e) ut temperare mihi nequeam, quo minus integrum istum locum, etsi valde prolixum, lectu tamen dignissimum huc transferam. Ita autem ille. *Quam Doldius Altorfio Noricorum misit non procul ab oppido à medicina studiosis effossam terram, partim prope accedit ad Colonensem fissilem, nimirum fissili specie, forma carbonum, fuscedine, & lignea putredine fracturaque; partim integrior solidiorq; est, majorib; quoque portionibus adeo referens ligneum ex populo Lybica vel tremula, aut betula vel fago, carbonem, ut primo aspectu plane persuadere imperito possis lignum fuisse, atque etiam vix oculis tuis credas, si aliter percipere rem velint. Ebenum fossile foret & ad gagatas pertineret, nisi putredo supervenisset; quin*
sunt

(c) *Observ. Chim. Phys. Med. Ann. 1698. M. Mart.* (d) *Tract. de Font. Med. Angl. Cap. I.* (e) *Singular. Part. III. Lib. VIII. cap. 8. p. 1034. & sequ.*

sunt quaedam particula integritate sui non alio referenda. Neque tamen ad lithanthracas communes ob speciem diversam, differentemque naturam, vel oculorum iudicio, revocare queas, quamquam carboni ligneo, ut diximus quam proxime accedat. Relinquimus ei sedem in medio Ebeni fossilis seu gagatae & lithanthracum, cumque putredo corruperit maiore ex parte, quin & succi terrei & lapidei fere sint admisti, ampelitidi, licet non optima nota subjiciendam iudicavimus. Carbo est aridus & exsuccus, fibris in longum porrectis cum fluxu substantia, & processu ligni tremula, vel betula. Ab extremitate fracta si inspicias (nota tamen, non esse eandem plane faciem omnium massularum) assulatim concrevisse videtur integrior; corruptior vero assulas occultat: alius etiam fissiles divisasque exhibet, omnino ac si lignum piceum vel faginum divisisses in laminae, quas dicas quoque plane inde esse, & sub terra corrosas infectasque induisse nigrorem & fragilitatem. Sunt quaedam portiones longae 4. vel sex aut plures digitos, sed non semper continuas. Saepe enim in medio fissura transversa interrumpit continuitatem, quasi vulnere facto. In aqua si maceres, lentescunt, ut digitis divellere findereque & flectere queas, sed non omnes. Integriores atrum habent colorem; corruptiores fuscum, aut etiam brunum, ut lignum tostum; media particula medio se habent modo. Quae corrosa sunt penitus, cohaerentibus tamen adhuc partibus & aliquam soliditatem exhibentibus, si frangas, nihil diversum a substantia fibrarum, secundum longum inspectarum, nisi situm ductumque saltem alium exhibent, sed color & substantia ratio est eadem, nisi inaequaliter sint putrefacta. Aliae in fractura nigerrimum, valdeque splendens bitumen sunt, ut poliri Gagatae more posse tibi persuadeas, nisi exilitas, & putredo obstaret. Et hac nota deprehensa, oculi se falsos primo aspectu fuisse discunt. Nullus enim carbo, nec lignum tale quid refert, nec est in fracturis. Inter portiones in fodina intercurrit plerumque marga cinerea, vel alba, aut etiam argilla, & ochra bituminea. Quo circa videas alluviones huiusmodi aliquibus adherere, & albo, vel flavo, aut rubro illas colore inficere. Aliquibus immixtus PYRITES est.

est, qui ibidem invenitur, & adeo quidem interdum coaluit, ut ex utroq; succo una sit facta massa: alias saltem foris adherens, aut lacuna cuniculoq; facto sese insinuans. Pyrites is splendet, coloremq; ex citrino albicantem seu argenteum refert, ut is quem in sclopetorum ignitabulis gestant vulgo. Mirum dictu, carbones quosdam in decursu fibrarum in longum nodos representare tanquam initia ramorum, aut furculorum, quasi inde aliquando ramuli enati fuissent, aut saltem prodire contendissent. Inveniuntur & particule jam in Ochram mutatae intus, quibus foris adherent adhuc squama nigrae splendentes. Earum una speciem habet ferri rubigine consumti, & tamen adhuc coherentis. Aqua pulveris hujus terrae macerati, gustu subdulcis fit, cum abstersoria aliqua acredine in fine. Coagulum ejus est instar salis chalcanthini, initio subdulce, postea valde acre, ut atramentum agnoscas. Pulvis in catino vel cochleari ferreo in ignem illatus non flagrat, nec facile nigrorem perdit, etiamsi diu excanduerit. Carbones integri solidique nondum exesi putredine, inardescunt, etiam ad æmulationem optimi lithanthracis Cynæi. Flamma enim inde est luculenta, cum fumo nigro instar picis, odore mitiore quam Gagata, bituminoso tamen. Sulphur in aliquibus deprehendas, nimirum quibus accubuit, aut immistus est pyrites, qui ex sulphure & lapideis succis concrevit. Niger color in ardentibus pertinax est. Vidimus quasdam particulas inter ardendum bullientes, ut Gagates humidior, vel bitumen speciale. Bullam reliquit deflagratio levissimam innatantem aqua & nigram. Portiones bruna & ligni putridi faciem habentes non splendentes in fracturis, deuruntur & candescunt ut pruna absque eiaculata flamma, & statim ut in aqua tabescunt, de-terunturq; levi tactu digitorum, ita in igni dilabuntur. Hæc autem peregrinus inter prunas ligneas. Num soli quoque isti carbones sint arsurî, reliquimus in copia ante folles fabris experiendum, & nos si prius admotis ligneis inflammentur integriores, non diffitemur fabris flammam præbituros postea, eamque eo commodiorem, quia spiritus adeo graves non exhalant, ut narrant de Darri-

bus. Diuturniore igni & follibus si exerceas, tandem in cineres rediguntur, sed diversicolores. Quaedam enim portiones totæ sunt ruffæ, foris, intus nigra: quedam foris citrina lanugine & alba sunt cinctæ: alia foris candida, intus atra, quod nigrities valde sit refractaria, ut solet in bituminibus. Et licet incineratus sit carbo, tamen interdum constat corpulentia portionibus, quas si iterum ad-mota flamma incendas, ignem concipere, & aliquousque gliscere, candereq; videas. Neque enim facile exhauritur seminarium bituminis, ut non mirum sit Æthna cineres in craterem relapsos, de-nuo inflammari. Cinis in aquam præcipitatus, uti & nigra adhuc particule prius ignibus candefactæ, jamq; non amplius calidæ, strident, & bullas multas à fundo remittunt. Crudi carbonis uncia, post combustionem præbuit reliquias trium drachmarum. Plerumq; cinis perustus in summo albet, in imo niger permanet, nisi crebro à fundo regeras & vertas. Tentavimus destillationem descensoriam; sed nihil aliud consecuti sumus, quam copiam spirituum alborum odore Gagatæ ardentis, & guttas ruffas spissasque, quæ aquam præmissoriam infecerant, ut oleret aquam succini allium halitibus repræsentantem. Illæ guttæ abibant in liquamen pingue tenax crassum, & partim innabant aquæ, partim ad fundum concesserant, partim vitri adhærebant lateribus pertinacissime, uti fit etiam in destillatione Gagatæ. Paucum oleum prodit, nec sumtibus dignum. Rectius id petitur ex Gagatæ oleosiore. Hæc historia, quam vere secundum experientiam, sensum & rationem ponimus, convincit istum carbonem bitumen esse, æmulum Gagatæ in sua integritate, vel Ebeni fossilis, quod Gagatæ species est; sed quia majore ex parte corruptus est, viciniorq; terræ, ampelitidi accenseri posse, potissimum nigri bituminis & similitudinis, quam cum piceis carbonibus vel betulaceis, aut hujusmodi habet, pene exactam, nomine. Si in pulverem redigitur, accipit oleum pariter terræ Colonien-si, & melioribus particulis etiam citius. Ut judicandum sit, quanquam in oleo coctione non abeat in glutinosum spissamentum, tamen
mistu-

mistura posse pro unguine vitium esse. Et facile deteritur in pulverem nigrum vel fuscum, quæque partes in fractura splendent bituminis Judaici fulgore, ea etiam nobiliores sunt Coloniensi terra. Unde pictores Norici non opus haberent Colonia asciscere materiam, sed legerent in vicinia, si resciscerent, uti & fabri ferrarii. Illa ipsa materia inserviret etiam chirurgis ad tumores molliendos, glutinandæq; vulnera, & anginas discutiendas, aliæq; multa, quæ analogice ex superioribus bituminum historiis quis facile potest colligere, si sit industrius.

Scholæ ejusdem Autoris.] Doldiam libenter appellavimus istam terram, à primo monstratore ejus, Leonhardo Doldio apud Norimbergicos medico eximio. Prius innotuisse potest aliis; sed quia neglecta, celebratorem Doldium expectavit, ab hoc nominanda fuit. Nos eam variis argumentis descriptam exhibemus. Vulgo videtur ligneus carbo esse aut segmentum fabrile quod olim ibi ex materia fabrilis relictum terræq; tectum tandem nigrum evaserit & putridum. Sed falli hoc judicium liquido ostendimus. Quædam portiones exacte referunt corticem fagi cum parte aliqua ligni, si oculos consulere velis sine detritione & fractura, aliisque examinibus. Cum franguntur splendidissimi nigerrimiq; asphalti nitor in conspectum prodit, & priorem vultum redarguit. Pyrites alias igniarius ex eodem loco eruitur. Sed qui carbonibus sociatus est plerumq; mollior existit & friari potest. Exculpsimus ex nonnullis etiam Galenæ nitidissimæ portiunculas. Unde colligere est, locum istum non carere metallo, & quantum externo aspectu judicare licet, plumbi argentique ferax videtur esse. Ita & Cycneæ Agricola scriptum reliquit: In monte carbonum perfossa terra carbones molles apparere, postea saxa crassa, inde carbones duros sub quibus Cadmiam bituminosam, pyriten aluminosum, & æs purum. Nec metallo Joachimico desunt bituminosæ minere. Viderent ergo quorum id interest, ne quis Thesaurus in agro Norico circa Altorfium, ubi est carbonum istorum area, latitaret. Aqua in qua infusi steterant sapore dulci infecta erat,

L 3

sequen-

sequente astrictione cum acrimonia. Humore omni paulatim absumto in vitri fundo alba quasi squamula apparebant circa concretionem quandam ramosam in medio exhibentem pulchræ plantæ imaginem albis ramis distinctam, quale quid solet existere in vitrioli coagulo interdum, sicubi non est quantitas magna. Non est purum atramentum, sed sale nitroso multo remistum. Sapit initio quiddam dulce, postea valde acriter linguam mordet. In aëre facile liquefit. Aquam Galla non inficit nigrore ob salem copiosorem qui obstat nigræ, vel quia debilior est vena chalcanthi quam ut densari crasse queat citra additamentum ferri, aut aris; sed alumini vicinior est. In igne non fluit, nec crepat, aut bullit, sed perarescit, cum aliquantulo rubore tanquam colcotaris seu vitrioli usti nota. Tunc sapor non est tam subtilis & penetrans quam prius: sed potius salsus & terreus, spiritibus nimirum subtilibus ignis vi deperditis. Tactu asper pulvis est, & si post reverberationem (ut loquuntur Chymici) in aquam dejicias, fundum petit, nec totus resolvitur ut ante, sed pars major irresoluta manet, tanquam calx quædam saxea, in quam sal etiam abire potest & lapidescere. Ex cinere aquis infuso item sal elicitur sed candidior. Initio est subspiceus. Si torreas inter prunas in catino, vel ferreo cochleari, primum subadustus & humidus apparet, & adheret trulla firmiter, quin & in vesicas attollit laminas sua acrimonia. Tandem evadit niveus, instar aluminis usti. Sapor salsus terreusq; & minus acris non tosto. Asper tactu. Alumen putes; sed hoc combustum, si digitis teras, mollius est, & natat aliquantisper in aqua antequam resolvatur. Gustus quoque utrumq; discernit. Descensoria destillatio experimenti causa instituta quinque duravit horas, dato igni per gradus ita ut diu satis valente flamma carbo sit perustus, neque tamen potuerit exhauriri. Descenderunt spiritus fumei, olentes incensum Gagaten, & conceptaculum totum implentes, candidoq; colore, quasi salis, inficientes, quin & in aquam præmissoriam sese insinuant. Post refrigerationem evanuit albedo. Oleum exivit paucum ut dictum est. Carbo destillatione peracta niger exem-

exemptus est & inflammabilis ex parte; partim autem etiam exhaustus, levis, fistulosus & quasi bullis inflatus, plane ut in gagate consuevit fieri. Aqua premissoria subalbida, saporis abominandi fuit exhibentis simul aliquid chalcanthinae dulcedinis & acrimoniae sed modica. Liquamen oleosum sat olet graviter, & diu inquinatas manus tenet. Carbo reverberatus inter destillandum, aqua perfusus stridit fumigavitq;. Cum tam tarde & difficulter procederet destillatio descensoria, nolimus operam perdere ascensoria, uti nec inclinatoria. Satis item apparet huius bituminis natura ex dictis. Quoniam autem nonnulli pnigitin (à loco ita nuncupatam) quoque inter terras bituminosas habent: (Nam cretam nigram Belgae dicuntur appellare lithanthracem Aquisgranensem; Encelius Schwarze Kreiden interpretatur ampelitin; Seidelius pnigitin) perpendenda sunt autorum de illa verba. Diosc. ait dictam pnigitin colore quodammodo similem esse Eredriadi (quam vel albam admodum posuit, vel cineream, quae per aramenta tracta lineam referat violaceam) grandioribus tantum glebis, refrigerantem manus admotas, tactu linguae adeo glutinosam ut pensilis hæreat, & aliqui vendant pro Eretriade, &c. Hac ipsa & Plinius habet lib. 35. c. 16. Galenus facultates pnigitidis & cimoliae exæquat; colore dissimilem facit, utpote nigram ὀμώϊας τῇ ἀμπέλλιδι, viscosam insuper & glutinosam non minus Samia, aliquando etiam magis. Circumfertur autem lapidis atramentarii titulo terra quædam nigra glebis sat magnis interdum cuius usus non in atramento scriptorio tantum, sed & pingendo scribendoq; pro creta, nisi quod atrum colorem prabeat. Facile radi & deteri potest plane ut creta. Alicubi venulis candidis & alluviecula distinguitur, quasi argenti vivi adhereret & rimis receptus esset halitus. Sed nihil potuimus hydrargyri notabilis elicere. Sustinuit ignem illa albedo, & in elutione per alveolum forma oblongarum particularum micam argenteam retulit: crudo aspectu etiam Galenam aut bismuthum. Per se olet quiddam molle & ingratum cum nausea. Ad candelam reddit odorem aquae in qua as est extinctum, seu infusus stetit lithanthrax ustus. Non qui-

quidem flagrat, sed ignitur tamen ut pruna, & in albam calcem mutatur. In ferreo cochleari, inter prunas usta tale quid spirat quale ex luto & lithanthrace mistura. Deinde excandescit reddita pauca flamma flagrante inter prunas, à quibus si removeas mox restinguitur. Integre particulae inde fiunt albae ut os ustum vel argilla candida. Pulvis vero etiam diuturniore flamma, in summo saltem cinereum accipit colorem. Tandem vero item evadit candidus, idque magis & citius si rarus sit. Aliquando portiones etiam ruborem induunt. Itaque conjicere licet aliquid bituminis argillam albam infecisse, & nigro tinxisse. Sapor cineris, terreus, calidus siccus & nonnihil subdulcis est. Ampliori igni potest totus erubescere, absque magna substantiae jactura. Color enim & spiritalis tinctura evanescent. Cinis terrae Altorfinæ seu carbonis ampelatici Doliani tenerior fit; sed tamen vehementia flammarum etiam declinat ad ruborem quem tandem plane quoque induere potest. In cistula Kentmanni est picea quædam medulla saxorum Pirnensium. Hæc qualis sit nondum potuimus indagare. Videbit medicus istius loci num inter bitumina referri debeat, & cui generi accenseri. Cum de Gagate scripsimus, produximus Liparen Plinii & Liparæum Theophrasti. Sunt in illo signa Gagatæ, quia niger scribitur, lævis, spissus, interceptus inter pumices (aut pumicosos lapides, quos marillas nuncupant ex Æthnæis incendiis reliquas, quæ solent in agris Siculis resolvi & esse loco lataminis seu marga.) Nescio an simile sit quid in ista medulla, ut pro Liparæo lapide & specie Gagatæ haberi queat. Medulla tamen cum dicitur, quasi marga nigra bitumineæ, ad classem ampelitidis terræ revocanda foret, innuitur.

Hucusque solertissimi Libavii, de nostro Ligno fossili bituminoso, tum Pyrite, & hinc eliciendo Sale Vitriolico, accurata veracissimaque narratio; cui quod addam vix habeo, nisi locum, quo ista inveniuntur. Hic autem est profunda, sæpius nominata spelunca (die Teufels-gruben) non procul à pago Grünsperg / ubi media inter saxa arenosa occurrunt vene quasi sparsæ, vagæ, strata dictorum carbonum, aut lignorum fossilium,

lium , cum *pyrite* frequenter commixtorum. Nec dubium est, quin & alibi circa nos *eorundem concretorum venæ* lateant: Certe enim *terra bituminosa*, superiori plane similis, *conspicuas portiones* depromsi è rivulo versus *Hagenhausen* / *leucæ* minimum intervallo à *Grünsperg*. Quid, quod ubivis obvii sunt *lapides crustosi*, in cinereo *nigricantes*, *bitumineum factorem*, si durius fricantur vel conteruntur, *exhalantes*.

Cæterum in eo ægre adstipulor *Libavio*, quod cuncta nostratis ligni fossilis bituminosi specimina meræ mineralis sint prosapiæ: Licet enim hoc concesserim de rudioribus & informibus, de singulis tamen, præsertim iis, quæ ligni vegetabilis naturam, quoad tractus fibrarum, pectines (die *Jahre*) corticem, nodos & ramorum vestigia, &c. nimium exacte referunt, concedere neutiquam possum. Sane jam pridem doctissimus *Mart. Schoockius* (g) ita distinxit: *Quæ sub terra inveniuntur, arborumq. loco habentur, aut illud sunt quod audiunt, arborum scil. trunci, ramis atque radicibus suis instructi aut saltem tale quid videntur.* Et posteaquam idem Autor operose conatus est ostendere, pleraq. istorum fossilium lignorum nunquam vera extitisse vegetabilia, sic tandem (h) concludit: *Neque tamen, suadentibus plurimis experimentis (ad quæ quam diligentissime attendi) inficias ire licet, alicubi ipsas cum suis fructibus arbores prolapsas fuisse, & profundo mersas. Etenim non modo trunci, suis coherentes radicibus notantur, verum etiam trunci pariter cum foliis & fructibus ab iis propendentibus, &c.* Equidem alii (& inter hos non ultimus ingenio *D. Matth. Zachar. Pillingius* (i) contendunt, lignum quodcumq. bituminosum à natura produci sub terra: Veruntamen si id, quod magna confidentia supponitur, nempe vim quandam specificam bitumini inesse, qua ad lignorum imaginem formari possit, vocetur in dubium (uti merito debet) vel negetur, tota vacillabit aut prorsus corruet hypothesis.

M

De

(g) De Turffis, Cap. XII. p. 82. (h) l. c. pag. 248. (i) de bitum. & lign. fossil. bitum. cap. 8. & 9.

De *Pyrite* nostro exploratum hoc habeo, quod *Sulphuris* haud modicum contineat, cum fœnore hinc separandum, si modo cumulator præsto esset *minera*, cujus tamen adhuc nullæ constantes venæ comparuerunt; Namq; frustulatim (*Nieren-und Nest-weise*) saltem jacet ille *pyrites*, tam loco dicto, quam alibi, nimirum hic *Altdorffii*, pariterq; ad *Oppida Neumarkt & Herspruck* / per subcœruleam istam terram, quæ cellarum excavandarum gratia eruitur, disseminatus, variis ludens imaginibus & figuris, quemadmodum & *Joh. Bauhinus* l. c. de *Bollensi pyrite* suo annotavit. Sunt mihi frustula vivacissimis quibusque coloribus resplendentia. Quædam compacta & valde dura sunt, *bombardis*, pro suscitando ad explosionem igne, accommoda. E quibusdam aliquandiu aëri expositis *Vitriolum martiale* efflorescit, perinde ut è celebri *Hassiaca martis minera*, *solaris* cognominata, quæ nec ipsa quid aliud, quam *Pyritis* aut *Marchasite species* est, à nostrate parum diversa, ut facile crederem, hanc illi posse substitui. Profecto *Vitriolum* inde evocatum, & in *crystallos viridescentes* coagulatum, est egregium ac subdulce. Consimilem quoque *pyritem* observavi in lapidicina *Herspruccensi*, durissimis ingenitum saxis.

Opportunum hic esset *experimenta quædam, circa Pyritem à me instituta non vulgaria* subjungere, sed eadem, exclusus tempore, in aliam reservare cogor occasionem. Si quis interim de *Pyrite* plura desiderat legere, illi *Petrus Maria Caneparius* (1) inprimis satisfaciet. Cæterum *SAL*, quod *carbones & ligna fossilia nostra*, ad examen *Libavii* præbuerunt, deprehensum fuisse *ALVMINOSVM*, minime decet mirari; quandoquidem *aluminis genuini venas*, glebarum ejusmodi *lignoso-bituminearum* facie, passim, præcipue vero in *Bohemia* licuit conspicere.

CAPVT X.

DE METALLIS NORICIS

QUamvis Noricum nostrum, *fecunditate metallorum, Saxonia, Bohemia, Hungaria*, aliisque hoc titulo celebratis regionibus lubenter cedat, expers tamen *metalli* haudquam est. Præsertim FERRO abundat, & olim forsan abundavit magis, etiam nobiliore ac durissimo, quod CHALYBS vulgo nuncupatur. Certe *Plinius* (a) bonitatem ac præstantiam *Ferri Norici* collaudat: Et *Horatius* (b) *Noricum ensem*, tanquam maxime terribilem, commemorat; nec minus *Ferri Norici* durities ab *Ovidio* (c) indigitatur:

Durior & ferro, quod Noricus excoquit ignis.

Ast hæc loca de antiquo Norico (cujus Cap. I. mentionem feci) interpretanda videntur? Quicquid sit, *modernum* quoq; *Noricum* eodem nomine meretur extolli: Et credibile est, hanc præ cæteris regionem *priscos Noricos*, patria extorres, sibi pro sede nova selegisse, propter *Ferri copiam*, quæ porro exercendis artibus avitis commode inserviret; quam suspicionem *officinarum ferrariarum* vestigia per *Noricum* (maxime ad *Pegnisi ripas*) hodieque numerosa haud leviter corroborant.

Præstantia seorsim *Ferri metalla*, suo jam tempore *G. Agricola* (d) testatur habuisse *Noricum Cisdanubianum* (ita enim nostrum satis recte appellat) ad secundum lapidem ab *Amberga Sulcebachum* versus. Huic consentit *Valer. Cordus* (e): *Ferrariarum* (scribens) *omnium largissima sunt Ambergi, in iis HÆMATITES NIGER pulcherrimus ferrum optimum fundit. OCHRA ibidem RVBIGINOSA, quam vocant Lebererck / copiose effoditur, quæ optimum remittit ferrum. In iisdem ferrariis RVBRICA DVRA, hematitis modo, ferri splendorem præ se ferens. &c.* Quin & sequentibus temporibus hasce *ferrarias*, tam *fodinas*, quam *officinas*, (*Eisen-Hammer und Hoch-Ofen*)

M 2

flo-

(a) Hist. Nat. Lib. XXXIV. cap. 14. (b) Epod. XIV. circa finem
(c) Metamorphos. Lib. XIV. (d) de vet. & nov. metall.
Lib. II. cap. 15. (e) Sylv. var. observ. p. 218. b.

floruisse, documento est die neue zehn-jährige Hammerverord-
nung / Amberger und Sulzbacher Rivir / von Pfing-
sten / Anno 1583. bis wieder Pfingsten / des 1593. Jahres
während (f). Imo ne nunc quidem iis locis *ferrum* desit ef-
fodi & excoqui, venis sat laudabilibus, è quibus ipsemet hæ-
matitem Cordi nigrum, præstantem sane *Ferri mineram*, insuperq;
aliam, quam, ob superficiem globosam & splendentem Glas-
topf vulgo vocant Metallici, non obscura specimina collegi.

Propius autem ad Altdorffium, locis variis, abundat
ferrum: Inde dictum suspicari licet Ferrieden/ Brandenburgi-
co-Onoldinæ ditionis pagum, de quo beatus Georg. Cass.
Kirchmajerus, metallicæ rei peritissimus (g) hæc habet: Al-
lernechst beim Dorff Ober-Ferrieden hinter Altdorff/ unweit
der Regenspurger Strassen / auf der Höhe im Wald/ bricht
ein überaus guter und reichhaltiger Eisenstein. Sed in ipso
quoque *Norimbergensi Territorio* frequens satis ac dives extat
ferrum, inprimis in monte ultra pagum Weissenbrunn.
Quin & alibi versus Palatinatum superiorem, ad Pegnesi tra-
ctum, cujus mineræ copia & bonitate confisus, prælaudatus
Dn. *Kirchmajerus*, Autor esse coepit Proceribus quibusdam
Norimbergensibus, ut fodiendo & elaborando isti metallo
operam, fructuosam futuram, impenderent: Facilioris au-
tem persuasionis gratia, sumtuum & ex adverso redituum
talem (h) inivit rationem:

Wenn mit Verleihung Göttl. Berg-Segens der Eisen-
stein / der kleinen Prob nach / nur den gehenden Theil geben
sollte / so kämen zum hohen Ofen wöchentlich 700. Centner /
und wären darauf mehr nicht als 70. Centner rohes Eisen
zu erlangen. Der Centner auf dem Hammer daselbsten wird
bezahlet à 2. fl. würde betragen.

140. fl. = = außer dasjenige / was am Ofen /
eiserne Gefäßen / Stücken / Kugeln / und dergleichen / und doch
mit einerley Mühe gegossen wird / das gestehet unterschied-
lich à 2. 3. 5. 7. bis 8. fl. Herz

(f) Impren. Ambergæ, 1583. Fol. (g) Append. ad institut. Me-
tall. p. m. 110. (h) l. c. pag. 108.

Hergegen wäre darauf zu wenden an Kayserl.

Wehrung/

- 14. fl. Pro jure territoriali, an Zehenden/ratione der
Hütten/Hammers/und dergleichen Gebäude.
- 35. fl. vor 700. Centner Eisenstein zu gewinnen/
und anzuführen.
- 4. fl. vor Zuschlag.
- 42. fl. vor 21. Fuder Kohlen/ jedes à 2. fl.
- 21. fl. dem Facteur, Schmelzmeister und 6. Ham-
mer-Leuthen.
- I^{II}. fl. dem Kohlenträger.
- I^I. fl. zu Erhaltung des Inventarii.

Thut 120. fl.

Rest 20. fl. Uberschuß.

Sed duo hic in primis ardua & incerta Vir optimus, no-
strique (cum viveret) amantissimus, videtur supposuisse,
continuum scilicet DCC. centumpond. *minerae*, & XXI. *plaustr.*
carbonum in singulas septimanas apparatus, qui unde suppeteret,
ego quidem nequeo perspicere. Hoc autem plane existi-
mo, *Illustrem Senatum Norimberg.* pro decantata sapientia sua,
& paterno in cives subditosque affectu, minus de *ferrì me-*
tallis in sua ditione inveniendis esse sollicitum, quam de sylvis
conservandis, quarum sane pernicies ac pestis, fornacum
quibus ferrum excoquitur ac funditur (*Hoch-Ofen*) fre-
quentia.

Cæterum non modo *Pyrites* noster, verum etiam *Ochra*,
pluresque *Terra*, in Cap. III. recensitæ, pertinent ad *Ferrì mi-*
neras, tum *Listeri* (i) tum proprio meo experimento; qua-
tenus è singulis, post aliqualem urationem, promte colligit
magnes *Ferrì* moleculas, notabili quantitate.

Æs sive *Cuprum* in Norico nostro nondum, quod sciam,
reperitum est; nihilominus ex aliunde advecto prope Norim-

bergam, cum *lapide calaminari* Aquisgranensi, à longo jam tempore conficitur ORICHALCVM, quod mox in officinis peculiaribus in fila (Drath) ducitur, aliasve convertitur in formas, ut moris est, emtorque postulat. *Æris* autem *soboles*, aut *affine* saltem ipsi est COERULEUM NATIVUM (Berg-Lasur) cujus specimen pulcherrimum, durum ac splendens, in lapide cinereo, CHRYSOCOLLA pariter NATIVA (Berg-oder Schifergrün) perfuso, ad pagum Wintelheid aliquando deprehensum accepi, quod indicio foret latitantis forte ibidem *metalli*; sed quia ulterius nihil istorum fossilium comparuit, *una hirundo ver non faciet*.

Neque vero *Metalla nobiliora*, *Aurum* puta & *Argentum*, in Norico nostro se prodiderunt. Quamvis enim subinde oborta fuerit suspicio *venarum argenti*, noluit tamen ex voto res succedere. Sic nostra memoria, in Diœcesi Eystettensi, ad oppidum Berngrieß / *minera* quædam, ut ferebatur, *Luna* cæperat erui, sed non respondit sumtui labor. Meliori cum fructu hodieque ARGENTVM audio fodi, ad pagum Sansee / non procul ab Oppido Plennfeld / ejusdem Diœcesis, cujus alia quoque loca *Ferrum* suppeditare copiosum dicuntur.

In Norimbergensi Territorio celebrant vulgo *speluncam Veldensem*, tanquam *pretiosioris metalli feracem*, quæque propterea clanculum visitetur ab ignotis Italis: Sed fabulam sapit traditio, nec ipse Argus aliquid *auri* vel *argenti* in illa crypta observabit.

Non longe abest Altdorffio pagus Grub / ad quem ante plusculos jam annos quæsitum fuit *metallum*, frustra tamen & sine emolumento. Paria fata habuit Grunspergensis fodina, olim das Silberloch / in spem comparituri *argenti* nuncupata, cujus tam putei (Schacht) quam cuniculi (Stolln) cernuntur etiam nunc vestigia. Videtur autem memoratus supra *Pyrites splendidus* ansam fodiendi dedisse, nisi magis GALENA (Glantz) ad quam respexit etiam monito

nito suo *Libavius*, ipseque illam minime sterilem judicaverim, sed copia deficit.


Quando *Galenam*, utpote PLVMBI NIGRI *mineram* nominavi, æquum censeo, ejusdem metalli amplissimarum quondam in Superiori Palatinatu fodinarum injicere mentionem. Has per integrum quasi seculum viguisse, fidem facit *Chur- und Fürstlicher Pfalz-Blenbergswercks Ordnung* (1): Ast ille vigor dudum remisit, ut hodie nil ferme aliud agant perpauci operarii in Oppido metallico (zur Frenung) inter *Bischof & Wenden*/ quam ut è vetustis ruinis & cumulis (aus den alten Hallen) colligant lavando *metalli reliquias*, & in propinquis officinis elaborent. *Minera* vero *dives* admodum, & neutiquam vulgaris, cujus tres præcipuas notavi *differentias*. Primam candidam, semique diaphanam, *fluoris instar*, unde & *Fluß* appellant, ac centenarium ipsius ad LXXX. pondo *Plumbi nigri* fundere affirmant. Secunda est *opaca, scabra, colore & forma crustosa tartaro vini rubro similis*, quapropter *rote Schalen* audit; ex dimidia vero parte in *Plumbum* liquari asseritur: Forsan hæc est *Plumbum nativum Sultzbachium*, quod *Georg. Fabricius* (m) *rubeum* pronunciavit. Tertia ex flavo *viridescens* (*grün Blen-Erk*) ponderosa quidem, sed non tam ut priores metallo abundans. Cæterum ex hisce mineris coctum sine dubio quondam fuit, ut copiosum, sic præstans *Plumbum*, illudque ipsum quod *Joh. Kentmannus* (n) nominat, è *Palatinatu molliissimum*: *Gantz reich Blen*. Ego vero metallorum recensitionis, & totius ORYCTOGRAPHIÆ NORICÆ, post gratias humillimas, DEO Ter Opt.

Max. pro concessis mihi viribus persolutas, hic facio

F I N E M.

(1) Impress. Ambergæ 1619. in Fol. (m) de rebus metall. cap. VII.

(n) Nomencl. rer. fossil. p. 84. a.



SYLLABVS CAPITVM.

CAP. I. *De Situ & Natura Agri Norici.*

CAP. II. *De Aquis, præsertim medicamentosis, mineralibus & curiosis.*

CAP. III. *De Terris, quarum singularis usus est, partim apud Mechanicos, partim Medicos.*

CAP. IV. *De Lapidibus in genere, & speciatim iis qui sunt ἀμορφοί, h. e. nulla certa figura conspicui.*

CAP. V. *De Lapidibus ἐμμόρφοις, seu figura certa gaudentibus, in genere, & speciatim talibus ex Lusu naturæ.*

CAP. VI. *De Lapidibus ἐμμόρφοις seu figuratis, ex quorundam Vegetabilium & Animalium transmutatione.*

CAP. VII. *De Petrificatis Testaceis, speciatim Univalvibus.*

CAP. VIII. *De Bivalvibus Testaceis fossilibus.*

CAP. IX. *De Salinis & Sulphureis fossilibus Noricis.*

CAP. X. *De Metallis Noricis.*

INDEX

Scriptorum aliorumque in hoc Opusculo nominatorum.

A.

Agricola *Georg.*
Aldrovandus *Ulysses.*
Ammannus *Paulus.*
Aristoteles.

B.

Baierus *Joh. Guil. F.*
Bartholinus *Thomas.*
Bauhinus *Joh.*
Bauschius *Joh. Laur.*
Behrens *Georg. Henning.*
Boëtius de Boot *Anselm.*
Bonannus *Philipp.*
Borrichius *Olaus.*
Boyle *Robert.*
Bruno *Jac. Pancratius.*

C.

Caneparius *Petrus Maria.*
Cardanus *Hieron.*
Cardilucius *Joh. Hiskias.*
Carl *Joh. Samuel.*
Cellarius *Christoph.*
Columna *Fabius.*
Cordus *Valer.*
Cupani *Franc.*

D.

Dioscorides *Ped.*
Doldius *Leonhardus.*

E.

Encelius *Christoph.*
Erckerus *Lazarus.*

F.

Fabricius *Georgius.*

G.

Galenus.
Gesnerus *Contr.*
Geyerus *Joh. Dan.*
Grimm *Herm. Nicol.*

H.

Hertod *Joh. Ferdin.*
Hessus *Helias Eobanus.*
Hoffmannus *Casp.*

- - - *Frider. Fil.*

- - - *Mauritius.*

Horatius.

I.

ImHoff *Christoph. Frider.*
Imperatus *Ferrandus.*
Jonstonus *Joh.*

K.

Kentmannus *Joh.*
Kircherus *Athanas.*
Kirchmajerus *Georg. Casp.*
Koenig *Eman.*

L.

Lachmund *Frider.*

Langius *Joh.*
- - *Car. Nicol.*

Lehnerus *Joh.*
Libavius *Andr.*
Lifterus *Martin.*
Lochnerus *Mich. Frider.*
Luidius *Eduardus.*
Lydius *Balthasar.*

M.

Major *Joh. Dan.*
Marfilius *Ant. Fel. Abbas.*
Morellus *Andr.*
de Muralto *Joh.*

O.

Oldenburgerus *Andr.*
Olearius *Adam.*
Ovidius.

P.

Pillingius *Matth. Zachar.*
Plinius.

R.

Rajus *Joh.*
Reiskius *Joh.*
Rhumelius *Joh. Conr.*
- - *Joh. Pharam.*

Rosenbergius *Joh. Carol.*

S.

Scheuchzerus *Joh. Jac.*
Schoockius *Martin.*
Schroeckius *Lucas.*
Schroederus *Joh.*
Scriptura *S.*
Scultetus *Joh.*

Seidelius *Bruno.*

Seyfried *Joh. Henr.*

Stahlius *Georg. Ernest.*

Sturmius *Joh. Christ.*

T.

Theophrastus.

V.

Vegetius *Flavius.*
Velschius *Georg. Hieron.*
Vitruvius.

W.

Wagenfeilius *Christoph.*
Wagnerus *Joh. Jacob.*
Woodvvardus *Joh.*
Wormius *Olaus.*
Wurffbainius *Joh. Paul.*



RERVM MEMORABILIVM INDEX.

A.

A Biegnum lignum petrifica-
tum. 51. 52
Acidula dilutior. 9

Ætites.

Agaricus mineralis, vid. Lac Lu-
na.

32

Agri

Agri Norici situs.	1	Belemnites ejusque differentia.	
diversitas.	2. 3		33. seq.
fertilitas.	2. 3	Berg: Grün.	94
Alabastrum.	25	Casur.	94
Alcyonium fossile.	46	Bituminosa Ligna & carbones.	
Altdorffina terra bituminosa.	81.		81. seq.
seq.		Bivalvia testacea fossilia, eorum-	
Alveolus lapis.	38	que divisio.	72. 73
Aluminosum sal.	86. 90	Bolus rubra.	14
Amethystus occidentalis.	28	Brontia.	71
Ammonis cornu.	59	Bucardites.	76
Amnes Norici.	3	C.	
Amorphi lapides.	21. seq.	Calcarium sal aut nitrum.	81
Ampelites terra.	82. seq.	saxum.	24
Amygdala lapidea.	45	Calceamenti simulacrum in la-	
Anonii conchitæ.	77. seq.	pide.	47
Aphronitrum.	81	Carbo bitumineus & fossilis.	81.
Aquæ petrificantes seu lapide-			seq.
scentes.	9	Carpolithi Altdorffini.	46
subterraneæ.	10	Ceraforum officula lapidea.	45
Aquilæ lapis.	32	Ceratites.	47
Arenæ species variæ.	23. seq.	Chalcanthina vena.	86
Arenarium saxum.	22. seq.	Chalybs Noricus.	91
Argentum Noricum.	94	Chrysocolla nativa.	94
Argilla Norica ejusque species.		Cochlitæ, eorumq; species.	69
	12. seq.	Cœruleum nativum.	94
Asteriæ lapides.	41	Coloniensis terra.	85
Astroites.	41	Concha margaritifera fossilis.	76
Atramentarius lapis.	87	Conchæ anomia rugosæ.	78. 79.
B.		Conchitæ valvis regularibus.	73.
Balanus fossilis.	72		seq.
Balneum ferinum Norimbergen-		irregularibus.	77.
se.	5		seq.
Neagorense.	8	Conici lapides.	33
		N 2	Cor-

Cordati Echinitæ.	71	Εμμορφοι lapides, eorumque di-	
Corii antiqui superficiem expri-		visio.	29. 30
mens lapis.	47	Entalium fossile.	72.
Cornu Ammonis Etymologia.	59	Entrochus.	42.
in nummis ex-		F.	
pressum.	59	Faginum lignum petrificatum.	52.
variæ species.		Ferrum Noricum.	91. 92.
60. seq.		Fibulares echinitæ.	71
genuinum Plinii.	61	Ficoides lapis.	46
Cornuum Ammonis articuli.	61	Figuratorum lapidum divisio.	29. 30
structura in-		Figurati lapides ex lusu naturæ.	31
terna.	67	ex transmuta-	
Cornu apicem referens lapis.	47	tione vegeta-	
Crypta Baumannii.	40	bilium & ani-	
Illschvvangensis.	40	malium.	48.
Kauerheimensis.	11	seq.	
Veldensis.	10	Fischbach rivus.	4
CrySTALLUS.	28	Fluores pellucidi & colorati.	28.
D.			29.
Dendrites.	44	Folia arborum petrificata.	50
Dens fossilis filiceus.	54	Fons soterus in pago Zabels-	
Dentis apri figura in lapide.	48	hoff.	7
Diaphani lapides.	28	Fontium Norimberg. multitu-	
Diluvium universale causa testa-		do.	4.
ceorum fossilium.	67	Fungites.	46
Doldia terra.	85	G.	
Donnerkeil.	34	Gagates.	81. seq.
Dryites.	51	Galena Norica.	38. 74. 85. 95
E.		Geodes.	33
Ebenum fossile.	81	Glaesopff.	92
Echinitæ, seu echini fossiles, eo-		Gryphites.	79
rumq; variæ species.	69. seq.	Gypsum.	25
Elatites.	51		

H.

Hæmatites niger.	91
Hammonites.	67
Hemisphæria lapidea.	32
Hysterolithus seu hystera petra.	76

I.

Ichthyolithi Pappenheimenses	82
Eystettenenses.	56
Ichthyospondyli.	55
Incrustatio lapidosa.	50
Judaicus lapis.	44
Jupiter Ammon cornutus.	59

L.

Lac Lunæ.	16. seq.
Lapidescentes aquæ.	9
Lapis Aquilæ.	32
Judaicus.	44
Lyncis.	34
Lapides ἀμφοβολοι.	21. seq.
crustosi & bituminosi.	89
Lapidum Noric. divisio.	22
Lapidicina Noricæ.	23
Seber, Erh.	91
Ligna in lapides convertendi artificium.	53
petrificata.	51
Lignum fossile bituminosum.	81
Lusus naturæ quid?	31
Lyncis lapis.	34

M.

Marga saxatilis.	20
Margaritifera concha fossilis.	76
Marmor.	26
Mater perlarum fossilis.	76
Mathematicæ figuræ lapides.	31
Medulla saxorum.	20
Metalla Norica.	90. seq.
Mineræ ferri variæ.	91. 92.
Minera Martis Hassiaca.	90

Modiolus stellaris.	42. 43
Moyfes cornutus.	59
Musculites vulgaris.	74
Mustricula lapidea.	47
Mytilites seu mytuli testa fossilis.	74

N.

Nautilites ejusque species.	60. seq.
Nerites fossilis.	69
Nitrum.	80
Nitrum calcarium.	81
Nummi Cornu Ammonis exprimentes.	59

O.

Ochra Norica.	14
rubiginosa.	91
Oliva lapidea.	45
Ombriæ.	71
Orichalcum Noricum.	94
Ossa fossilis.	53. 54
Ostracites.	77
Ovula piscium petrificata.	67

P.

Papilla muliebris lapide repræsentata.	47
Pectinites, var. spec.	77
Pectunculitæ, var. spec.	75. 78
Pegnesus amnis.	3
Penis puerilis imago in lapide.	47
Perna exigua lapide expressa.	47
Perficites.	46
Petafunculus lapideus.	47
Petrificantes aquæ.	9
Phengites.	52
Pholades.	75
Piscium imagines in lapidibus.	56
vertebræ petrificatæ.	55
Piscina prægrandis, der Dufsetteich	3. 4. 7
Plumbi nigri mineræ divites.	95

N. 3

Pnigi-

Pnigites.	87	Smaragdus occidentalis.	28
Porpites <i>Luidii</i> .	42	Solenites.	75
Porus lapis.	24	Spelæum, vid. Crypta.	
Prunum lapideum.	45	Spelunca, vid. Crypta.	
Pseud-Amethystus.	28	Sphæræ lapideæ.	32
Pseudo-Topazius.	28	Sphragis Asteros.	41
Puteus salutaris Noribergæ creditus.	4	Stagna subterranea.	10
Pyra lapidea.	46.	Stalactites.	39
Pyri truncus lapideus.	52	Stalagmites.	39
Pyrimachus.	27	Stellares lapides.	41
Pyrites.	81. seq.	Sulphurea fossilia Noric. 80. seq.	
		T.	
		Tasconium Plinii.	13
<i>Q.</i> Quercinum lignum petrificatum.	51	Tellinites.	74. 75
<i>R.</i>		Terebratula.	78. 79
Radicis lignosæ portio petrificata.	52	Terra ampelites.	82. seq.
Rogenstein.	67	Coloniensis.	81. 85
Rotundi lapides.	31	crustosa & miniata.	21
Rubrica dura, hæmatiti similis.	91	Doldia.	85
fabrilis.	15	lutea seu flava.	14
Rugosæ conchæ anomix fossiles.	78	sigillanda Norica.	15
<i>S.</i>		Testacea petrificata in genere.	57
Sal aluminosum.	86. 90	fossilia univalvia.	57. seq.
nitri.	80	bivalvia.	72. 73
petræ.	80	Topazius occidentalis.	28
Salina fossilia Norica 80. seq.		Tophus lapis.	24
Sandalio indutum pedem referens lapis.	47	Trochi fossiles.	69
Saxum arenarium. 22. seq.		Tubuli vermiculares fossiles.	72
calcarium.	24	Turbinata fossilia.	68
Scaturigo memorabilis.	4	V.	
Schifer Grün.	94	Vermiculares tubuli fossiles.	72
Silices.	27	Vertebræ piscium petrificatæ.	55
Siliquæ piperis Indici similis lapis.	46	Vitriolum Noricum.	81. 90
		Unicornu fossile.	53
		Univalvia testacea petrificata eorumque divisio.	57. 58

F I N I S.

Errata quædam corrigenda.

Pag. 6. lin. 25. leg. regni. p. 7. lin. penult. leg. indigitatam. p. 8. l. 6. & 12. leg. Neagorens. p. 44. l. 5. & 17. leg. Dendrit.















